

3.587

T

1.245





T. 1245.

117
Pud. St. Thomas
11- August 5

8T 1245 INU 3552 Al

113
24



LA CHI-
RURGIE DE
M. I A Q V E S H O L-
lier Docteur en Mede-
cine de la Faculté
de Paris.

*Traduite en Francois par maistre Simeon
de Prouanchieres Langrois Medecin à
Ses, & ordinaire de Tresillustre Prin-
ce Loüys de Lorraine Archeuesque &
Duc de Reims, premier Pair de France.*



A P A R I S,
Chez Charles Macé, au Clos-Bruncieu,
à l'enseigne de la Pyramide,
1 5 7 6.
A V E C P R I V I L E G E.





A TRESILLVSTRE
ET GENEREUX
Prince Loüys de Lor-
raine, Archeuesque &
Duc de Reims, premier
Pair de France.

MONSEIGNEVR, le
rapport que lon vous
fait de moi, sur le poinct
de l'establissement des
estats de vostre maison,
vous donna occasion de
me faire expedier lettres de retenue, pour
à ij

E D I S T R E.

estre employé à vostre service en ma vacation. Elles me furent enuoyees sur la fin du mois de Septembre, en l'An passé, au lieu de Sens où ie suis habitué & fais la medecine. I'aurois esté mal appris, & conseillé, si depuis ie n'auois aduise, en quelle facon ie pourrois faire paroistre l'obligation que i'ay de vous rendre treshumble service. Pour en donner quelque bon témoignage, & suffisante preuue, i'ay pris la hardiesse de faire voir le iour, sous le nom de vostre authorité, à la Chirurgie d'Hollier, que i'ay traduite de Latin en nostre vulgaire. Le merite du subiet me semble bien grand, que si le langage françois que ie luy ay presté, en estoit auant digne, que ie desirerois qu'il fust, ie ne rougirois en le vous dediant: si est-ce que ie l'ayme mieux tel qu'il est, faisant auantement demonstration d'une recognoissance ciuile & honnesté, que d'en courir la honte d'une sottise & vile ingrati-

de. Et puis la petitesse du don, quelque apparence qu'elle eust de me pouuoir diuertir, n'a gaigné cest aduantage sur moy, qui scauoy de longue-main, quelle peut estre reparee à l'aduenir par quelque autre chose de plus grand, & de mieux fait, maintenant par vne volonté genereuse, à laquelle tous ceux de vostre qualité & rang ont tousiours eu plus d'esgard, qu'à la chose donnée. Aussi est-ce là le moyen de s'obliger beaucoup de personnes, & se les rendre fidelles & affectionnees: comme tous ceux de vostre maison tresheroïque, tant des armes que de la longue robe, l'ont tousiours vertueusement & sagement prauiqué. Receuez doncques, MONSIEUR, avec mesme grace les premies des fruiets de mon estude, sans faire estat de la valeur. Et quand Dieu me les donnera meilleurs, ils vous seront vouez. Et ce pendant ie luy feray hum-

EPISTRE.

bles prieres , de vous donner en toute prosperité l'accomplissement de vos desirs.

Vostre treshumble & tresobeissant seruiteur Simeon de Pro-
uanchieres.





LE TRADVCTEUR AUX LECTEURS.

MES amys, ce Traitté de la
matiere de Chirurgie porte
sa recommandation avec soy,
pour l'esgard du subiect.
Mais ie vous veux bien
vous aduertir, que de sa premiere facon,
telle que l'Auteur luy a donné, il estoit
diuisé & parti en trois liures, qui furent
faits Francois bien tost apres la premiere
impression: les trois Latins ont esté docte-
ment compendiez, & heureusement re-
duits en vn pareillement Latin, que lon
voit apres la Chirurgie de monsieur Ta-
gant imprimée à Lyon par Rouille. Ores
le dernier esté, pource que iamais il n'e-
à iij

LE TRADVCTEUR

estoit aduenu que ie l'eusse, ou veisse aucune version d'un, ou d'autre, i'en affecton d'employer le temps de loisir que i'auois, & donner un peu de ma peine, pour faire parler françois, celuy qui à mon iugement le meritoit mieux, deu sa briesueté, & qui me sembloit plus propre à porter en la main, & faire compagnie au Chirurgien en la ville, & aux champs. De fait ie meis la main à la besongne, tant pour la beauté de la matiere, que pour le besoing qu'en ont ceux qui sont ignorants des langues Grecque & Latine, toutesfois appellez à la Chirurgie. A grãd peine estoit-ce fait, que lon m'escriuit la matiere de Chirurgie auoir esté traduite, & par mesme moyen lon m'envoya la version distribuee en trois liures, comme nous vous auons declaré.

Voyant que i'auois choisi l'abbregé, que mon style estoit assez familier, qu'en sa petitesse, il pouuoit suffire au Chirur-

AVX LECTEURS.

gien, voire qu'il seroit le bien-venu pour la rareté de la premiere traduction, ie persistay en la deliberation que j'en auois faite, & fus resolu d'en faire part au publicque, apres les auoir conseruees toutes deux, & ayant pris l'aduis de quelques vns, spécialement de monsieur d'Ailleboust, personnage de telle suffisance en la medecine, que toute la France en a peu de tels: Entore de messieurs de Giffey & Perigois Medecins signalez & tresdignes. En fin j'effectue ma Volonté, digérant toutes les difficultez, qui bien souvent desbauchent les mieux affectionnez de leurs bonnes & louables entreprises. Ie preuoy bien que l'un reprendra, que nostre parolle est moins pressee, que la latine: mais pourueu que le subiect soit cler & euident, que lon voye le iour à trauer, & que l'esprit ne travaille point à l'intelligence, qui est l'ame de la voix & du parler, ie ne me soucie point de

LE TRADVCTEUR

desplaire à ceux, qui voudroient que ie fusse plus contraint. L'autre ne trouuera bon que ie me sois licentié en beaucoup de mots, laissant par fois les accoustuméz, pour d'onner lieu à d'autres de plus grande euidence & facilité. Quelle perte faisons, si le discours en est mieux entendu. Car la licence que i'ay prise, doit estre rapportee au desir que i'ay eu d'estre reconnu pour Francois, & non pas estrangier. Si a-il fallu quelquefois vser des mots tels, que les Chirurgiens & Apothicaires ont familiers par l'accoustumance & vsage d'iceux, encore qu'ils ne soyent entendus, que de ceux entre lesquels ils ont vogue: aussi chacune science a ses propres termes, que lon ne doit changer, que pour quelque plus grand lustre, & euidence de la matiere qu'on traite. Si quelqu'un est si sourcilieux, que de reprouuer la facon d'escrire les mots puremēt Grecs en lettres Latines ou Francoises, ven mon

AVX LECTEURS.

intention, ie suis hors de reproche & de
faute, parce que j'ay eu respect non au peu
ou bien scauants aux langues, mais à ceux
qui n'en ont iamais veu les premieres let-
tres, & en leur faueur, sans aucune autre
consideration, j'ay fais parler françois ce
petit traitté, duquel par aduventure ils me
sauront quelque gré. Et pour leurs don-
ner courage, ie leur diray hardiment, que
lon doit faire plus de cas, d'un qui sera
habille homme en son estat, qu'il a appris
en sa langue, & n'ayant que le vulgaire
familier, que de celuy qui l'aura mendié
des estrangeres, & n'en saura qu'à moi-
tié. Et toutesfois plusieurs sont en ceste
opinion, que lon en scait trop, quand on
peut faire monstre d'un mot de Grec, ou
Latin: Et encore, qui en a le moins, c'est
celuy qui les a en bouche le plus souuent,
estimant par tel moyen cacher son igno-
rance. Il est bien trompé: car ce n'est la
langue Grecque, Latine ou autre, qui rend

L'homme sçauant, c'est la cognoissance des
 choses. Et à la mienne volonté que pour
 l'intelligence des sciences, la langue Fran-
 coise peust suffire, on verroit beaucoup
 d'hommes plus profonds en sçauoir, que
 lon ne fait possible aussi grands, que ceux
 la que la Grece a nourris. Mais c'est grand
 pitié, qu'auant que de ietter les fondemens
 de quelque profession, il falle auoir em-
 ployé les meilleures années de nostre vie,
 qui est si courte, à la cognoissance des mots,
 pour nous appriuoiser les langues estran-
 geres, desquelles nous empruntons les sci-
 ces. Je ne veux entrer plus auant en ce
 discours, cela suffira pour aduertir le Chi-
 rurgien, qui n'a que son françois, qu'il
 peust estre autant accompli en son estat,
 pourueu que tout ce qui luy appartient,
 fust traduit facilement & purement, cō-
 me si il auoit le Grec, & le Latin. I'en'en
 pense autre chose, & croy que c'est la ve-
 rité. Retournant à mon ouurage, il est

AVX LECTEURS.

tel que ie l'ay peu faire, si lon y trouue
quelque deffectuosité, ce n'est faute de
vouloir mieux de vostre part vous
la supporter, & à l'aduenir nous
aurons quelque chose Dieu aydant plus
digne de vous, en recompense de la faueur
que ie receuray. Ores ay-ie fait difficul-
té pour ce premier coup d'y adionster quel-
que chose du mien, comme petites anno-
tations que i'auois faittes, & qui eussent
possible apporter quelque iour à la matie-
re, mais ie les ay remises à vne autre fois.
Et cependant ie les examineray plus di-
ligemment en voyant comme ceste pre-
miere espreuue sera recueillie.



TABLE DES CHA- PITRES.

L	Le premier est des Repercussifs. fueill. 7.	pag. 1
Le 2.	des Attractifs.	16. 2
Le 3.	des Resolutifs.	26. 1
Le 4.	des Remollitifs.	34. 2
Le 5.	des Suppuratifs.	48. 1
Le 6.	de l'ouverture des abscez.	56. 1
Le 7.	des Mondificatifs.	65. 1
Le 8.	des Sarcotiques ou regene- ratifs de chair.	77. 1
Le 9.	des Epulotiques.	89. 1
Le 10.	des Cōsolidants.	99 2
Le 11.	des Pyrotiques.	112. 2
Le 12.	de la Douleur.	12 2
Le 13.	de l'Hemorrhagie ou flux de sang.	134. 1
Ch. 14.	de la matiere vulcaux vi- ces des os	141. 1

EXTRAICT DV PRIVI-
LEGE DV ROY.

IL est defendu à tous Libraires & Im-
primeurs du Royaume de France, fors
à Charles Macé Libraire iuré en l'V-
niuersité de Paris, d'imprimer ny exposer
en vente la Chirurgie de maistre Iaques
Hollier Docteur en Medecine de la facul-
té de Paris, traduite en François par mai-
stre Simeon de Prouāchieres Anglois Me-
decin à Sens, & ordinaire de tresillustre
Prince Loüys de Lorraine Archeuesque
& Duc de Reims, premier Pair de France,
*pour six ans entiers apres la premiere im-
pression faicte par ledit Macé: cōme plus
amplement il est porté par les lettres dudit
Seigneur sur ce donnees à Paris le 12. iour
Auil, 1576.*

SONNET D'VN

A M Y.

L' Air amoureux d'un langage sans fruit,
 Combien qu'il ait le plaisir de l'ouye
 Pour son obiet, depuis qu'il l'a ranie
 Il est autant, comme il pretend, en bruit.
 Ce n'est non plus que le pourtrait qui suit
 Les traits d'un corps anime, Et n'a vie:
 Pour auoir donc vne gloire accomplie,
 C'est la raison qui au langage duit.
 Telle vnion rend l'ouurage parfait:
 Tu l'as bien sceu, cher amy: car de fait
 Ta version en donne tesmoignage.
 Quant au subiet *Hollier* gagne le pris,
 Mais ton parler nous a l'oreille pris,
 Tous deux auez l'un sur l'autre auantage.



PREFACE DE
L'AUTHEVR.

HIPPOCRATES, Gal-
lien, & au parauât lui
Dioscoride d'Anazar-
be, nous ont mis en
possession de plusieurs
remedes, qui regardent la Chirur-
gie. Et les modernes nous ont fait
cômunication de ceus, qui leur ap-
partiennêt. Il n'est pas raisonnable
de desrober l'honneur, que les vns
ou les autres meritêt. De sorte que
le iugement me semble iniurieux,
qui auantage les Grecs, en leur

A



P R E F A C E

faisant si bõne part du fruit de ceste gloire, qu'il n'en reste rien qui soit pour les autres : à fin, en ce faisant, que toute la peine & estude, tât des Arabes que des modernes, perissent pour iamais offusquez d'une eternelle nuit. Ores voit on souuēt vne terre mauuaise rapporter quelque bon fruit. Les Grecs ont vescu en la fleur & lumiere des lettres: les Arabes, avec toute leur famille, sont venus au temps, que les meilleures sciences estoient desertes, & ensepuelies. Pourtant nous tenons d'eux force choses dignes d'estre mises en vüe, & consacrees à la memoire. A dire vray on doit tout premieremēt puiser les remedes es viues sources des Grecs, & en faire bonne prouision, sans nonchalloit les ruisseaux des Arabes, & autres bõs esprits de leur suite. En prenant



d'eux le plus sain & entier, reiettant tout ce qui sera defectueux, mal poli, & contreuenant à la doctrine des anciens. Ores en ce cas là nous devons tournoier alentour des chāps fertiles de la nature, foisonnant, en toute sorte de remedes, & où premierement ils ont esté cueillis. Iamais en rien du monde, nature ne s'est declaree plus prodigue, ou ambitieuse qu'en ces thesors de Chirurgie: faisant si belle & pleine mōstre de sa diuinité, quelon deust iuger la prouidēce diuine auoir voulu enrichir la Chirurgie singulièrement, & plus que toutes autres sciences. Elle a fait vn grand amas d'infinies choses pour le plaisir & esbat de l'homme, mais elle a donné tout au Chirurgien, pour le salut & conseruation d'icelui. Car tout ce que l'œil descouure sur la face de

P R E F A C E

la terre, tout ce qui est caché en ses entrailles & abyssines, tout ce qui est contenu es eaues, toutes sortes de plantes & animaux, la terre, le feu, les mers, se tournent au profit du Chirurgien. Encore parmi les superfluites & excréments, parmi les choses vermoulues, fusanées & viles trouue lon prouision de remedes. Nature, à qui la variété plaist à merueille, les multiplie & diuersifie en vn mesme subiet. De quelle façon fest elle iouee en la mousche à miel, grosse & pleine d'une infinité de remedes. Le Chirurgien en tire le miel, la cire, la gomme, les rayons, la sandarache, la propolis, tout ce qui est dans ce beau nombre d'espaces & de partimens de leurs ruches: les abeilles mesmes lui seruent. L'homme pareillemēt sans sortir de chez soi, y trou-

ue beaucoup de choses qui lui profitent, de sorte que par tout où le pousse sa pensée, & le conduisent ses yeus, là se fait demonstration d'une belle & plantureuse compaignie de remedes. En quoi nous devons haut louer la diligence de nos predecesseurs, & encore plus tost embrasser leur estude, n'ayants passé rien en tout ce rond d'une grandeur si excessive, qu'ils n'ayent soigneusement recherché, sondé & expérimenté; qui plus est se sont travaillés à escrire toutes choses exquisés, grâdemment elaborées, soumises à un iugement rigoureux, & de leur bonne grace ils nous ont donné l'ususfruit de tant de biens. Doncques en premier lieu nous iouissions d'une infinie matiere par la coustume, par la nature, & par les liures & memoires de nos deuan-

P R E F A C E

ciers, qui maintenant est delaissee & abolie, tant on en fait peu de compte. Au temps qui court on se contente d'un boistier avec quelques espaces, & aujourdhui c'est assez, que d'avoir vn ou deus remedes avec opinion, qu'ils ne doivent estre non plus reuelez, que les oracles & responce des Dieux. Mon aduis est que ces remedes là sont les meilleurs, & plus assurez, que plusieurs ont congnus & approuuez. Vn autre rebute & dedaigne les elemēts avec tout ce qui est elementaire, se forgeant, tant il est delicat, vne nouvelle genealogie: nōmeement introduisant pour remedes la region etheree, & encore le ciel. Les richesses de nature nous sont familiares & domestiques à consolider les playes, modifier les absces, rencharner & emplire les

cauitez, mener à cicatrice, bref à faire tout ce qui est de l'estat & vocation du Chirurgien. Ores que chacun face à sa guise, nous à la nostre. Nous accômoderons à nostre vſaige, & ferons nostre profit des remedes, que ceste belle & grande forest de nature no^r a produits. & que l'histoire de nos deuanciers nous a representez dont ils nous font foi, & sont auouez de tout, ou de la plus part, comme bons. Nous vous ferons offre de ce commémét d'œuure, & premier esbauchemét, quelqu'autre apres moi, acheuera ces premiers traits, les remplira, & leur dónera la derniere façon. Nous tirerons ce pourtrait & patron & l'imitation des Cosmographeſ, qui enclauent l'vniuers en vn petit tableau. Nous entendós iouir de meſmes priuileges qu'eus, puis

P R E F A C E

que l'estendue de la matiere, qui vient à propos, est iustement proportionnee aus extremittez de cest vniuers. En premier lieu nous declarerons les choses vniuerselles & reigles cōmunes de l'art, nous donnerōs l'adresse de s'en seruir, nous establirons quelques loix: cela fait, nous ferons vn denombrement, & declaration de la matiere particuliere, adioustant quelques descriptions de receptes & formules, que trouuees par art, qu'approuuees par l'vsaige & experience de resçauants medecins. On a nommē ce subiet antidotaire, sans aucun fondement de raison, ou vsage des anciēs, & ont basti ce mot, tel qu'il est, selon que le temps leur permettoit. Ores nous ont ils taillé force matiere, pour nous y employer, & nous à ceus qui seront après nous:

à fin que le volume, qui deuoit cō-
prendre les cinq liures de Tagaut,
& nostre traitté de la matiere de
Chirurgie, ne fut trop gros. Et puis
ie n'auois moyen d'y donner plus
de temps, que celui qui me demou-
roit vuide, apres auoir vacqué à
mon estude iournalier, & au deuoir
de l'office, auquel i'estois commis,
& en moins que cest œure petit
voiremēt, mais fort meslé ne le re-
queroit. Pource il merite grace &
pardon, si aucunes choses sont rô-
demēt discourues en parolles pres-
sees, sans que rien traine. Car en vn
si grand amas de remedes, vn lan-
gage rôd, renforcé de raisons, tous-
iours se trouuera meilleur, & c'est
pour le mieus, que de comprendre
beaucoup en peu. Tous ceus là se-
rôt capables de ceste doctrine, qui
auront esté fondez & suffisammēt

P R E F A C E

enseignez, par les instructions que Tagaut a donnees, qui estoit hōme de bon esprit, & de grande estude. Ce persōnage es liures qu'il a faits, distribue les gēres de maladies, determine les espèces, remarque les signes, limite les presages, establit les loix, descript plusieurs remedes. Oū il releue ce qui estoit decheu en l'anciēne discipline, repare toutes les ruines, bres il rebastit tout de neufla Chirurgie, comme d'une pierre retaillee. Il s'est desmis sur nous de ceste partie, à cause de ses grādes occupations, & affaires cōtinus, qui le gardoiet d'y vacquer. Et m'ē suis chargé, à fin qu'ō n'eust opinion, que ie fusse peu soucieus du bien publique, ou que ie refusasse vn office d'ami. Nous sommes obligez aus Grecs de beaucoup de choses que nous tenons d'eus, &

auôs beaucoup pris des autres. Et
 quât aus choses que maïstre Guid,
 ou autres ses semblables, ont trait-
 tees assez grossierement, nous les
 auons repurgees & esclercies, tant
 qu'il a esté possible. Encore que no^s
 ayons bien appris, que le bien dire
 ne guarit pas les vices du corps,
 nô plus que la barbarté ne les oste
 pas. Si receuons nous tout langa-
 ge, pourueu qu'il soit remparé &
 fortifié de raisons, qui sont le suc
 & le sang qui l'animent, & lui sont
 propres. Si est-ce que nous don-
 nons la victoire à celui, qui coule
 rondement, & sans fard, reprouât
 & reiettant celui, qui est ou trop
 affecté, ou trop ambitieux. Ioint q^{ue}
 souuêtesfois ceste lourdesse & im-
 purité de langage, a tellement ob-
 scurci les choses, que lon n'y con-
 gnoïssoit que le haut Allemât. Soit

P R E P. D E L' A V T H.

le subiet tant bon qu'il vous plaira, si le l'agage, auquel il est deduit, est rustique & barbare, i'amaïs on n'en fera cas, & les pl^r delicats s'en donnent du plaisir. Quand il y a eu de la faute, i'ay baillé lieu aus Grecs qui l'ont amendee, & si i'ay choisi les remedes plus conuenables aus preceptes de l'art, à fin qu'au besoing on fust plus prôptement secouru. Voyla que i'auois à discourir tout premierement : Suiuons maintenant les poincts de la maniere proposee.





7
CHAPITRE PREMIER
DES REPERCVSSIFS.

Les Grecs appellent *Appronstica* les remedes
seruants au commen-
cement des fluxions,
& quelque peu après,
si long temps qu'elles durent. Avec
leur secours, nous eschappons les
origines & croissances d'une inflā-
mariō, les aposthemes, vlceres ma-
lings, les causes des fiebures & dou-
leurs, avec plusieurs autres vices
du corps. Pource obuiez y de bon-
ne heure, & allez au deuant. Mais il
conuient vuider le corps d'entree,
s'il est besoing, cōme il en est pres-
que tousiours: parce qu'en la re-
pletion, & vitieuse qualite des hu-

TRAITTE DE LA MATIERE
meurs, les reuthmes le plus souuēt
sont esmeus: combien que aucune-
fois ils aduiennent en vne plenu-
de, & corruption des humeurs me-
diocres. Le cas aduenāt, il faut que
nature soit secourue, ou par la fai-
gnee, ou par medicaments: renou-
uellant à diuerses fois vn mesme
remede, de peur qu'il ne s'eschauf-
fe par laps de temps, & que la par-
tie affligee, ne rentre en vne trop
grande chaleur. Il est pareillement
necessaire, que l'efficace du remede
& le mal soyēt proportionnez: car
le remede trop foible, comme la
laictue, ne sert de rien en vne gran-
de inflammation: celui qui est trop
violent, comme le ius des pommes
de mandragore, ternit & mortifie
la partie, endurecit le scirrhe, & re-
serre aucune fois avec telle force
que la flotte repoussée, se deriue es

parties nobles. Toutes ces choses sont considerables, la nature, l'assiete, la figure le sentiment, la force des parties, l'abondance de l'humour, la qualité, le corps, & d'abondant les conduits & esgouts, par lesquels il se vuide & escoule. Tous iours n'est-ce pas assez, d'appliquer le retrainctif sur la partie malade: parce que aucunesfois il le faut assieoir plus haut: afin que la fluxion trouue les passages bouchés, & que riē ne puisse passer, non plus que si on luy mettoit la main au deuant. Aussi doit-on tenir l'œil aux conduits, & accouplement des veines. Au reste on entre en different sur la nature des repercussifs. Les Arabes tiennent pour repellents, les medicamēts qui empeschent la fluxion, qui refrenēt & espessissent, qui sont emplastiques & oppilatifs, & qui

TRAITTE DE LA MATIERE
fortifiét les parties. Les Grecs par-
my leurs escrits, vnissent les restri-
ctifs & repercussifs. D'entre les au-
teurs Latins, Cornelius Celsus
descrie ceux qui repercutent & re-
froidissent ensemble & tout à vn
coup, puis à part, ceux là qui re-
poussent sans refroidir. Aurelianus
en ses Croniques, en fait les vns
qui restraintent & repercutent, les
autres qui restraintent seulement.
Ils faillent tous deux, & les Arabes
aussi bien en quelques lieux, tou-
chant la declaration de ceste matie-
re. L'opinion des Grecs est tresbié
fondée, que nous vous enseigne-
rôs ce qui est froid repercute tou-
iours. Ores est-il ou humide, d'une
substance molle & departie: ou ter-
restre, d'une matiere plus ferme &
ramassée, qui reprime mieux, pour-
ce qu'il est plus restrictif, & reserre
les

les parties plus estroittement : Ou bien il ne fait rien plus : car en bail-
lant nom aux repercussifs, on a eu
egard à la force de l'action.

A la verité d'entre les medica-
ments, ceux là sont souverains cõ-
tre les reuthmes, qui desseichent
vigoureušemēt avec quelque astri-
ction, & sans morsure, les terrestres
sont tels, combien que l'autre espe-
ce qui est humide, reprime aucunc-
ment, & qui est froide autant, ou
plus que le terrestre, voire est plus
propre à refroidir. Mais outre ce
que la matiere est repoussée au de-
dans par le froid, en estant secondé
& secouru d'une vertu astringente,
il exprime ce qu'il y a d'assemblé, &
s'il est tel qu'il soit subtil, le residu
le plus souuēt demeure sec. La par-
tie est fortifiée, afin que finablemēt
elle puisse seule destourner la des-

TRAITTE DE LA MATIERE
charge future. En quoy il faut fuyr
tout excès, de peur que le cuir ne se
renfroingne & ride trop, que la
matiere eigoutee ne s'espessisse, que
la douleur ne se rengrege, que la
fluxion ne preinne accroissement, &
quen'irritations dauantage l'inflam-
mation. Autrement vous penserez
auoir fait quelque chose d'entree,
& neanmoins le reste demeurera
scirrheus, obstiné, & tresdifficile à
resoudre pour l'aduenir. La plus
grande peur gist en la rencon-
tre de quelqu'un des entrailles af-
foibli, parce qu'il reçoit hastiue-
ment, tout ce qui est repoussé. Si la
vertu est encore puissante suffisam-
ment, quelque portion rentre sans
danger dedās les veines & entrail-
les. Aduisés aussi que l'astriktion
soit moderee, & que ne repercutiez
trop, quand il y a force matiere.

qu'elle est gluante, vitieuse & cor-
rompue, Quand le sentiment est
subtil, le corps languissant & effe-
miné, que la douleur est griesue,
que la chaleur violéte: pource que
en ce cas il faut dilater plustost, &
faire ouuerture des voyes, si bien q
la chaleur s'evapore, & la douleur
soit moderee, quand elle monte &
s'esleue à la cyme de la tourmente,
il faut recourir aux laxatifs & ano-
dins, c'est à dire lenitifs ou mitiga-
tifs de douleurs. Le medicament
restrictif & repereussif avec, à bien
plus grande efficace, quand il est ac-
compagné de quelqu'un penetrant
& subtil de luy mesme, ou par ac-
cessoire & incidemment, pourueu
qu'il soit sans acuité mordicante.
On le peut moderer par vne cha-
leur esgalle, beaucoup plus tost, si
comme il aduient souuent, la flu-

TRAITTE DE LA MATIERE
xion est causee par foiblesse, & la
foiblesse, à pris son estre de froidu-
re. Si aucune matiere, malingne de
soy, est diuertie à la superficie, nous
ne la rechassons pas au dedàs, ains
la tirons au dehors à toute force,
faisant la retifue & demourant en
arriere, nous y employons vn plus
grand effort. C'est tout de mesme
aux abscez critiques qui terminent
& iugent les maladies, en la sciati-
que & la grosse verolle, où il faut
contraindre la matiere de sortir, nō
pas la refouler. Ores les choses em-
plastiques & opilatiues, aucune fois
appaissent la douleur, autre fois af-
foiblissent l'acrimonie, tiennent &
ferment les conduits. Du nombre
de ceux-là, vo^r avec les prochains,
qui repercutent si vous le trouuez
bon, & à la verité ils repercutent
quelque fois. L'huile de roses, do-

liues vertes, de myrtilles, la glayre
 d'un œuf, & autres semblables.
 Mais les gommés, la resine, la col-
 le, la folle-farine, la fleur du fou-
 mêt, dissouts en huill-eau, huile &
 vinaigre, ou huile rosat & vinaigre,
 ius repercussif, & vin rude, tous
 ont bien la vertu de repercuter, la
 prenât d'ailleurs, & non pas d'eux-
 mesmes. Suyuent les restrictifs a-
 uec chaleur, foliom, casia, la canel-
 le, spica, aloé, le saffran, cyperus, le
 tuyau odorant, la myrrhe, l'absin-
 the, le marrube, le pouliot, la sauge,
 la centaurée, vins gros & rudes, &
 force aromates. Nous rapporterons
 tous les autres au denombrement
 prochain. Les suyuantz repoussent
 amiablement, l'eau, vin, lactue,
 endive sauvage, renouée, treffle,
 mouron, létille d'eau, herbe à pul-
 ces, glaire d'un œuf, nombril de ve-

TRAITE DE LA MATIERE
nus, Ioubarbe, pourpier: somme
toute, les choses froides remplies
d'eau. Le verd-ius restraint fort, la
morelle entredeux, la ronce ou es-
glantiere est plus forte, tant en son
fruit cōme en ces fleurs, L'asperge
qui a les feuilles plus molles, reser-
re moins: pource q̄ elle a force eau.
Restraignent feuilles de vigne a-
uec leurs petites hapes & tendres
reiettons, plantain, feuilles & fruits
de cormiers, corneilliers, neffliers,
poitiers sauvages, coigniers, meur-
thes, groiseliers, rosiers, testes &
queues de roses: puis encore, mais
moins, les semēces fueilles & fleurs.
L'espine vinette mediocrement, le
malicorium dauantaige, la fleur de
grenades, balauſtes, ſumac, acacia,
bol d'Armenie, terre ſcellee, le che-
ne, feuilles de cyprès, leur reiettons,
& les noix. Les ſucs des pommes de

mandragore, de iofquame, du pavot refroidiffent exceffivement : & en les miftionnant, peuuent eftre moderez, au temps qu'il en faut verfer, lors que l'inflammation eft plus violente, & donne plus de peine. Vray eft, qu'il faut eftre foigneux de les releuer, auant que les parties foyent ternies. L'efponge expri-
mee en eau reftreint, retarde & empesche que la fluxion ne fe face, l'arrefte & deriue fur les parties voisines la matiere amaffée. Semblablement la laine avec le fuin, & les plumaceaux abreuvez de vin rude. Tout cecy s'effectue mieux, faifants bouillir en la decoction de eau quelques noix de galles, & autres chofes de mefme effect. S'il eft queftiō de repouffer, le vin principalement qui eft rude, le fera mieux que l'eau.

B iij

TRAITTE DE LA MATIERE

Les ligatures & bandes doiuent
trempier dedans le vin. Le vinaigre
repouffe & referre à bon escient.
La camphre repercute, & se glisse à
laise interieurement, par la subtili-
té de ses parties. Les vieux Grecs
tiennent que l'œil de peuplier res-
chauffe. Le plastre destrempé en
oxyerat, c'est à dire eau & vinai-
gre, repouffe. L'huile-rosat se met
souuent en vsage : mais l'huile
veut estre faite d'oliues vertes, e-
stant les roses qui y trempent, re-
changees & renouvelles par plu-
sieurs fois : la susanne & passée à
sa force perdue. A faute de telle huil-
le, vo^o en preparerez en ceste sorte.

Prenez de l'huile fresche, & du
verd-jus cuits ensemble, iusques à
ce que le verd-jus soit consumé, les
demenant sans relache, avec vn ra-
meau de saux, ou autre. Que l'huil-

le ne soit ne fallee, ne chanſie. Les huilles de myrtilles, de coings & de lentisques ſe perdent & gaſtent par vieilleſſe, relant & ſalure. Les huilles de ſpica, de maſtich & de coſtus, en reſtraignant, fortifient & eſchauffent. L'huile corrompue, faite de meilleure, doit eſtre lauee tant & ſi long temps, qu'elle ſoit deſpouillee de ſon vice, en la lauant d'eauue toute ſimple, ou d'eauue de roſes. Si vous cuiſez la matiere que nous auons deduite en huile, elle en prent l'efficace: elle reçoit meſmement *l'impreſſion du ius*. Comme pour exēple: vous ferez bouillir le plantain en huile & eauue egallement ou en vin, iuſques à ce que l'huile reſte ſeule. L'vſage de l'huile eſt dangereux, quand la chaleur eſt deſmeſuree: pource qu'au moyē de la chaleur, elle eſt embrasée &

TRAITTE DE LA MATIERE
fritte. C'est pour le mieux, que de
pressoirer la laine qui auroit esté
avec son suin, linges & bandeaux
plongez dedans ces suc. C'est
chose difficile, que de tirer du ius
de pourpier, de la ioubarbe & nô-
bril de venus, si vous ne les pilez
en vn mortier, en les arroufant de
quelque fil de verd jus, ou autre
liqueur. Les cataplasmes se formēt
avec farines destrempees en quel-
ques ius. Les cerots se lient avec
les huilles, & s'abbreuuent de suc.
Les remedes ne soyent trop durs,
ne trop pesants, de peur que, en
foulant le lieu malade, la douleur
ne s'enaigrisse. La seruse se dis-
sout petit à petit avec le ius de ci-
choree, & le vinaire. Icy est le ce-
rot préparé avec l'herbe à pul-
ces.

Prenez quatre onces del'herbe à

pulces, rouies & cuittes en quatre liures d'eau, adioustez à l'expression, vne liure d'huile-rosat, six onces de cire. Il est singulier aux fluxions des ioinctures.

Le cerot rosat luy ressemble fort. Il faut fondre la cire avec l'huile dedans vn double vase: apres estre refroidis, on les pourmeine, en les treuuant d'eau: l'ayant ietee on y verse autant du ius de plantain, qu'il s'en peut boire. On fait essay de sa vertu es inflammations, sinuaites, vlceres ambulatifs des genitoires. Ce mesme cerot soit amolli avec le ius de coriandre, quand les corps sont mols. La coriandre refroidit selon aucuns: Galien estime qu'elle eschauffe. L'accroissement est le temps propre à en vser. Le cerot de myrrilles & de coings, repercu-

TRAITTE DE LA MATIERE
te, & reserre dauantaige. Il con-
uient aux herpez & vlcères pleins
d'humidité.

Prenez vne liure d'huile de myr-
tilles: deux onces de cire: vne once
de myrtilles mis en poudre. La cire
employée es cerots, doit estre tiree,
& prise des ieunes mousches à
miel: ceux qui les ont en charge,
& les gouuernent, la nōment Cire-
vierge, & faut la separer des rus-
ches nouvelles. Au defaut d'elle, on
prendra la cire blanche artificielle,
& non pas naifue, telle que lon la
prenoit autrefois en Hetrurie, pour
ce qu'elle a plus de douceur. Ors
telle espece de remede doit estre
sans acrimonie, à raison de quoy
ceste cire la est la meilleure, qui est
faicte de miel doux & cler. Alors
que le laiēt est caillé, suscitant vne
inflammation, appliquez sur les

mammelles, de la farine de feb-
ues destrée & pestrie en huil-
le-eaue, ou huile-rosat. Le mesme
remede est singulier aus inflamma-
tiōs des genitoires. La façon d'as-
soupleir le diachalciteos est telle,
pour s'en aider & seruir es defluxiōs

Prenez deus onces d'axonge de
porc fresche, repurgez la de ses pel-
licules & filâdres: d'huile nouuel-
le & de litharge trois onces de cha-
cune: demie once de chalcitis ou
couperose verte: preparez ce medi-
cament selon les reigles de l'art:
puis liquefiez trois onces d'huile
rosat, avec deus onces du medica-
mēt, au temps qu'en voudrez vser:
estāt refroidis, pestrissez les en eaue
froide, ou ius de pourpier, herbe à
pulces, laictue, vin aspre & rude,
selon que besoing en sera: conside-
rant combien il faut repercuter, re-

TRAITTE DE LA MATIERE
primer, refroidir, seicher, amollir:
tellement qu'en lieu de l'huile-ro-
fat, vous y mesliez maintenant
de l'huile de myrtilles, tantost de
coings, vne autre fois vous prefe-
riez à rous autres l'oxicrat: ores ce
ins ci, ores cestui là. La composi-
tion suiuant exprime des vlcères,
ce qui sy est esgouté, repescute ce
qui y coule.

Prenez quatre onces de litharge,
autant d'huile douce, ou d'huile-
rosat, trois onces d'eau: que la li-
tharge cuise un iour entier, & renou-
uë en l'huill-eau, pource qu'elle se
fond à peine & tardiement. Ce
medicament est sortable aus corps
delicats, & petits vlcères. Les me-
dicaments deffensifs sont faits d'v-
ne partie de bol, d'vne moitié de
terre scellée, de trois parties d'uil-
le-rosat, d'vne moitié de partie de

vinaigre, ou de quelque ius reper-
cussifs. Les matieres reduites en
poudre, s'incorporent avec les li-
queurs. Pareillemēt on vnit le bol
avec la glaïre d'un œuf, puis on sur-
uerse du ius des ieunes tendrōs de
vignes, ou du verd-ijs. Les bādes
liees, & deuement entortillees, cō-
me celles que lon approprie aus
fractures; mesmement aus vlceres,
sont mises au nōbre des repercus-
sifs. On doit commencer à l'orifi-
ce des vlceres mentionnez, en tirāt
contremōt, & ramenant du bas en
haut, & serrant la partie dolente &
malade: puis du haut, retournant
en bas, lascher petit à petit les cer-
cles & rondeaus. Semblablement
quand l'une des parties est tombee
en chartre, & ne prend point de
nourriture, nous lions l'autre. Item
les ligatures mises & posees es par-

TRAITTE DE LA MATIERE
ties hautes, où la matiere prend son
cours, & desquelles on destourne
la matiere. Quelquefois nous ban-
dons les parties de la cuisse sur le
genouil, quand il y a rencontre de
quelque maligne vapeur, qui s'es-
leue du pied, allât aggraver les par-
ties nobles: par ce moyen nous re-
tranchons la cause du mal caduque
& de la syncope. Mais il faut le plus
souvent gagner les conduits des
ulceres, & les boucher, cōme aussi
des fractures avec laqs & liens, de
peur que, si la matiere y estoit di-
uertie, ils ne tombassent en douleur,
inflammation, pourriture, mortifi-
cation, & autres tels incōueniens.

Chap. II. des Attraétifs.

LEs remedes attraétifs, appelez
des Grecs *Elctica* & *Epispasta-*
ca, en consideration de l'usage, peu-
uent

uent estre paragonnez aus reper-
cussifs : mais ayāt respect à leur na-
ture chaude & subtile qui rait &
tire de force exterieurement ce qui
est enfermé & tenu au plus pro-
fond du corps, ils sont bien fort
differēts. Et doncques ils deschar-
gent les entrailles, & tout l'inte-
rieur, par l'expulsion & renuoy de
la matiere au dehors, & rauissent
les venins, tirez à la superficie : ils a-
uancent les absces indicatoires, re-
mettent sur pied les pleuretiques
deplomez, & possible qu'ils restituēt
les apoplectiques, priuez de mou-
uement & de sentimēt, amplifiant
les tumeurs des cines, destournant
autre part ce qui est de maling &
pestilēt, retenu au dedās, font reui-
ure les parties seiches, & comme
mortes, reschauffent de leur va-
peur celles qui sont refroidies, es-

TRAITTE DE LA MATIERE
puisent le sang meurtri & corrom-
pu attaché aus nerfs, & caché de-
dans les vlceres cauerneus, ils font
tomber les asquilles des os, soula-
gent ceus qui sont molestez de la
sciaticque, sucent les hydropiques,
poussent hors les eschardes, clous,
epines, vires, & plus hastiuement,
si l'vlcere est en lieu où l'incision se
puisse faire sans peril, & mauuaise
fortune: ou que le patiēt opiniatre
ne vueille endurer, que la playe
trop estroitte, soit dilatee avec le
fer. Ils chassent ou tirent hors par
force ce qui est plus enfoncé es ab-
scés, escrouelles, panis, epilops, de-
dās les yeus, oreilles, & autres par-
ties. Voila comme l'vsage des at-
tractifs multiplie, qui sont de di-
uerse & differente matiere. Cette
puissance & vertu d'attirer en quel-
ques choses est naturelle, & l'attra-

ction suit, ou vne qualité elementaire, & manifeste: ou vne propriété incognue, & familiarité de nature. En d'autres choses telle faculté attractive est acquise par l'acrimonie des qualitez, que la putrefaction a suscitée. La chaleur attire totalement, comme Galien l'a aduisé: mais tout ce qui attire, n'est pas chaud consequatiuement. Aphrodiseus est d'autre opinion. Quant aux ventouses, sangsues, cornets, sucements, douleurs, ligatures, frictions, cauterres, tous sont du catalogue des attractifs. En usant des attractifs, aucunefois nous pouillons hors ce qui aura esté parauant attiré. Quoi faisant, il faut se donner garde que n'attirions pesselme la bonne & mauuaise matiere. Par fois nous ne faisons autre chose que d'attirer, sans rien resou-

TRAITTE DE LA MATIERE
dre, comme en rappellât la chaleur
& l'esprit, pour viuifier la partie
morte. Les anciens ont meslé &
mis parmi les attractifs, l'escume
d'argent, la cire, resine, poix, huile,
en intention d'assouplir & mode-
rer les medicaments, & les rendre
plus emplastiques, onctueus & so-
lides. Aucuns en y a qui les affoi-
blissent, par vne matiere astringen-
te. Le dictam, & la propolis sont
du premier ordre des attractifs. Scri-
bonius tourne ce mot de Propolis,
cire- vierge: c'est vne matiere qui se
trouue es rusches des abeilles, lour-
de & grossiere, encore n'est elle pas
cire, elle rend vne odeur forte, &
s'en seruoit-on anciennement pour
le galbanon. En la cueillette du
miel qui se fait le Printéps, la par-
tie des rayons peut estre separee,
qui estoupe les espaces de leurs rus-

ches: mais apres que les rayõs sont
 vuidez, & que le miel est esgoutté,
 ils brouillent ensemble, & tourne-
 bouillent tout ce qui est és rayons,
 de sorte qu'on ne peut rien auoir
 en son integrité. La vraye Propo-
 lis est de grande efficace: elle tire
 hors les esprits gros & vaporeus,
 qui sont au pl^r profond du corps,
 ensemblément la matiere vitieuse.
 La fresche de soi est molle, & gras-
 se à suffisance. Galien en a vſé en
 vne poincture de nerf, faicte à vn
 pauvre paissant. Celle, que le temps
 a endurcie, doit estre amollie avec
 huile vieille. On la liqueſie en huil-
 le, pour les corps plus delicats: en
 laiſt du reueille-matin, pour les
 plus robustes. L'accouplant avec
 de la terebenthine, elle attire assez.
 La thapsie nouuelle y sert: deus ans
 ou pl^r expirez, elle est vieille & pas-

TRAITTE DE LA MATIERE
see. On a presque accoustumé de la
mesler avec quelque cerot: & pour
ce qu'elle est pleine d'eau, ainsi q
la glu, il la faut pourmener durant
quatre ou cinq heures. On met en
besongne la racine de roseau, incor
poree avec le miel. Le sagapenom,
galbanom, ammoniac, opoponax,
sont recommandez en ceci: comme
aussi ceux qui suivent. La chaux vi
ue, la cendre de la lie de vin, ou de
vinaigre, qu'on prend en faute de
nitre, l'herbe à foulon, l'Aristolo
gie rōde, qui tire dehors les piquōs
de fer & esquilles, passeraige, mou
starde, cresson alenois, reueille-ma
tin, bassinier, serpentine, pyrette,
sels que bons à manger, que am
moniaques. Aucunes choses s'es
mient entrefrottees, & s'incorpo
rent avec gōmes & resines. La lexi
ue coulee, & iettée sur quelque ma-

tiere chaude & subrile. Telle est la
 cendre de coquelourdes, calament,
 narcisse, pain de porceau, le fruit du
 genest, herbe qui sert à lier les vi-
 gnes, & le ius de ses fueilles. Le vin-
 aigre, mais il est suspect, quand il y
 a siccité, douleur, inflammatio, vl-
 cere, adstriction, & quand la dou-
 leur prend son estre des nerfs. Les
 cantharides incorporees avec fari-
 ne d'orge seichee au feu, & avec le
 miel. Les moelles & gresses deuien-
 nent aigres avec le temps : la gresse
 d'ours, d'hyene, de leopard, de lion,
 autres : & sur routes celles ici dissi-
 pēt la matiere vitieuse, qui fait les
 alopecies, & cheutes de cheueus, &
 attirent leur propre nourriture.
 Elianus porte tesmoignage, que les
 elephants arrachēt les traits fichez
 sur eus avec l'huile & la fleur d'o-
 liue. Il faut que l'huile soit vieille,

TRAITTE DE LA MATIERE
subtile & chaude. Le soulfhre es-
mié vni avec miel, huile, tereben-
thine, salive de l'homme, & axon-
ge. On le fait aussi bouillir en du
vin distillé, iusques à ce qu'on voye
nager par dessus vne liqueur gluâ-
te & visqueuse: aucuns l'appellent
huile: il faut la recueillir, & rece-
voir dans vn bassin creus, & par
fois la raffreschir & renouveler
d'eau, iusques à ce qu'on aye la
quantité d'huile, que lon deman-
de. Quelques-vns ont remarqué
& cognu par experience, que le
corps, qui à la sortie du baing a-
uoit esté gressé de cette liqueur, a-
uoit rendu le vif argent. L'euphor-
be recent est plus acree, son acuité
est remise & moderee, apres deus
ou trois annees: il degenerate, & perd
toute force, depuis qu'il passe cinq
ou six ans: il est corrigé par le ce-

rot, qui se prepare de dix ou douze parties d'huile, & de trois de cire. La maniere & le moyen d'en vser est limité, en ce qu'il faut que le lieu rougisse seulement, qu'il luy demange, sans estre bruslé ou ulceré, sinon qu'il en fust besoing.

Celui qui a plus d'acrimonie, peut estre dissout avec vn cerot de plus grande quantité: si son acuité est moindre, il faut surcroistre le poix de l'euphorbe, & diminuer la quantité du cerot. En tous ceus qui lui ressemblent, cette loi se doit garder & obseruer necessairemēt. L'inflammatio s'estaint par arrosēmēt d'eau, ou de vinaigre (en affoiblissant l'acuité de la thapsie puissammēt) ou d'eau-rose alembiquee. Le suc du benioin, la liqueur du baulme, & autres tant abolis, comme reservez, & mis en vsage, sont touchez

TRAITTE DE LA MATIERE
au troisieme de Galien selon la cõ-
position des medicaments en ge-
neral: & rememorez es autres li-
ures Grecs. Le leuain, la fiente de
oye, poule, pigeon, mouton, &
d'homme, tout ce qui leur resem-
ble, font attraction par vde chaleur
acquise & foraine. Vn belitre, man-
diant sa vie, estoit tout rempli &
couuert de grosse verolle, durant
quelques iours il se tapit dedans
vn fumier de cheual, bien fort pu-
tresié, ne se laissant plus d'ouuer-
ture, qu'il lui en falloit pour respi-
rer. Ce fumier d'estable estoit tout
baigné du pissat de cheual, tout
mortifié & pourri: tant y a, que par
ce moien il se deschargea de tout
son venim: & pendant le tēps qu'il
coucha dans le fumier, il se gressa
quelquefois de l'onguent preparé
avec axonge, resine, & vis-argent.

Il viuoit tant feulemet des aulmosnes, que lon lui faisoit, & avec ces medicaments il fut guari. Le leuain cuit en huile resout, fond, tire les piquons, & eschardes, guarit les foulures des pieds, amollit & dissipe. Il peut beaucoup en le pestrifant avec axonge vieille, resine, & terebenthine, & autres matieres liquides. Vne autre fois on le gasche avec vn oignon cuit, il meurit, attire, est euaporatif & aperitif. La presure, tant plus elle est vieille, tant mieus vaut: lon la tire d'un herisson, lieure, veau-marin, animaux à plusieurs ventres. Ce n'est autre chose qu'un laict recuit en l'estomach des bestes allaitantes. Aristoteles recommande la presure d'un lieure, contre les flux de ventres. Dioscorides fait estime de celle de iument. Les Arabes, avec aucuns

TRAITTE DE LA MATIERE
des Grecs, la mettent au nōbre des
remedes restrictifs, froids & reper-
cussifs. Quelques vns adiugent tel-
le acrimonie aus elements, & tout
le reste à vne qualité occulte, pour
le moins elle a cela, qu'elle fige les
choses departies & fondues, sepa-
re & déioint les figees. L'aimāt at-
tire le fer: theamenés le rebute: L'ā-
bre tire à soi les festus, par vne ver-
tu secrette. L'escreuice broyee for-
ce les traits de sortir. La teste d'un
lezard: la grenouille ayāt ses extre-
mittez trenchees: les chairs de tor-
tues pilees à part, ou conquassees
avec leurs coquilles, en y meslant
par fois de la presure, rauissent les
traits, & succent l'eaue des hydro-
piques. On ne doit les leuer plus
tost q̄ toute l'aquosité ne soit beuë
& tarie. Les ouistres appliquez vifs
sur les bosses chancreuses les des-

logent & tirent à eus. Le scorpion
broyé, & appliqué sur sa morsure,
hume le venim qu'il a ietté: l'huile
de scorpion a mesme efficace, & si
attire la grauelle arrestee au col de
la vescie, & canal de l'vrine gressant
le gland: & si la grauelle est demou-
ree plus haut, on en oingt le peri-
nee. Les ventouses tirent de grand
force: les sangsues sucent la super-
ficie: le sucement attire la bouë des
abscezes, les vrines, & la grauelle. Il
faut que celui, ou celle qui suce aye
en premier lieu la bouche nette, &
bien lauee. Seruent à mesme fin le
pyulque, l'algarie, les ligatures, fri-
ctions, phœnigmes, dropax, syna-
pismes. Les cauterres actuels, fraiez
ou empraints, font attraction par
leur chaleur: mais tel remede est
violent. Vrai est, que ce qui n'est
guari par le medicament, le fer le

TRAITTE DE LA MATIERE
guarit: si encor avec le fer on ne
proffite rien, on s'aide du feu, com-
me Hippocrates nous l'a enseigné
en ses Aphorismes. La theriaque
est cōptee entre les remedes com-
posez. Le psorique basti de deux
parties de chalcitis, d'une de lithar-
ge: ou d'esgalles parties de cad-
mie & de chalcitis: ou de deux de
chalcitis, de trois de cadmie. Ce-
lui qui reçoit la cadmie a plus de
force, que celui qui reçoit la li-
tharge. Les metaux lauez, le ren-
dent plus doux, que lon ensepie-
lit dans le fumier, apres avoir esté
pilez au vinaigre fort, & mis en re-
serve dans vn vaisseau de terre plô-
bé. Estant assouplis en cette sorte,
on lesincorpore avec deux ou trois
fois autant de cerot. La propor-
tion de la cire au cerot, est du dou-
ble ou triple d'huile à la cire. Quāt

les métaux sont compassez de cette sorte, les médicaments acquièrent vne plus grande acuité penetrent mieux, dont ils sont attractifs.

Que l'huile soit vieille, de cherua, de moustarde, sicyonienne, de reffort, de terebenthine, de larix, de pin, de sapin, de poix resine, d'annet: & (si vous le trouuez bon) l'huile passée par l'alembique. Et puis les resines sont douces de cette vertu attractive, & deuant toutes la terebenthine, & resine de pin, de laquelle la chaleur n'est pas tant seulement considerable, mais aussi la tenuité des parties. Les receptes & formules sont telles.

Prenez deux onces de propolis mordicante & onctueuse (car il ne faut pas abuser de la cire-vierge) quatre onces d'huile vieille,

TRAITTE DE LA MATIERE
demie once de galbanom, & les in-
corporez au feu.

Prenez quatre onces de cerot,
demie once de terebenthine: fon-
dez les en y mellant trois dragmes
d'euphorbe mis en pouldre: vne
once du dedans de leuain, avec vne
once de terebenthine liquide, & les
incorporez au feu. Le remede est
singulier en la poincture des nerfs.

Prenez de la poix liquide & de
la seiche, de la propolis esgalle-
ment des trois.

Prenez de la litharge, ceruse &
sel dix dragmes de chacun, battez
les à part: cela deuement fait, pour-
menez les longuement au feu, &
les faictes cuire à loisir.

Prenez de la litharge, ceruse, ni-
tre, cire, colophonie, ammoniac v-
ne once de chacun: six onces d'huil-
le vieille. Les trois premiers soyent
cuits

cuits en six onces de lexive de figuier, iusques à ce qu'ils ne tachent plus les doigts, & puis adioustez y petit à petit la cire, colophonie, & ammoniac.

Prenez des noyaux de dattes bruslez, nitre rouge, sel ammoniac, aristologie ronde, racine de coucombres sauvage, terebenthine deux onces & demie de chacun: du poivre noir & blanc, ammoniac, amome, bois de baulme, myrrhe, resine seiche, suc lacteux de meurier, cire dix dragmes de chacun: de la gresse de chieure & huile de flambeau tant qu'il en faut, pour la composition de l'éplastre. Il est malaisé à faire, si on n'a recours aux equiuallés. Le remede suyuant est excellent & souuerain contre les escrouelles, goitres, contre toutes duretez, & enflures œdemateuses.

D

TRAITTE DE LA MATIERE

Mettez en pouldre les feuilles de cyprés, ne trop tendres, ne trop dures : vous les arroserez de vin pressoiré, en les remuant iusques à ce qu'elles s'espessissent, & ayent acquis la consistance de lye, vous en grefferez les escrouelles ou goitres. Leuant le médicament apres le troisieme iour, vous trouuez le lieu retiré & restraint, que vous pressez & foulez des doigts : cela fait, vous le rechargez vne autre fois pour trois iours, apres lesquels vous releuez le médicament, & refoulez le lieu, comme il a esté dit, le septieme iour, ou le neuuime pour le plus tard, dedás lequel temps, il n'y aura plus d'apparence d'escrouelles. Le prochain remede suce & tire la bouë, par les pores de la partie malade.

Prenez vingt & deux onces de

huile vieille, quinze onces de cire blanche, trois onces de nitre, ou de sel rosti, ou de la lye de vin bruslee, douze onces de terebenthine, dix huit onces de lexiue de cendre de chesne, ou de figuier: la cire se fond en l'huile, puis on y verse la terebenthine, après on laisse le tout refroidir: cela fait, on y respand le nitre, en arroufant le tout peu à peu, & de fois à autre. On le pourmeine fort avec le pilon.

Vous tirerez plusieurs autres remedes du troisieme, & sixieme liure de la *Compos. des medicaments en general* de Galien, & beaucoup du trezieme d'Ætius. Ailleurs se tiédra propos des synapismes, dropax, phœnigmes, & autres. On met de ce rang l'apostolicon de Nicolas, l'oxycroceō, & les semblables.

D ij

TRAITTE DE LA MATIERE

Chap. III. des Resolutifs.

AV temps que la descharge des humeurs accroist, il faut vser peslemesle des resolutifs & repercussifs: vers le declin, les purement resolutifs sont de saison, & possible qu'il ne s'en trouue qu'une espee: mais nostre discours aura plus de lustre, & d'evidence, si nous en faisons de deux sortes. Vne des plus benigns, appelez les avec les grecs s'il vous semble bõ, arcotica. L'autres des plus forts, qu'on peut nõmer diaphoretica. Il y a vne grande conuenance, & similitude entre les plus doux, & vne nature moderee par la chaleur, qui est tẽperee d'humiditẽ, & pource ils ne desseichent pas, mais appaisent la douleur, relaschent le cuir, rarefient les pores du corps, penetrent interieurement

par la subtilité de leurs parties, liquefient la matiere ferme & solide. Par ce moyen s'esleue vne fumee de l'humour, qui puis après s'euapore, iusques à ce qu'il n'apparoisse rien de la tumeur. Encore ont-ils assez fait si elle est esleuee iusques à la superficie, pourueu q le lieu soit rendu mol & rare, que la matiere soit chaude, humide, & subtile. S'il aduient que la matiere soit enfoncée, iusques au centre du corps, qu'elle soit froide & gluante, estant le cuir dur & massif, si lon rencontre quelque long replis sinueus & anfractueus retour, il est besoing d'une plus grande force: en considerât, nō pas ce q le remede peut presentement, mais ce qu'il effectuera, quād il arriuera au lieu, qu'il luy est determiné pour y mōstrer sa puissance. Et pource il ne

TRAITTE DE LA MATIERE
faut espargner les remedes violéts,
& fort actifs : à raison que la partie
exterite supportera aisémēt, ce que
la malade & dolente ne scauroit
endurer . Les plus exquis remedes
seront mis au nombre des diapho-
retiques , ressenblants de bien près
aux epispastiques , c'est à dire attra-
ctifs : combien que l'une & l'autre
faculté discursive, & attractive , est
emprainte en plusieurs choses as-
semblement. Mais ainsi comme
en chacune autre chose , l'une de
deus a le dessus , il y a aussi plusi-
eurs especes differentes. D'autant
que lon craint que les relaxatifs ne
resoudent les forces du foye, de la
ratte, du ventricule, & autres telles
parties , dont l'entretien est neces-
saire , on leur doit donner la com-
pagnie de quelques astringents,
comme de plusieurs aromales.. La

matiere froide & massiue, requiert prealablement vne preparation de quelque remede incisif: si faut il l'amollir, quand elle est dure: afin q̄ le progrès & la suite se face tout bellement, des plus foibles aux plus forts, & q̄ la resolutiō soit effectuee & accōplie sans peril, sinon tout ce qui sera plus subtil ira en fumee: le residu plus espēs, deuendra aussi dur qu'une pierre. Quand la partie a le sentiment plus obtus, il y faut besongner plus rudement, tant plus qu'elle en a, tant plus faut-il la flatter, & manier doucement. Combien qu'il n'est pas loisible, d'abuser de la stupidité de la partie: mais doit-on commander, & ordonner chose, qui puisse l'ulcerer. Car avec tel abus & pratique mal ordonnee, le corps sensible tomberoit en char tre, s'espessiroit au lieu de s'es-

TRAITTE DE LA MATIERE
clercir, & se feroit vn amas de ma-
tiere, au lieu de se fondre. Quelque
fois le frisson, la douleur & la flu-
xion entreroit en vne plus grande
furie, les veines s'entre-ouureront,
toutes choses iront de pis en pis,
ce qui escherra beaucoup plustost,
si les medicaments sont bastis d'v-
ne plus grosse matiere, & ont la
vertu de desseicher. Estât le phleg-
mon de longue main, il faut consi-
derer, si rien flue, chose accoustu-
mee és tumeurs qui enuieillissent,
& là il faut que quelque repercus-
sif soit de la meslee. Lors que la
partie est abbaissee, & ne reste rien
en la tumeur qu'il faille euaporer,
la partie malade, toute recreüe, de-
faillie de forces & d'esprits pour la
longueur du mal, desire quelque
renforcement: & d'autant plustost,
qu'à certains retours & reuolu-

tions, elle est affligée d'une nouvelle charge.

Les arcotiques & plus legiers ſont tels. La camomille, ſemence de lin : la guimaue entre toutes les mauues, eſt de plus grand effect, apres elle, la ſauuage : la domeltique eſt languiffante, tant elle eſt remplie d'eau. Hippocrates vſe d'eau en la ſolution des fractures, & la nomme epilufin. Le vin eſt deſiccatif, reprime & reſout : autant en fait la laine avec le ſuin, bien cardee baignee en vin & expri mee : ſemblablement le cerot. Le beurre eſt corps delicats fait reſolution des parotides, boſſes chancreuſes, inflammations de bouche, & infinis autres vices : tellement que de luy meſme il peut aſſez. L'huile douce eſchauffee, & en laquelle les choſes auront eſté bouillies que nous a-

TRAITTE DE LA MATIERE
uôs deduittes, l'huile sicyonienne,
l'huile preparee des fueilles, fruits
& racines de coucombre sauvage.
L'huile de lys iaunie de saffran,
dissipe toute inflammation, l'huile
de noix chassie, est de plus grande
efficace. La noix râce ou de soy, ou
broyee avec le miel, raut les meur-
trissures, : on la fricasse, ou pressoire
d'un fer chaud, pour luy faire redre
l'huile, qui resout à merueille. Tou-
te huile eschauffee soit de lampes,
soit tiree avec un fer chaud, resout
encore mieux. L'huile vieille, de
cherua, de cheneui, anet, rosmarin,
mariolaine, iosmin, violiers iau-
nes, hyssope, & des scéblables, bouil-
lie en vin iusques à ce qu'il soit eua-
poré. L'huile de reffort, moutarde,
nielle, terebinthe, millepertuis tou-
tes sont gradement resolutives. Les
huilles de la racine de couleuvre, de

la genouillee, carrame, thimelce s'ont propres & secourables aux hydro-piques & tumeurs froides. Les huilles de Galbanom & dammoni-
niac, ont vne vertu resolutiue & remollitiue. Les huilles de carotte sau-
uage, de carui, cumin & rue dissipent les ventositéz, & à cela profite mesmement l'huile de gal-
banom. Au cas qu'il faille inciser, ou mondifier, on y verse quelque-
fil de vinaigre, ou d'oxymel, cōme qui diroit aiggre-miel, à raison du vinaigre & du miel dōt il est prepa-
ré. Que lors mesmement lon face bouillir en huile-vin de l'absinthe, poliom, cetauree, flambe, gentiane, ourtie, hyslope, & autres qui leur ressemblent. En telle preparation le vin est meilleur qui est pailé, deslié subtil, odorant, sans astringtion. Les suy-
uants sont employez, quand les

TRAITTE DE LA MATIERE
corps sont plus fermes & robustes,
chargez de quelques tumeurs, &
de parotides. Le chou seul & à part
ou pilé avec axonges, resout les
phlegmons endurcis, & les erysi-
peles inueterez. Les gresses & mo-
elles fresches, doyuent estre choi-
sies pour relascher les vieilles, pour
resoudre. Le mastich est bon pour
les furoncles, l'ammoniac, & ceux
qui sont de sa sorte, seruent aux es-
croüelles, & nœuds des ioinctures.
Le leuain destrempé en huile, in-
corporé avec vn oingnon cuit, est
maturatif, amollit & digere. Les
peaus de frés escorchees sont cōue-
nables aus contusions, & battures
de verges. Le fœnegrec s'applique
sur les inflammations endurcies.
Le vinaigre profite aus playes de
teste qui purent, & aus tumeurs
œdemateuses. Agrippa comme il

eust plongé ses pieds dedans du vinaigre chaud, il fut deliure d'une douleur de pieds insupportable. On baille quelques preservatifs, & fermeillets, que lon pend au col, qui garentissent les corps d'infinis maus, ou par vne vertu secrette, ou par vne qualité notoire elementaire, comme le corail, le Guy, la pivoine. C'est bien merueille de ce qu'on tient pour vray, & expérimenté. On pend vne couleuvre par la queue, en mettant sous elle vn vaisseau remply d'eau, elle à la dessus la gueulle ouverte: quelques heures après, ou quelques iours elle vomit vne pierre qui boit & tarit en peu de temps toute l'eau du vaisseau: la pierre liee & attachee au ventre de l'hydropique, espuise toute l'eau qui lui enfle le vêtre, & deliure le patient de son mal. Les huil-

TRAITTE DE LA MATIERE
les de fuscéau & d'hiéble guarissent
les tumeurs œdemateuses, & hy-
dropiques. Au nombre des resolu-
tifs composez sont les cerots: si ils
sont simples, ils resoudét moins que
l'huile, mais ils tiennent mieux.
Quant aux huilles d'anet, de camo-
mille, d'aneth, de mariolaine, &
autres semblables, vous les lique-
fiez avec vne quatrieme partie
de cire dedans vn double vase, &
apres les auoir fondues, vous y
messerez vne douzieme partie de
terebenthine, ou de larix. Avec les
mesmes huilles, & le vin de cou-
leur de miel, on fait cuire vn heris-
son, si longuement qu'il pourrisse
de cuire, le residu de l'huile plus
gras est singulierement bon contre
les gouttes. Autant & à mesme fin
en ferez vous des huilles de re-
nard, de loutre & de miel. D'vne

meule tournée à force de bras, tirez
del'huile de seméce de lin, que lon
pestrit avec la lexiue des cendres de
sarmente & pour la rendre plus es-
pesse, on adiousté quelque peu de
terebenthine. La mie de pain sa-
lée, leuce, & pestrie en huile de
cherua, efface les meurtrissures.
Vous fricasserez en vin les rayons
de miel, avec de la farine d'yuraie,
ou aultre semblable, & les pestrie-
ez avec vn peu de beurre, & resine
arix. Le bdelliom se broye avec le
miel, la chaux avec l'axonge vieil-
le, le benioin avec le soulfhre: tou-
tes ces choses sont remollitiues,
deterſiues & resolutiues. Le soul-
phre incorporé avec huile vieille,
axonge, terebenthine liquide, &
ſaliue: ou deſtrépé en vrine, conuiét
aux morsures des bestes venimeu-
ſes, il mōdifie, attire, & euapore. La

TRAITTE DE LA MATIERE
chaux lauee, & vnue avec axonge
fresche, sert aux corps tédrelets. La
lexiue avec le miel, les farines d'or-
ge & de febues pestries en huile
conuenable, sont sortables & pro-
pres à estre employees, contre les
plus ardentés inflammations. Vers
le declin du phlegmon, vsez d'une
once de diacalciteos ramollie &
dissoulte en deux onces d'huile
vieille, ou de cherua: auparauant
& en l'estat, ou vigueur la mollifi-
cation se doit faire en huile doul-
ce, & d'entre-deux aage. Quand
le mal est rebelle, & moins ar-
dent. Prenez trois onces d'huile de
camomille: trois dragmes de cire:
des gresses d'oye & de poulle vne
once de chacune: de camomille &
d'aneth deux dragmes de chacun.
Le tout estant cuit à petit feu, &
coulé, formez vostre onguent.

Prenez

Prenez trois onces d'huile sicyonienne : six dragmes de cire : deux dragmes de terebenthine.

Aduenant que la matiere fust plus froide, vous les tempererez en ceste sorte.

Prenez des semences de fenouil, anis & aneth deux dragmes de chacune : des farines de fœnegrec, lupins & lin vne once de chacune : cuisez les en vin, & apres pilez les & battez en huile & vinaigre : cela fait, vous les appliquerez. Les feuilles de pauot cornu battues avec axôge, & la propolis onctueuse, amolissent & resoudent les escrouelles, bosses chancreuses, & autres semblables.

Prenez vne liure de colophonie : demie liure de cire : faictes les fondre en huile : puis adioustez-y six onces de sel mis en poudre subtile,

E

cm 1 2 3 4 5 6 7 8 9 10 11

TRAITTE DE LA MATIERE
& les laissez refroidir : puis par apres les tournant, & maniant entre vos mains, donnez leur la forme de magdaleons. Au temps de l'usage, couvrez en vne peau, & l'appliquez: il tire, & rait la boüe. Quand il faudra leuer le medicament, vous reconurez la peau de rechef: ce que vous ferez souuent. Car il attire miraculeusement la boüe fort profonde, faisant resolution & discussion de la matiere virieuse. Mais pource que sa consistance est trop dure, il ne faut l'employer, quand il y a douleur. Le suyuât luy respond en vertu & efficace, seruant à mesme effect.

Prenez de poix seche & cire neuue vne liure de chacune, deux liures d'huile, & les incorporez à petit feu.

Prenez de poix, cire neuue, axon-

cm 1 2 3 4 5 6 7 8

ge de porc, l'aion noir deux onces de chacun : faictes les fondre, & les passez par le couloir : il vuide les hydropiques, & pustules. Le prochain est merueilleusement discutif. Prenez du galbanom & castoreo vne once de chacun : liquefiez les en vne liure & demie d'huile de chervua : apres l'auoir coulé, adioustez y de poix & terebenthine, quatre onces de chacun : de cire autant qu'il en faut, afin que le medicament soit ferme & solide. Quand les vices sont obstinez, ces remedes là doyent estre ordonnez, qui sont preparez de choses remollitiues, maturatiues, attractiues & euaporatiues. Vo^{us} pourrez voir plusieurs autres formules descriptes en Gal. au sixieme & septieme de la cōp. des medicaments en general : & au quinsieme d'Ætius. Vous fomenterez la partie

cm 1 2 3 4 5 6 7 8 9 10 11

TRAITTE DE LA MATIERE
avec les relaxatifs, q̃ les Grecs ont
nommez *Chalastica* : & par apres
couvrerez d'un resolutif le plus
doux pour le commencement ; &
comme depuis la tumeur s'abbais-
se, on aura son recours à ceux qui
auront plus d'effect.

Chap. II II I. des Remollitifs.

Les Remollitifs que les Grecs
ont appellez *Malastica*, sont
ceux-là qui ont vne chaleur mo-
derée, n'ayants aucune force de
desseicher ou humecter, qui soit
euidente, & neantmoins mollifiēt
les corps massifs & durs : combien
que au denombrement des remol-
litifs il en y ayt force qui eschauf-
sent au premier degré, desseichent
au second, & au tiers, selon que in-

cm 1 2 3 4 5 6 7 8

finies choses ont esté mises en vn & assemblees par nature, qui prend plaisir à diuersifier. Ores entant qu'ils sont remollitifs, il faut qu'ils soient attrépez d'un element chaud & humide. Leur vsage est fort frequent és tumeurs dures, que les Medecins appellent Scirrheuses: elles se concreent ordinairement à la fin des muscles, quelques fois au milieu, d'autres fois és glandes, entrailles & lebures des vlceres sont engendrees d'une matiere espesse, lente & froide, telle que la pituite est, ou que le sang melancholique. Quant aux tumeurs, qui ont pour matiere le suc melancholique, toutes sont chancreuses, & empirent par l'application des remollitifs. Les inflammations deuiennét scirrheuses, si la matiere est visqueuse & gluâte, & que les remedes appli-

TRAICTÉ DE LA MATIERE
quez eschauffent & desseichēt ou-
tre mesure, comme ceux que les
Grecs appellent *Epispastica* & *Exip-
patica*, c'est à dire Attractifs & ex-
pressifs: par le moyen desquels, la
matiere subtile s'en va en fumee, le
reste deuient dur. Et par eux les
nœuds des ioinctures, & les grauel-
les aux reins se font pierres. Nous
craignons moins cest inconueniēt,
quand la matiere est desliée & se-
reuse, car aiseement elle s'enapore
toute: lors qu'elle est espesse & glu-
ante, il faut du tout euitier les re-
medes qui desseichent, resoudent,
& restraignent, attendu que nostre
soing consiste à mollifier. Estant
les tumeurs dures aucunemēt vain-
eues, il faut dōner cōpagnie aux re-
mollitifs d'aucūns legiers resolutifs,
& les entremesler. Les phlegmōs &
erysipeles degenerēt en scirrhe, par

les remedes trop froids & restrictifs : mais apres vn phlegmon le scirrhe est beaucoup plus grand. L'usage des remollitifs a certaines loix Car tout premierement, il faut recognoistre combiẽ la partie est reculee de sa complexion, & temperature, combien encore son vice est accreu : apres cela, faudra faire iugement de la force, & puissance des medicaments, parce que lors il sera cõuenable d'establiir, & mettre difference entre les natures des parties : finalement il faudra industrieusement inferer, par quel moyen on puisse amollir, & si à ces fins lon y d'eust meller quelque mondificatif, incisif, resolutif. Considerant en l'usage de tous, le moyen, l'occasion, la qualite, & la quantite. Toute esperance est perdue, quand le scirrhe est tellement en-

TRAITTE DE LA MATIERE
durci, qu'il ne luy reste aucun senti-
ment, deuenant la place chauue. Il
est dy-ie deploré, pource que il n'y
a aucun remollitif, qui le puisse af-
foupir, bien peult-il estre trenché
par le fer, ou miné & consommé
par medicaments corrosifs: pour-
ueu que ne soyons retardez par la
crainte de quelques nerfs, veines
& arteres. Le scirrhe qui a encore
quelque sentiment obtus, selon
qu'il est plus, ou moins endurci, il
requiert vn plus doux, ou plus ru-
de remede. Il faut employer les re-
medes plus doux, sur les femmes,
enfants, eunuches, gents de ville, &
sur toutes personnes qui menent
vne vie de repos: & les plus forts,
sur nautonniers, moissonneurs, fos-
soyeurs, paysants, gents de peine,
durs de corps. Quand la matiere est
lente & rebelle, il faut mistionner

quelque remede incisif ou deterfis; cela fait on coustumierement és chordes & tendôs. Tel est le vinaigre-miel, ou seul, & à part, ou avec lequel on aura cuit de l'hyslope, du thim, du pouliot domestique, & champestre, ou des semblables. D'abondant il est necessaire de tenir l'œil, & prendre garde à ce qui sensuit. Le scirrhe se trouue ou simple, ou avec inflammation, comme il y a vne inflâmentation avec scirrhe. Vous emporterez le scirrhe avec les remollitifs & discussifs, adoucierez, & meurirez l'inflammation. Quand l'inflammation est mariee avec le scirrhe, il faut proportionner & modifier les remedes, selon la victoire de l'un ou de l'autre. Les prochains amollissent doucement, à sçauoir le beurre, l'œsipe qui est la gresse, que rend la lai-

TRAITTE DE LA MATIERE
ne pressoirée, la laine avec le suin,
trempée en huile d'amandes, de
camomille, ou en la commune,
dans lesquelles seront bouillies les
semences de lin, guimaue, fœne-
grec, ou les racines de mauue, gui-
maue, coucombres sauvages, lys, ou
les ieunes feuilles de la mauue sau-
uage & de lys, ou les sommitez de
l'aneth verd, les huilles aussi esquel-
les seront fondues les gommés de
galbanom, ammoniac, bdellium.
Quand il est besoing de mollifier,
resouldre, & repercuter benigne-
ment, il faut prendre les huilles de
lentisques, terebenthine, & mastich.
L'huile de iosquame, a lieu en
l'inflammation qui tend à dureté.
Doncques on abbreuvera la laine
de ces huilles: le remollitif en tien-
dra mieux. Ores est-il besoing de
vât toutes choses, que ces remedes

soiét attiedis: car toutes choses froides, doyuent estre fuies. Apres l'expressiõ de la matiere des huilles, & qu'elle sera pestrie avec quelques graisses, vo^o formerez le remollitif. Tiennent lieu entre les remollitifs, le moyeu d'un œuf, le saffran, la cire gluante, figues grasses, le cereleon, cõme qui diroit cire-huile, fait de deux parties d'huile, d'une de cire pour le rēdre tresliquide: s'il est fait d'esgales parties, il est d'une consistēce mediocre. Celuy qui est preparé de quatre parties de cire, & de trois d'huile est plus espēs. Les figues graces, pilles avec l'huile de flambe, profitent aux duretez du foye, & de la ratte. Le scirrhe du foye a cela de particulier, qu'il requiert les remollitifs benigns, en y meslant quelques aromates, pour eschauffer & subtilier. La decoctiõ

TRAITTE DE LA MATIERE
de figues grasses, cuittes iusques à
l'espaisseur du miel, appelée syreon,
est remollitiue, deterfiue, & eua-
poratiue. La gresse & le suif, que
l'un, que l'autre meurissent, las-
chent, amollissent: & d'autant que
ils differēt de matiere, d'espece d'a-
nimaux, de sire & lieu, ou l'assem-
blage s'en fait, mesmement de natu-
re (car la gresse est plus molle & ma-
niable) il est loisible de les distin-
guer avec Aristote. Ainsi quand
le subiet est plein de delicatessē,
on doit faire option de la gresse, &
reseruer le suif pour vn corps ro-
buste. Et à raison qu'ils sont peu
dissemblables, encores peut on les
mesler. La diuersité & distinction
des deux, se doit prendre de la na-
ture, & genre des animaux, de leur
maniere de viure, pasturage, sexe,
& aage. Encore sont-ils distincts,

pource que les vns sont frais & recents, les autres vieux & rances. Aucuns sont au poinct de leur integrité, les autres sallez, aromatissez ou empraints de quelque qualité estrangere. La gresse de porc tresdoulce, ils l'appellent axonge, & c'est chose esmerueillable, confirmee par les escrits des anciens, & tenue d'eux comme approuuee, que, estât appliquee sur le genouil, la saueur en reuienne en la bouche: il semble mesmement que lon la crache. Par aduenture que c'est l'occasion, pourquoy les verollez frottez de vis-argent, & de ceste axonge bauent tant, & ont l'halaine tant forte, non pas pour la qualité du vis-argent, ains pour la totale mixtion. La gresse de porc est secondee de celle de veau, bouc, cheure, bœuf & vache: vous adiou-

TRAITTE DE LA MATIERE
sterez encor, si vous le trouuez bõ,
celles de renard & de lieure, douees
d'une plus grande faculté lentive,
& maturative. La gresse de lyon est
d'une grandissime operation, & en
sont fort approchées. Celles d'hy-
ene, de l'ecopart, & d'ours qui molli-
fient les corps plus durs. Les gres-
ses de taureau, bouc & cerf, sont en-
tre-deux. Pour l'esgard des oiseaux,
les gresses d'oyes, canard, cygne,
sont efficacieuses: elle est plus sei-
che de grue, plus gratieuse de
pouille, plus chaulde de pigeon,
languissantes, & de debile vertu
d'anguilles, & poissons de riuere.
La gresse de l'homme est bonne à
tout, reuilee de trop & de peu es-
gallement.

Les gresses des bestes priuees
sont plus benignes, que des sau-
uages, du porc plus que du san-

glier: les masses l'ont, & plus chaude, & plus seiche. Les masses chastes tiennent le rang des femelles: les ieunes bestes l'ont plus humide: les vieilles plus seiche. Elles amollissent davantage que les huiles, & plus elles ont de temps, plus eschauffent, & plus deuiennent elles subtiles, & acquierent d'acrimonie. Pour emonder les gressies, il leur faut tirer les veines que lon appelle Fibres: la sallee ou aromatisee est la plus seiche.

Il est certain que toutes celles qui dessichent trop, sont contraires aux maturatives & remollitiues: combien que Plin ecriue, que la sallee amollit davantage, ce qui peut valloir en celle de porc. Si faute de fresche il falloit employer la vieille, il faut la fondre tout



TRAITTE DE LA MATIERE
premierement, puis repurger de
ses fibres, la lauer d'eau fres-
che, à plusieurs fois, finalement
de vin tresodorant. Le plus sou-
uent on la liquefie de ceste sorte,
estant amassée on la baigne en eau
tant long temps qu'elle soit puri-
fiée & despouille son vice. La mou-
elle des bestes porte suif, est con-
forme au suif, & la mouelle en cel-
les qui portēt la gresse, respond à la
gresse. Elle amollit les entrailles,
chordes, tendons & muscles. El-
le est plus humide des os, & plus
seiche de l'espine. Le premier hon-
neur est deu à la mouelle de cerf,
& n'est inferieure à aucune autre, le
secōd à celle de veau: celle de mou-
tō marche apres, avec celle de che-
ure. La mouelle de Taureau a plus
d'acuité, & par trop, pour amollir:
ce sont là les pl^o benignes matieres.

Les

Les ſuiuâtes ſont propres pour les corps plus durs & robuſtes. L'ammoniac, qui ſ'aſſouplit avec le vinaigre, ſe doit cuire tout à loilir, & ſi bellemēt qu'il ne bouille. Le bdelliom mol ſe peſtrit & mollifie avec la ſaliue de l'hōme. Il amollit, meurit, & euapore moyennement: autant en fait la ſtyrax. Le galbanom, outre les vertus mentionnees qu'il a, eſt corroſif, & encore il appaiſe les douleurs. On le purifie, fait on fondre en vin ou vinaigre, & ne reçoit aucune cuiſſon. L'opoponax a pl^s d'efficace. Le ladanom amollit & repercute. La propolis eſt voisine de l'ammoniac. Que toutes ſoient molles & graſſes, chacune ſelon leur nature. Les reſines ſont meſlees avec les remollitifs, par ce qu'il faut, qu'ils ſoient emplaſtiques, & que les reſines n'ayent au-

F



TRAITTE DE LA MATIERE
cune acrimonie. Comme la resine
de chio, larix, poix de sapin, terebē-
thine, colle de pin deseiche outre
mesure, celle de strobile a plus d'ac-
cuité, la bitume & la poix sont plus
seiches. Somme toute, qu'il faut re-
buter celles qui deseichent trop,
& qui sont trop mordicantes. La
poix molle, & gluante cōme estoit
anciennemēt la brutie, y peut estre
meslee. Apres tous ces remedes, il
s'en fait vn avec le vinaigre, qui est
miraculeux. Le scirrhe est fomenté
d'huile remollitiue, de là vous le
couurez d'un remollitif emplasti-
que, le rafreschissant par quelques
iours. De la premiere boutee em-
ployez le remollitif pl^r legier, puis
par apres vn plus fort, & en fin il
faut l'abbreuuer de quelque fil de
vinaigre. Estāt la tumeur plus mol-
le, vous plongerez en tresfort vin-

aigre quelque pierre à feu, de moulin, ou quelque caillou tout rouge de feu, s'esleuera vne grosse fumee, de laquelle vous parfumerez deuenement le scirrhe : estât la partie bien cachee, & les conduits clos entierement, de peur que la fumee ne s'eslgare & esuanouisse, s'amaissant toute & se tournant contre le scirrhe: apres que la place aura esté suffisamment parfumee, vous l'estuerez d'huile tiede, & comme il a esté dit, la couurirez d'un remolitif. Aucunes fois ensuiuant vous retournerez à vser du vinaigre, à fin qu'il y aye vne reprise & reuolution du vinaigre, & des remedes. Mais si n'est-il pas question de molester la partie, ne trop longuement, ne trop souuent, de la fumee du vinaigre: car il est à craindre, qu'elle ne se congreast, & que la partie

TRAITTE DE LA MATIERE
nerueuse, n'en fust trop grieuement
offensee. La reprintsé du vinaigre,
sera iustement proportionnee au
proffit, que vous ferez en amollis-
sant. Mesmement en l'vsage des re-
molitifs, il faut vser de retour. Pour
doner iour à ce propos par vn exé-
ple, vo^o preparerez en premier lieu
vn remolitif de figues grasses, moel-
les, gresses, cires, huilles, avec quel-
que peu de resine. Et alors selon le
succes que verrez, vous viendrez à
l'ammoniac, & à ceux qui lui re-
semblent, du premier coup les mi-
stionnerez avec les plus doux sans
vinaigre, du depuis avec vinaigre.
Et quád vous aurez employé ceux
ci, durant vn ou deux iours, il faut
recourir aux plus benigns, & qui
n'ont point esté abreueuez de vin-
aigre: à fin que les remedes soient
echangez par retour, selon que la

nécessité presente le requiert. L'usage du vinaigre est plus seur es muscles, & en la ratte: es chordes & tendons il n'en faut user, ne si long tēps, ne si souuent. On tourne entre les mains l'ammoniac arrosé de vinaigre, iusques à ce qu'il aye vne espaisseur de bouë. Le leuain cuit en vinaigre, s'applique sur les duretez du foye, & de la ratte. Le vinaigre se rend plus fort, quand l'hissope, thim, pouliot, & autres semblables, demincez & broyez, auront trempé dedans. Se fera vn remollitif modéré de la semence de lin cuitte en huill'-eue, & incorporee avec de la gresse, de la racine seiche de guimaue conuassée, & mesmement de la partie rase moelleuse de cette racine, accouplée d'un peu de resine. Le medicament appelé parygró, c'est à dire liquide, fait de nou-

TRAITTE DE LA MATIERE
veau est de prinse, quand il y a in-
flammation, autrement on s'ayde
de celuy qui est tenu en reserue, &
gardé de longue-main, que Hera &
les anciés ont aduoné. Prenez qua-
rante & quatre onces de gresse de
porc fresche, & bié repurgee, vingt
& quatre onces de cire grasse, de
ceruse & litharge six onces de cha-
cune: on pile les metaux, que lon
incorpore avec les choses, qui peu-
uent estre fondues.

Prenez de la ceruse & litharge
trois onces de chacune: du ius de
semence de lin & huile vingt on-
ces de chacun, huit onces de cire,
quatorze onces d'axonge, dixhuit
de colophonie. Ce medicament est
proffitable aux creuaces dures, &
mules au talon. Dilathée contre
cloux, charbons & furoncles.

Prenez de litharge & huile vne

liure de chacune, demi liure de galbanom, de cire & terebenthine vne liure de chacune, quatre poingnees de la racine de guimaue: il faut battre longuement la litharge, & la remuer avec l'huile: puis on y verse la cire & terebenthine fondues premierement: & en fin on incorpore les racines conquassées avec vn pilon de bois. Autre.

Prenez des racines de guimaue & de lys deux onces de chacune, & les faictes bouillir en huill-eau, iusques à ce que l'eau soit toute euaporee: puis prenez de l'huile esprainte, gresse de porc & litharge vne liure de chacune: on cuit la litharge en huile iusques à ce qu'elle ne tache plus les doigts, puis on y mesle la gresse.

Prenez deux onces de colophonie exactemēt mondée, quatre on-

F iij

cm 1 2 3 4 5 6 7 8 9 10 11

TRAITTE DE LA MATIERE
ces de cire blâche, vne once de ma-
stich, autant d'huile qu'il en faut,
pour luy donner corps suffisant.

Prenez de terebenthine & cire
neuf onces de chacune, de galba-
nom & nitre vne once de chacun,
d'encens gras vne once & demie,
deux onces de moelle de cerf, vne
once & demie de propolis grasse,
d'huile de laurier, de suif de veau
deux dragmes de chacun, ou quel-
que peu d'auantage. Il est remolli-
tif & euaporatif. Le prochain en-
suivant a grand pouuoir, & con-
vient seulement aux corps des pai-
sants, apres que desia le scirrhe est
mollifié. On destrempe en oxycrat
de la fiente de cheure, & en l'incor-
porant avec vne griotte seiche ou
farine d'orge rostie, & suffisance
d'huile, se fait vn cataplasme.

Prenez deux onces de fiente de

cm 1 2 3 4 5 6 7 8

chicure, de racine de concombre
sauuage, de figues vertes vne once
de chacune, de l'herbe à poux, bdel
liom, farines de febues, & d'aman-
des ameres, demie once de chacun:
autant de la residence d'huile, qu'il
en faut, pour la preparatiõ de l'em-
plastre. Avec du fromage vieil plein
de mittes se fait vn remede trespuis-
sant, & se pestrit avec le brouet d'un
gras iambõ. Il s'en prepare vn avec
l'escarlatte pelee, & broyee avec le
myrrhe & le vinaigre. Il amollit les
duretez des ioinctures miraculeu-
sement. *Le diachylon.*

Prenez vingt septiers d'eau (Ori-
bazius n'en met que douze) trois
liures de racine de guimaue (Ori-
bazius en commande quatre seule-
ment) de fenegrec & semence de lin
neuf onces (Oribazius monte ius-
ques à dix huit) apres que les raci-

TRAITE DE LA MATIERE
nes repurgees & conquallees, se-
ront demeurées en l'eau vn iour
entier, le prochain d'apres, on ad-
iouste le fenegrec biē lauē, & net-
toyē fidellemēt: au troisieme iour
on y iette la semence de lin, lauee
en la mesme eau, en laquelle tou-
tes les autres choses trempent en-
core. Le troisieme iour on cuit tout
iusques à vne suffisante espaisseur.
On tient en reserve le ius exprimē
& coulē: cela fait. Prenez sept li-
ures & demie d'huile grasse, en es-
té: quatre liures en hyuer: faictes
les cuire avec quatre liures de l'ex-
pression, iusques à ce qu'on voye
force petits bouillons. Iettez là de-
dans deux liures de litharge bien
pilee, pour mener les à vn feu bien
clair si long temps, que les doigts
en demeurent sans tache, & que
l'emplastre prenne la couleur d'un

roux-miel. Côme vous l'aurez retiré du feu, remuez le avec vne baguette, tournez le avec les mains, & le formez en magdaleons. Quand vous voudrez vous en ayder, Prenez deux onces de magdaleons, de cire & huile vne once de chacune, & les faiçtes fondre. Il est loisible d'incorporer ce medicament avec les autres remollitifs, & a tant d'efficace & operation en la medecine, que le Chirurgien peut s'en seruir à tout, & se passer de tout autre. Estant assoupli, & dissout en huile-rosat ou de myrtilles, il agglue les vlceres superficiels: destré-
pé en huile de camomille, il garantit les playes faiçtes es nerfs d'inflammation: en toute saison il profite aux goutteux: mis en pessaire il guarit les inflammations inueterées de la matrice.

TRAITTE DE LA MATIERE

Après auoir fait tremper en eue,
& rouit les semences de lin & fen-
negrec, l'orge & racine de guimau-
ue, en la façon que nous auons de-
clairce: vous en tirez le ius par ex-
pressiõ, & à deux liures vous ioin-
gnez de litharge & huile deux li-
ures de chacune, huit onces de ci-
re: on broye par longue espace de
temps la litharge avec l'huile, la
cuisant tout à loisir avec la cire: fi-
nablemēt on fait meslange du ius,
& de l'huile, on brouille tout pes-
le-melle, & remue lon soingneuse-
ment. Se trouuent autres especes
de diachylons remollitifs, comme
celuy d'Alexandre, celuy qui prend
son nom de l'herbe à pulces, que
Ætius décrit, & le grād de Mesues
pour les escrouelles, fait sans gom-
mes, & celuy où entrent les gom-
mes. Outre tous ceux cy ve^o auez

le grand, le petit, le blâc qui se preparent par tout. La valeur du petit, se manifeste aux inflammations dures. Le blanc, fait paroistre sa vertu contre les scirrhes mediocres. Le grand est plus efficaceux que tous. Vallent à mesme vsage les emplastres de melilot des anciës, des mucilages, & le dialthée. Tous tels medicaments peuvent estre amollis avec huilles de mariolaine, huile sicyonienne, & fortifiez en adioustât le galbanom, & autres semblables. Les violettes & fucilles de guimaue, cuittes en huill'caue pilées avec la gresse de veau, jaunies de deux moyeux d'œufs, & colorez d'un brin de saffran, conuiennent particulièrement es dures inflammations des mammelles. Les testes de beliers, pieds de veau, se cuisent avec les guimaues & vio-

TRAITTE DE LA MATIERE
lettes. On fait cuire en l'expression
du ris bien net, & frotté d'un linge
rude, y suruersant du beurre frais:
finablement apres que le tout a pris
côistence d'une bouillie, on melle
les moyeux d'œufs iaunis de saf-
fran. Le septieme liure de la cõpo-
sition des medicaments en general
de Galien, & le quinsieme de Aëtius
fourniront de plusieurs autres me-
dicaments remollitifs. Encore en
trouuez vous dedans le huitieme
liure de Galien selon les lieux, qui
desleichent, reserrent, endureissent
& n'amollissent point; toutefois
Asclepiades & Andromachus les
ont appelez remollitifs. Il faut que
les remollitifs soient massifs & em-
plastiques, proueu que la dou-
leur ou inflammation n'y donnent
empeschement. Il faut que le lieu
soit fomenté d'huile, & par apres

vous appliquez le remollitif, mol-
lifié avec gresse ou huile, à fin qu'il
ne se desseiche trop promptement:
car deuenant sec, & aride il doit
estre leué donnant place à vn frais,
autrement il sera raisonnable, qu'il
soit attaché & adherant plusieurs
iours.

Chap. V. des suppuratifs.

ON vient à l'usage des suppu-
ratifs, quād tous les remedes
que nous auons declarez defaillent
au Chirurgien. Et presque toutes
grandes inflātions se tournent à
suppuratiō, & ont pour cōpaignie
grāds battements d'arteres, & dou-
leurs. Quand la bouë se prepare, dit
Hippocrates, suruiennent fiebres
& douleurs: apres qu'elle est faicte,
il y a pacification de tout. Ces mes-
mes remedes conuiennent pour la

TRAITTE DE LA MATIERE
plus part aux meurtrissures . Ores
sont les suppuratifs moderez en
chaleur & humidité , contenus de-
dans les bornes & fins , qui enfer-
ment la temperature de l'homme:
pource il faut eslire la matiere qui
cōsentisse à la nature des corps par
vne accointance elementaire : ils
doiuēt estre emplastiques, ainsi ap-
pellent ils les suppuratifs & matu-
ratifs: à fin que bouchant les soupi-
raux du corps, la chaleur naturelle
soit retenue, en laquelle gist & cō-
siste la faculté & puissance de natu-
re, qui opere la concoction. Ainsi la
chaleur quāt à sa substāce sera aug-
mētee, mais non pas quāt à sa qua-
lité . Les parties solides reprendrōt
leur force, & seront affermies: l'hu-
meur fixe & radicale demeurera
entiere, si que l'estrange comprinse
dans les espaces vuides , s'en ira en
fumee

fumee & vapeurs : par ce moyen le mal viendra à maturation, & la matiere blanchira par la communication qu'elle a avec les parties similaires : produisant en fin vne bouë blâche, esgale & d'une mesme mōstre : & à raison qu'elle ne peut estre conuertie en nourriture, elle se fait voye en rongant le cuir, & apres elle s'esgoutte. De mesme si les remollitifs deuiendront suppuratifs, si l'espeſſeur des parties leur eschet, & tout d'une tire les remedes lenitifs eschauffent, & reſtraignent. Tout tant qu'il y a d'emplastiques moyennement chauds, ſont maturatifs : ce qu'ils ont de subtil ſ'enuapore tout premierement : le reſidu coupe les chemins, reſerrant & greſſant le cuir, à fin q̄ nulle partie des eſprits ne ſ'enuole. Mais à l'opposite, si la chaleur ſ'exhale, & q̄ la

TRAITTE DE LA MATIERE
matiere ne soit emplastique, il ne
faut esperer aucune suppuration: si
que par fois vne chaleur estrangere
fallume, d'où vient la putrefa-
ction. Les medicaments glutineux
attrépez & modifiez d'une matiere
visqueuse, s'attachent d'eux-mes-
mes: les autres doiuent estre retenus
avec gômes ou résines: sinon il faut
les bander deuement. Les remolli-
tifs sont plus chauds, desechent be-
nignement, & apportent quelque
diminution à l'humidité naïfue &
radicalle: pource est-il besoing de
les separer d'avec les maturatifs, à
fin que nous ne soions surprins &
trôpez par la similitude qu'ils ont
entre eux. Venâts à l'usage des ma-
turatifs, il ne faut loger parmi eux
aucunes choses deterſiues, ny qui
donnent chaleur: car rien de ce qui
resout fort, n'est maturatif. Et ce qui

môdifie, fait ouuerture des pores, qu'il conuient bouscher, & emplaster. On refuit ceux qui deseichent, de peur qu'ils ne consomment la matiere profitable, & beaucoup plus tost s'ils rendēt chaleur. Cela ne fait contre nous, que les histoires des Medecins portēt force maturatifs, rēperez de resolutifs, môdificatifs, deterifs & dessicatifs: car la qualite peut estre affoiblie, par la mixtion des choses. Aucunes fois en vn mesme temps plusieurs vices s'assemblent, d'où vient qu'il est necessaire beaucoup de choses estre ioinctes & meslees. Bien souuēt l'abscez est de telle nature, que lon est cōtraint d'y meller quelques choses mordicantes. L'eau modereement chaude espāchee sur la partie est au roolle des maturatifs. La suffisance d'en vser est limitee par la rougeur du

TRAITTE DE LA MATIERE
lieu, s'enflant quelque peu. On ne
garde pas mesure aduenant qu'il
connuast ou pallist. On se sert à
mesme fin de l'huill'eau, d'huile
grasse douce & chaude avec me-
diocrité, mesmement de beurre.
Le froment masché & destrem-
pé en la salie de l'homme, con-
vient aux corps nourris à la peine
& aux champs. Il faut compter en-
tre les plus amiables la farine de
froment sasse, & separee du son,
le pain du froment. On les de-
strâpe & amollit on en caue, puis on
y adioulte huile ou beurre: quand
tout est cuit, on fait vn cataplas-
me, qui modifie les inflammations
des playes, & meurit promptemēt.
Lors qu'il y reste quelque chaleur,
on vſe de pain frais, & à demi-cuit,
arrosé & mouillé d'huill'eau, ou
d'un peu d'huile. Si le mal est rebel

le & opiniastre, ayāt moins de chaleur, le pain plus sec doit estre ras-
soulpy & amolly en plus grande
quantité d'huile. Le pain sallé a
plus d'efficace. La farine d'orge est
de soy inutile, toutefois celle qui
est receue du grain pur & net de
son, est preparee à la façon de la
farine de froment, cuittre en huil-
l'eau, arrosée d'huile & mistion-
née avec le beurre. Voyla comme
elle menera à supputation, proffi-
tera aux inflammations plus arden-
tes, & sur tout si elle est cuittre en
huill'eau. Tel a este le cataplasme
des anciens, que les Grecs ont ap-
pellé Omelesis en vn mot, & ome-
Lysis en deux, fait de farine d'orge,
qui premierement n'a pas esté ro-
stie au feu, combien qu'il ait esté
loisible transporter le nom, & le
bailler aux especes autres de fari-

TRAITTE DE LA MATIERE
nes. Encore y a vne autre espece
de cataplasmes, mise en pratique
par les anciens, & faicte de farine
d'orge, de fœnegrec, de semence de
lin cuittes en vin-cuit, iusques à ce
qu'elle aye corps de colle, en adiou
stant deux ou trois moyeux d'œufs,
la gresse de porc est au possible fa
milier à l'inflammation: puis cel
le de veau: quand les tumeurs sont
dures & froides, celles de taureau
& de chieure viennent en vsage.
Les gresses de lyon, & toutes telles,
sont inutiles. On peut employer
celle de poulle, voire celle d'oye,
qui a quelque plus grande acuité.
Estant l'inflammation plus chau
de & bouillante, il faut fondre la
poix & resine en huile rosat: estant
plus froide, en huile vieille, scyo
nienne, ou la semblable. La poix
seiche telle qu'est la coracyne, ou

colophonienne se dissout en plus grande quantité d'huile: la liquide en moindre. La molle de sa condition glissante sous le doigt, & participante de quelque viscosité, telle qu'estoit iadis la brutie ou lycie, se destrempe en vne mediocre quantité. Le cerot de poix est sedatif de douleurs, & suppuratif, pource convient il aux vlceres enflamez. Que la resine soit de terebenthine, ou lentisques. La cire est plus debile, la resine est plus roide, assemblees elles suppurēt mieux. Si elles ont aucune acrimonie, on doit les lauer auparauāt: si elles sont arides, amollir avec le beurre, ou huile. L'œsi-pe a esté tenue des anciēns au nombre des maturatifs. On tire le suc espreint de la fleur du lys, il meurit les suppuratiōs, amollit la matrice endurcie: les anciens l'ont appellé

TRAITTE DE LA MATIERE
miel syreon. Mais le syreon, qui a
corps de miel, extrait de figues cuit
tes, est cōuenable, soit qu'il faille
mōdifier, soit qu'il faille amollir. La
decoction de figues est tresdouce,
qui est principalement maturatiue
& digestiue. Il faut faire bouillir cīq
liures de figues-grasses en six sex-
tiers d'eau, iusqu'au residu de deux
sextiers : pestrissez de ce reste, la fa-
rine de froment, & formez vn ca-
taplasme: ainsi la suppuration s'auā
cera. La farine d'orge vaut mieux,
si vous auez intention de meurir &
refroidir. Vous cuirez en pareille
sorte les farines ou pain tresput en
la decoctiō de guimaue, ou biē au
ius de raisins cuits, & apres cela vo'
iaunirez le cataplasme de saffrá. Le
saffran meurit, renforce les parties
d'vne benigne astriction, & reserre
les pores. Vous attēdrerez en caue

doucevne nuit entiere les plus gras raisins, repurgez de leurs pepins. Le iour suiuant les cuitez iusques à ce qu'ils ayent vne cōsistence de miel. Quād les tumeurs sōt endurcies, & inueterrees, on employe & met-on à profit la colle de libraires & relieurs de liures, faite de la plus fine farine, la glu des oiseliers, styrax grasse, ladanom, galbanom, encēs mol, blāc, gras, & qui ne s'esmie point, quand on le tourne sous la dent: proueu q̄ les corps soient temperez. Quād l'inflammation est ardente & dolo- reuse, on peut y mesler de l'huile rosat, ou de myrtilles. Que si le mal est obstiné on ioint poix, resine, glu, colle, & autres tels, en y tenant dessus les compresses vn bien long temps, pareillement on les accom- paigne de fiente de porc, pigeon, chieure & de nitre. Les femmes

TRAITTE DE LA MATIERE
mesmement cognoissant ce reme-
de. Elles appliquent la fiente d'un
petit enfant toute chaude, sur mam-
melles dures & enflammées, voire
sur telles autres parties. Et l'expé-
rience a enseigné, qu'elle a la vertu
de meurir promptement, encore
trouue lon parmy les decoctions
& superfluitez des remedes bien
certains. Ores amollit & fait sup-
puter les furoncles & parotides, le
cataplasme de figues, de chaux, de
racine de flambe, & de nitre: & à
faute de nitre, on prend du sel rosti,
estant le subiet delicat: on prend la
lye de vin, ou vinaigre, si le subiet
est robuste. La lye doit estre fres-
che, car elle se passe en peu de tēps.
Le cōmun sçait vn remede tiré des
oignons cuits sous la cendre. Cor-
nelius Celsus, autheur biē approu-
ué, baille les premieres louāges au

tetrapharmac des anciens, quand il est question de rendre la matiere purulente & boueuse. Le mesme remede mis en prattique, par les Grecs, à fin de supputer, est cõposé de poix resine, cire & gresse. Venât le temps d'en vser, amollissez le en huile ou beurre. Que la poix soit plus molle, la resine fritte, ou la colophonie qui peut estre mollifiée, quand les corps sont plus tendrelers. Si le subiet d'auenture est debile, vsez de cire gluante, de gresse de porc, ou de veau. Si vn plus robuste se rencontre, employez celle de taureau, ou de bouc. Paulus appelle ce tetrapharmac basilicon. Scribonius l'a nommé l'emplastre noir d'Aristus, & a descrit vn autre basilicon. L'encens ioint au tetrapharmac, fait le macedonic qui est aussi maturatif. Le moindre basili-

TRAITTE DE LA MATIERE
con des modernes est plus foible,
que cestuy cy, changeant la gresse
en huile: attendu que la gresse a
plus d'efficace, que l'huile. Aussi
bien est-il loisible, de diuersifier en
huile. Le tetrapharmac plus dur
soit dissout avec huile rosat, ou de
myrtilles, selon la condition du
corps, & la nature & port du mal.
Le suiuant est merueilleux pour a-
mollir, & pour supputer.

Prenez de cire, terebenthine,
moelle de cerf, des gresses de veau,
d'oye, de bœuf, beurre frais, du meil-
leur miel, huile de roses & de myr-
rhe vne once de chacun: on broye
la myrrhe avec le miel, les cuisant
à loisir sur les charbons, & puis on
incorpore diligemment toutes les
autres choses.

Prenez vne once de poix, trois de
cire, six d'axonge vieille lauee, de

la gresse de taureau & d'œsipe, trois onces de chacune, cinq onces de resine de pin, ou plus tost de poix resine: quand toutes ces choses seront liquefies, vsez en.

Prenez douze onces de resine, & de cire, & verd de gris, huit onces de chacun: deux onces de suif de veau, de vinaigre & mauue vne once de chacun. Que la mauue & verd de gris soient fondus en vinaigre, & pilez ensemble en mistionnant tout le reste, apres estre dissout. Il amollit, meurit, mondifie & resout.

Prenez des oignons & aulx cuits sous la cendre vne liure de chacun: cinq moyeux d'œufs, demie liure de la racine de pavelle cuite, trois onces de farine de fœnegrec, deux onces de leuain, vne liure d'axôge: assemblez tout en vne masse, il profite aux humeurs froides & gluti-

TRAITTE DE LA MATIERE
neufes. Fomentez le lieu avec huil-
le douce, ius maturatif, eaue chau-
de moyennement, huill'-eaue, &
autres: appliquez y le medicament
digestif, & le couurez de laine avec
son suin, ou d'une estoupade mol-
le: badez le en croix Bourguigno-
te, & de façon, que l'eminence de
l'absces paroisse en l'entredeux, à
fin que le lieu malade ne soit pres-
sé. C'est assez de le raffreschir & ha-
biller vne fois le iour, voire moins
souuēt, sinon que la douleur nous
y contraingne, & que le medica-
mēt sec outre mesure nous y cōue.

Ores est-il necessaire de preparer
les maturatifs tellement, q̄ les plus
liquides ne puissent s'escouler, ne
les plus massifs & solides fouler la
partie malade. La consistance des
cerots remollitifs, & emplastres
mols est raisonnable: & il vault

mieux, que comme il a esté dit au parauant, ils soyent glutineux & aggluants, à fin que sans bandes ils puissent se lier, & ioindre à la partie : iacoit que rien n'empesche que lon ne puisse ietter par dessus, ou de la laine avec son suin, ou des compresses molles & plumaceaux: les lier mesmemét, encore plus tost au temps d'hyuer, & de froidure.

*Chap. VI. de l'ouuerture
des absçés.*

Q Vand l'absçés est apostumé, & que la matiere ne préd ait d'elle mesme, en rompât le cuir superficial, il faut le luy donner par vne ouuerture faicte avec le fer, le feu, ou avec medicaments. Autrement la bouë se glisse & auance, elle fait des retraictes & clapiers, rōge les veines, arteres, nerfs & au-

TRAITTE DE LA MATIERE
tres parties voisines, mine les os &
les pourrit, ternit le cuir, le ride &
réfroingne, comme par vieillesse: ce
qui emporte avec soy pl⁹ de crain-
te aduenant aux doigts, ioinctures,
& parties penchantes du corps:
car par ce moyen les parotides, &
abscés des cuisses tombér en fistu-
les, & aussi bien les parties y encli-
nent qui se putrifient aiscement,
comme le siege, la bouche, les ge-
nitaires. Pour ces raisons, com-
bien que la tumeur semble n'estre
competamment meure, & apostu-
mee il faut preuenir tels dangers
avec le fer, sur tout si la matiere
contenue en la bourse de l'abscés,
a quelque qualité pestilente & ma-
ligne: iacoit qu'il ne faille se ha-
ster trop, parce que iamais natu-
re ne doit estre forcee pour neât,
& en vain: mais tousiours est-il
heure

heure de luy faire bien, sans que mal luy en aduienne. Où l'abscez s'est creué trop tard, souuentefois on rencontre des parties membraneuses, nerueuses, & autres à demi pourries, que lon ne doit oster & couper, sinon au poinct de l'occasion. Car la putrefaction a le temps de sa meurisson prefix & limité, que lon a pour obiet: autrement on precipite le malade, en nouueaux perils de conuulsion & inflammation. Tousiours ne fait-on pas estat d'ouurir les absces apostumez avec le fer, si l'attente n'est point perilleuse. On applique vn medicament euaporatif & discussif au lieu le plus mol de l'abscez, & qui reçoit l'impression du doigt: ce qui veut estre fait plustost quand la boue est preparee, faisant demonstration de soy en la partie haute de l'abscez & nō

TRAITTE DE LA MATIERE
penchante. Ores s'il est question
d'vser de feu, ou de iouer des cou-
steaux, il faut prendre garde auant
toutes choses, que lon ne blesse
quelque notable vaisseau, nerf, ten-
don, ligament, rien de nerueux, cō-
me sont membranes & larges ten-
dons. Aussi est-il de besoin, q̄ aucu-
nes parties d'un sentiment trop ai-
gu, soyent espargnees quand la for-
ce & violence du feu penetre plus
hastiuement iusques à leur princi-
pes & commencements. Touchant
les muscles, il faut dilater les entre-
deux des fibres avec vn cousteau
de bois, ou avec le doigt, afin que la
couppe des fibres ne se face, specia-
lement ou la boue est profonde, en
quoy sert à merueille la cognoissā-
ce de l'anathomie. Les cauterres a-
ctuels sont d'agereux imprimez sur
l'occiput derniere partie de la teste,

sur les tēples, & par tout ou le test
est plus mol, par tout ou y a sortie
de nerfs, & entree de vaisseaux: l'œil
mesinement ne peut les supporter
sans danger. Aux fractures du test,
quād lon donne y sūe à l'apostume
par trespans, molinets & tarières, il
faut destourner le fer des futures, ra-
cines des nerfs, & de los plus tenue
& mol. Aux escrouelles, & abscez
du col, il ne faut toucher à l'artere
carotide, ny aux veines iugulaires,
ny aux nerfs recurrés & vocalles: de
la le flux de sang qui en est suscité,
n'est pas aisé à estancher: d'icy la
personne perd la voix, & le parler
entierement, ou elle demeure à de-
mi-muette. Vn tendon y a sur la
partie externe de l'espaule, qui
ne peut porter ne fer, ny feu.

Aux empyenes & pleuresies a-
bandonnees, nous fichons le ra-

TRAITTE DE LA MATIERE
soir & cauter, en l'inferieure par
tie du mesopleura, pource qu'en
la superieure se rencontrent la vei-
ne, l'artere, & le nerf. Aux extremi-
tez des flacs, force tendos apparois-
sent, & plusieurs vaisseaux l'accou-
plent : à raison dequoy on doit ou-
vrir les absces avec iugement. On
imprime le cauter sur la partie
charnue du siege, qui endure bié le
fer, & non sur la nerueuse. Telle ob-
servation a lieu és genitoires, ou il
faut se dōner garde des arteres, des-
quelles vn bō nombre est là assem-
blé, entre-ouuertes en leurs orifi-
ces, & bouches. Car il est mal-aisé
d'estancher les flux de sang, qui viē-
nent de la. Il se fait mōstre d'un nerf
sous les fesses, qui laisse la iambe de
son costé endormie, si il est trenché
pres l'apostume, ou frappé du froid
demourant à nud. Mesme confide-

ration est necessaire aux autres parties, esquelles les nerfs ne doyuent rester nuds, ny retirez de froidure. Aux eies, sont veines & nerfs couchez & attachez aux glandes, & pourtant si vous estes en deliberatio d'appliquer le cautere actuel, il faut en premier lieu esleuer le cuir: quant aux plaies qui se font avec le fer, & trenchant il faut garder vne mesme forme. Cecy est commun à toutes les autres parties, sous lesquelles, gisent arteres, veines & nerfs. L'usage du fer & cauterer, tousiours est suspect és ioinctures: pour cela aux sciaticques nous appliqués le cautere plus bas, que le mal. Aux tumeurs du perinee, qu'il faut ouvrir avec le fer, il est tresexpedient de se garder, que lon ne blesse rien au dedans, qui soit par apres de difficile reprise. La cognoissance de

1
2
3
4
5
6
7
8
9
10
11

TRATTE DE LA MATIERE
l'anatomie nous dresse, & engarde
de broncher & rôber en ces incon-
ueniens, que cuitera aiseemēt, qui-
côque y sera deuēmēt duit & exerci-
té: Autremēt il est neccssaire q̄ celui
là faille & choppe souuēt qui l'igno-
re. Et attendu que les nerfs, veines
& arteres sont diuersement respan-
dus, par toute l'estendue du corps,
& ne le sont pas encore tout d'une
façon, s'il faut abbattre quelque
chose avec le trenchant qui soit
profonde, on le doit dresser tout
bellement, & guider tousiours de
l'œil: ce qu'il faut pratiquer aux
escrouelles, & où la matiere putu-
lente est plus enfoncée. Premiere-
ment vous descouurerez le cuir: se
presentāt quelque vaisseau ou nerf,
le separerez avec le doigt, ou avec
une broche de bois, en departissant
les filamēs & mébranes, qui ne sont

cm 1 2 3 4 5 6 7 8

de si grãde importãce, & les tiennẽt
 entretissues: & quand aurez atteinẽt
 le lieu, auq̃l la boue est retirẽe, tou-
 te crainte hors, vous ficherez à la
 bonne heure le ferrement en la par-
 tie, & par ce moyen vous repurge-
 rez l'abscez. En tous autres abscez
 il faut prendre garde, & aduiser que
 le ferrement deualle autant qu'il le
 faut. Car la playe trop cauee, suscite
 les rauages de sang. Souuent la su-
 perficielle ne profite rien. Le caute-
 re aussi bien ou il brusle la superfi-
 ce, ou il fait son impression plus a-
 uãt. Quand les corps sont plus de-
 licats & femelins, on en fait de plus
 benigns, cõme de liege, d'espõge &
 de quelques racines. D'ẽtre les me-
 taux, le cautere d'or est plus doux, q̃
 celui d'rain, ou de fer, desquels no^o
 parlerons autre part plus au long.
 Si on doit faire l'ouuerture droit.

TRAITTE DE LA MATIERE
te, trauesiere, ou oblique il est
premierement declare par la figure
des parties, replis, rides, & fibres:
puis on prent nouveau conseil &
aduis des vaisseaux, & parties sub-
iettes. L'incision se fait plustost de
droit fil au col, que trauesierement,
sans enfoncer & profiler trop, de
peur que lon ne blesse la membra-
ne, qui est au dessous. Aucuns trou-
uent meilleure l'incision droicte,
Aux Eines elle se fait double, & de
trauers, cependant estroite, & vn
peu languette, ayant forme de fueil-
le de meurthe. Au ventre on suit les
fibres des muscles, pourueu que
les plis & rides ne l'empeschent
point. Autant s'en fait-il es autres
parties. Vne simple incision suffit
par fois faite en la partie pendante,
il la faut quelquefois double & tri-
angulaire: le rasoir se fiche & impri-

me en la partie qui s'abbaisse sous le doigt, & est esleuee en poincte, par ou la boue peut se descharger plus commodement. L'esgouttement qui s'en fait, s'appelle par les Grecs *Hypporrhufis*, c'est à dire descharge & escoulement de boue, qui retient sous soy la sous diuision, les Grecs l'ont nommee *Epidiuresis*, & la contre-diuisiion appelee *Antidiuresis*. Car estant l'ouuerure faite en la partie pendante, la boue se vuide aisement: si elle est haute, elle restiue ordinairement, deualle, & fait des retraictes: parce que la partie apostumee, ne peut se manier à plaisir, comme quād l'abscez est au tronc du corps, presque en la teste, & parotides. Aduenant que en la main, & en la cuisse, la bouche de l'abscez fust plus haute: on la peut tourner de telle façon:

TRAITTE DE LA MATIERE
que la boue s'escoule & esgoutte à
laise. Et puis la main doit estre sou-
stenue d'une escharpe, à fin que le
poingnet soit plus esleué que la tu-
meur. On soubleue la iambe d'un
coussinet, estant le genouil haussé,
& la cuisse enclinee vers la hanche.
Ores faut-il situer l'une & l'autre
partie, tellement qu'elles puissent
demourer sans douleur en telle fi-
gure & port. Escheant qu'il ne se
puisse faire en quelque partie, &
qu'on ne puisse la tourner à plaisir,
il faut faire vne contre-ouverture
en la partie opposite, que les Grecs
appellent *Antidierefin*. Semblable-
ment és autres en la main, & en la
cuisse, que l'on ne peut tourner si co-
modeement quand le creux est pro-
fond, q l'ulcere est plein de mines, q
l'apostume est abondante, vous don-
nez un coup de lancette en la partie

opposite, afin q̄ la matiere virieuse
en soit pl^o hastiuemēt modifiée, luy
aiant baillé double sortie. Quelque
fois on descouvre toute la cavitē,
faisant l'incision depuis la bouche
de l'ulcere, iusques en bas, comme
aux fistules. Aucunefois l'ouverture
se dilate avec le fer, quād elle est trop
estroite, ou encor qu'elle soit assez
large, si elle est rōde, en alōguissant
la playe: autrement elle defigure la
partie, & la rēd difforme, ce qui ne se
fait tāt pour mondifier, q̄ pour cōso
lider. En quelques endroits il y a
grand apport d'arteres, & force ma
tiere de l'esprit vital: là il faut faire
l'incisiō petite, afin q̄ l'apostume ne
sorte avec impetuosité, & à coup, &
que par mesme moyen grande quā
tité des esprits ne puisse s'euaporer,
d'où s'en ensuyuent defaillances de
cœur, & morts soudaines. Ce brief

TRAITTE DE LA MATIERE
discours de l'ouuerture des abscez
faicte avec le fer, ou cauterés, suffi-
ra mesme pour maintenant. Reste
que avec vne briueeté, nous tou-
chions vn mot des medicaments
aperitifs, desquels on se sert pour la
delicatesse du malade, qui n'auroit
le courage de supporter le fer, ou le
cautere: combien que les medica-
ments, que nous auons à deduire,
soient cauterés, qui bruslent natu-
rellement. A ceste occasion les an-
ciés les ont appellé cauterés froids,
les modernes potentiels. Ils les ont
appellez cauterés, pource que à la
verité ils bruslent: froids, les com-
parant avec le fer, & les semblables
embrasez, & rouges de feu: si ne
bruslent ils pourtant de telle façon,
que les caustiques & corrosifs, que
nous descrirons cy apres. Ores dó-
ques la theriaque appliquee, ouure

les abscez, la seméce d'ourtic broïee avec le vin fait ouuerture, mōdifie, reproduit la chair, & meine à cicatrice. Vallēt à mesme fin les racines de choux bruslees, broyees & incorporees avec vieille axonge. Les racines de rouseau, tests d'huïstres bruslez, gresses recueillies de raines verdes des boys, laiēt de figuier, ius de reueille-matin, pouldre de cantharides, tige & fueilles de bassinets, fiente de chien blāche broyee, toutes ces choses s'incorporent avec terebenthine & gresse vieille. La confection anacardine recene en mesme façon. Il faut les y tenir si longuement, qu'ils facent ouuerture sans eschare. Le remede prochain est composé.

Prenez deux onces de lye de vin bruslee : de fiente de pigeons, propolis, sel rosti, verd-de gris trois

TRAITTE DE LA MATIERE
dragmes de chacun: vne once d'eau
de mer, ou d'eau en laquelle aurez
fait fondre deux fois moins de sel:
deux onces d'huile vieille, ou de
huile bouillie: pilez separemēt les
matieres seiches, & broyez en vn
mortier le verd-de gris, la lye & le
sel ensemble, estant mis en poudre,
arrousez-les d'eau, & de rechef
mellez y l'huile, qui incorpore le
tout en vn. Et par apres faites tout
cuire en vn vase de terre, avec vn
petit feu fait de charbon, iusques
à ce que l'eau soit tarie: puis ver-
sez y la propolis mollifiée, ayant
leué tout de dessus le feu, & qu'il
sera refroidi, iettez par dessus la
fiente de pigeons: vous couurez vn
petit linge & longuet de ce medica-
ment, & l'appliquez cōme il est re-
quis, vous couchez encore vne cō-
presse plus large chargée d'un me-

dicament remollitif. Prenez de la fiente de pigeons, & de nitre demie once de chacun: sept figues seiches: avec lesquelles vous mellerez les matiere seiches broyees, denement pestries, & les incorporerez cōme deuant. Que si le medicament vous sēble trop dur, assouplissez-le avec axōge repurgee, & avec le miel que vous y adiousterez. Il faut se seruir avec discretion de l'arcenic, & de la pouldre de mercure, & du sublimé en recongnoissant la condition des corps, & des abscez. Il conuient les receuoir avec beurre, axonge, terebentine & glu, couchant par dessus quelqu'une des fueilles qui adoucissent & amollissent, ou bien que la cōpresse soit couuerte d'un onguent sedatif de douleurs, ou remollitif. On doit obseruer en l'usage de ces medicaments, que l'ardeur

TRAITTE DE LA MATIERE
& inflammation des abscez paci-
fice, en faisant la compresse autant
grande, que vous voudrez la playe
l'estre, se donnant garde de blesser
la veine, le nerf, l'artere: & ne faut
que le medicament demeure & re-
tarde trop long temps sur la playe.
Et si le malade est greué de douleur
il ne faut pas permettre qu'il soit
plus longuement trauaillé, releuât
tout aussi tost le medicament, ap-
paissant la douleur, & le traittant a-
uec toute douceur. Il sera moins
tourmenté, si premierement vous
fomentez la partie, avec vn remede
laxatif. Quand l'ouuerture aura esté
faite, il faut modifier la chaleur
d'un remede sedatif de douleur. A-
tius a ordonné force autres reme-
des en son quinzieme liure, à ces
fins. Encore en auez vous plusieurs
traitez au chap. des Pyroniques.

Chap.

Chap. VII. des Mondificatifs.

NOus voicy au poinct de mōdifier si l'abscez s'ouure au dehors, & qu'il soit sans fistules, apres auoir nettoyé avec vn flocc ou drapeau la cavitē & lebures de l'ulcere, vous remplirez le creux de charpies couuertes de medicaments, iusques à ce qu'il rougisse, ne restāt trop sec, ne trop moite. Si le vice n'est point en veue, ains caché tout dedans, la guarison en est plus mal aisee: S'il est englos dans la teste, & qu'il ne se puisse diuertir par les narines, oreilles, ou autres esgouts, il faut luy donner ouuerture avec le trespan, molinet, ou tariere. Il n'y a prelsque qu'une voye qui guide en la poictrine, qui est de la bouche par le gosier, ou trachee artere: sinō q la bouche de l'ulcere se monstraist

TRAITTE DE LA MATIERE
en la superficie. Et icy on peut eua-
cuer la matiere apostumee par cor-
nets à feu, collyres, sucemēt : autre-
ment on y fait quelque iniection
par semblables instruments d'eau
miel, ou autres matieres & liqueurs
de pareille vertu & efficace : afin
que quelque chose soit repurgé
par les crachats. L'œsophage, ou la
gueulle, est la seule voye pour par-
uenir au vëtricule & intestins gres-
les. Le gros boyau se mondifie par
clysteres. Que les medicamens mô-
dificatifs soyent deterifs moyen-
nement, & deslicatifs. Il faut mon-
difier la boue qui s'assemble par la
corruption du corps: il faut desse-
cher le recreement humide & sain-
gneux, qui reste de l'aliment &
nourriture de la partie, selô la dispo-
sitiô de nature, ou la superfluité, qui
s'y descharge d'ailleurs. Les medica-

més qui ont la vertu de mondifier,
sont particulièrement appellez *rupti-
ca*. On doit euitier ceux qui restrain-
gnét par trop, à raisó desquels l'apo-
stume demeure plus obstinément
attachee. Ceux aussi qui relaschent
oultre mesure, parceq' ils affoiblissét
& rompét la force des parties: ceux
encor qui poignent rudement, d'au-
tant qu'ils cōblent, & remplissent le
creux & vuide des vlcères de force
ordures. Il ne faut vser de sel, ny de
route telle matiere: car encor qu'ils
mōdifient, ils reserrent & plâstét la
boue, & si le plus sounét, ils pinco-
tent. Mais il faut prédre nécessaire-
ment ces choses icy, en telle part que
lon leur donne lieu, pourueu que
l'ylcère ne soit point ambulatif,
que par la corruption il ne mine
point les parties voisines qu'il n'y ait
aucune dureté ou cal, de l'ouyrant

TRAITTE DE LA MATIERE
nostre dessein, ou qu'il n'y ait quelq
autre rencontre. Selon la condition
des corps & ordures des vlceres, la
qualite des remedes reçoit distin-
ction. Ioinct que le mal est recent,
ou enuieilli. Si le corps est tendre-
let, & le mal recent, n'estant chargé
de trop de boüe, ny de trop gran-
de humidité, oultre ce que la par-
tie ait le sentiment aigu, les plus
doux remedes sont plus conuena-
bles. Si les conditions sont con-
traires, il faut donner lieu aux re-
medes contraires. Aduenant qu'une
portion de la tumeur soit apo-
stumee, & l'autre soit encore crue:
il faut appliquer sur ceste-cy les re-
medes suppuratifs & maturatifs,
sur ceste là les mondificatifs: si il y a
de la dureré, les remollitifs: si il y a
de l'inflammation, les lenitifs: ainsi
vous accommoderez chacune cho-

se deuement, & en son lieu, pour le moins vous formerez vn medecament, qui suruiene à toutes ces intentions. La vraye maniere de bafiner sert grandement à mondifier: de laquelle nous toncherons vn mot à la traaverse. Si apres auoir torché & nettoyé les creux & lebures de l'vlcere d'vn Hoc ou linge, vo^r le lauez la guarison en est plus auancee: & nature bien souuent à la suffisance de faire seule, & accóplir le reste. Et pource si la boue est mordicâte, la lotion se doit faire avec le petit laiët: si l'affluence est grande, avec l'eau-miel: s'il y a cōcurrence, de l'acuité & quantité avec le petit laiët, dans lequel soit fondue vne huitieme partie de sucre, ou autant de miel: Si la cavité commence fort à se mondifier, avec le vin-miel: & apres luy vous

TRAITTE DE LA MATIERE
prendrez pour la bassiner, du vin
doux quelque peu rude. L'oxycrat
conuient & profite, quād le creux
de l'ulcere est fetide, pourri & sai-
gneux. Le vinaigre, l'oxymel, le vin-
miel, la decoction de marthube, ab-
sinthe, aloé, myrrhe assaisōnee d'un
peu de miel, est de grād effect és pu-
trefactiōs, Il vaudra mieux se seruir
de miel rosti. Quād les vlcères pleu-
rent, qu'ils sont moittes & malins,
on iette par dessus le vin-miel de la
coupe-rose, ou vitreol mis en pou-
dre, ou de la cendre de figes. Il ne
faut pas mespriser la decoction de
Gayac. Aucuns ont la lye de vin en
recommandation, pource q̄ elle des-
seiche, & preserue de pourriture: on
la peut accōpagner de quelque peu
de miel. Les anciens ont vsé de mō-
dicatifs & restrictifs és vlcères cor-
rosifs, qui corrompent & mangent

les parties saines & prochaines, & qui sont presq̃ incurables & entieremēt malins, mais souuienne vo^r de les destrēper bien, afin de les entōner liquides. L'eau alumineuse, & les decoctions faites avec le malicorium, la myrrhe, les balaustes, & autres semblables s'y peuēt employer. Vray est qu'il vaut biē mieux mondifier tout premierement avec la matiere deterſiue, puis avec la restrictiue. La lexiue de chaux lauee, plusieurs fois, mōdifie & desseiche, ny n'est sans occasion qu'elle est recommandee. Quand les vlceres sōt calleux, de difficile soudure, pleins de retraittes, boueux outre mesure, on a recours aux lexiues de cēdres de figuier, reueille-matin, & autres tels, & bassine lō to^r les iours leurs cauernositez. Les vlceres chācreux sōt guaris avec la lexiue de noyaux d'oliue. Les eaux alēbiquees de tere

TRAITTE DE LA MATIERE
berhine & resines s'ot propres à mō-
difier. La mesure du miel ou suc-
cre, à l'esgard de l'eau, est de dix
fois, huict fois, ou six fois autant
d'eau que de l'un d'eux. Et faut
user du bassinement qui reçoit plus
grande quantité d'eau, quand le
creux de l'ulcere est moins ord: plus
il est boueux, moins faut-il d'eau.
Estant l'ouverture de l'ulcere suffi-
sante, & à descouvert, vous y infi-
nuez un petit linge mouillé appa-
rauant en l'eau-miel, ou autre: &
depuis pressoiré legierement. On
saupoudre le plus humide, & le
couvre lon d'une poudre tressub-
tile. Dedans le plus sec, & plein
d'ordure, on y fourre de la char-
pie, ou bien on y verse quelques
medicaments mols, & bouche lon
par apres la bouche de l'ulcere, d'u-
ne laine bien cardee. Et ensuyuant

vous couvrirez toute la region, & estendue de l'ulcere de quelque esponge, cotton, ou compresse. Vous mouillerez toutes ces choses dedans le vin, les pressoirerez & appliquerez, finablement vous les lierez avec artifice. Mais il faut entierement prendre garde, que lon n'applique rien sur l'ulcere, qui soit trop dur, ou trop pesant. Au temps qu'il faudra releuer les bandes & ligatures, & descharger les ulceres des medicaments mondificatifs, on doit bien & soigneusement recongnoistre la qualite, & quantite de l'apostume: car si elle diminue, cela est bon: si desia l'ulcere est purifie, & qu'il commence à reprendre chair, cela est tresbon: Mais s'il est plus ord & boueux que de coustume, encore faut-il user de distinction. Car si le creux est plus

TRAITTE DE LA MATIERE
profond, si la chaleur & douleur se
renouellent, on le doit imputer à
l'acuité du médicament: & pourtant
il faut le moderer & adoucir avec
le cerot rosat, si il y a de la chaleur: si
l'ulcere est flegri & lache avec le
cerot de myrtilles: Si il n'y a rien de
tout cela, & q̄ neâtmoins il demeu-
rast plus boueux, vous esguiserez le
mondificatif debile avec le miel: Si
il est plus moite, de portez vous des
medicaments liquides, & chargez
l'ulcere de pouldre dessicative.
Quand vous trouuerez l'ulcere ri-
dé, renfrongné & aride, pour auoir
trop desseiché, en ce cas destrépez
les dessiccatis avec quelque li-
queur. En somme vous iugerez la
qualité du médicament estre rai-
sonnable, si avec iceluy vous auez
repurgé l'ulcere: si le lieu que tient
l'ulcere a tel sentiment, que natu-

re luy a donné: s'il rougist moyennement, n'estant ne trop sec, ne trop humide.

Ores tout lieu qui n'a point de sentiment, ou qui n'a le sien naturel, qui est trop sec ou trop flegmatri, qui est decoloré, blanchastre, terni ou noir, n'est pas modifié suffisamment. Auncunes fois de la boue des vlcères s'engendrent force vers, & lors on les saupoudre d'aloë bruslee. On y applique aussi de l'hellebore blanc incorporé avec le miel: ou de la pouldre de poliot & d'absinthe receue & vnie avec poix: ou des noyaux de pesches broyez avec le ius de poiure d'eau. On met en vsage le plantain desseiché, le fiel de terre, marrhube, calament, porreau. On pile les choses seiches, ou bien de la on en tire le ius. A cela mesme seruent la lexiue,

TRAITTE DE LA MATIERE
l'vrine, les rentes, meches & plu-
maceaux abreueuz de la salive
d'un homme à ieun. On verse de-
dans les vlcères chancreux, la cède
d'une escreuice avec de la pōpho-
lix, ou avec quelque cerot. La semē-
ce de la roquette sauuage destrem-
pee en miel, la létille cuitte en miel,
le miel rosty sus vne tuille, & ab-
breuee de ius de mouelle, les re-
ietrons de l'oliue verdoyante sans
suc, l'escorce de grenade bruslee, le
ius de la ioubarbe, du nombril de
Venus, de la morelle, de l'endine,
laictue, herbe à pulces, & arroche.
Telle matiere se pressoire, apres e-
stre bien broyee en vn mortier de
plomb, & avec vn pilon de plomb.
La pompholix pilee de mesme fa-
çon, doit estre longuemēt pourme-
nee & battue, en l'assouplissant de
quelque ius propre & cōuenable.

Lon baigne en ces suc le Hoc ou plumaceau que ló applique, le rafraischissant plusieurs fois, afin qu'il en retiène la froidure. Mais ces choses discourues appartiennent plus aux accidents des vlcères, entre lesquelles s'en rencontrent quelques mondificatiues. Et pour parler de celles qui seruent à ceste intention.

Les charpies couuertes de miel, mondifiēt. Le miel sec, attaché aux vases ou lon tiēt en reserue le miel, & celuy qui est seiché & rosti sur vne tuille. Le miel rosar, qui encore addonne la chaleur estrangere. La serosité du lait. La terebenthine mistionnee avec miel & huile rosar esgallement. La mesme meslee & vnue avec le beurre, possite aux nerfs il faut les fondre, & les mesler ensemble. La flambe est vtile aux vlcères corrosifs, & chargez

TRAITTE DE LA MATIERE
d'ordure. Le suc de marrhube con-
fit en miel. Le verd-de gris bruslé
& laué. La fiente de cheure brus-
lée & pestrie en vin guarit les vl-
ceres deplorez. La racine de ser-
pentine surmonte les vlceres ma-
lings. On la cueille durât les iours
caniculiers, puis la fait-on seicher
à l'ombre, par apres on la taille en
rouëlles, que lon traaverse d'un fil,
elle se garde ainsi pendue dedans
la maison, en lieu ou le soleil ne
frappe point: quand on s'en veut
seruir, on la met en pouldre, que
lon seme sur les vlceres. Pour l'ap-
pliquer seurement, sans qu'elle soit
trop aigue ou poingnante, lon l'in-
corpore avec miel, ou avec vn ce-
rot. La ceruse artificielle preparée
de ceste racine, mondifie douce-
ment. Le poix tiche, l'orobe, la
febue, l'orge, tous battus & ef-

frouez avec le miel. Le lupin bruslé, conuassé & parsemé, mondifie les vlcères malings des iambes, les incarne & mene à cicatrice. Les cendres de testis, coquilles bruslées, & toutes telles couuertes, cômme de tortues, la cendre de l'herisson, les amêdes, la stœcas, le mouron, l'aristologie, les racines de gétriane & du fouchet, les semences d'ourtie & roquette sauuage, profitent tous à merueille aux vlcères plus humides, chancreux, corrompus & gâgrenez. La racine du char-don de cardeur reduitte en cendre, ou cuitte en vin, iusques à ce qu'elle ayela cōsistence de miel, & reseruee dedans vne boiste. La racine de la morelle, l'escorce, l'herbe, & le ius profitent aux vlcères malings, & corrosifs. Sôme toute q̄les choses nitreuses & ameres, q̄ tout ce qui est

TRAITTE DE LA MATIERE
deterſif & deſiccatif, ſans corroſion
ou adſtriſtiō, vallent à modifier les
vlceres. L'arſenic, & les autres cho-
ſes faiſtes avec le viſ argent, tant
qu'ils retiennent leur acuité, ils ir-
ritent les vlceres, pour le moins ils
reſiſtent à la putrefaction. Si quel-
quefois il aduient que lon ne doy-
ue eſpargner ceux, qui ſont douez
d'aſtriſtion, comme l'alum de plu-
meiny les metaux corroſifs, enſem-
ble reſtriſtifs, comme l'eſcaille d'e-
rain, de fer, d'acier. Car les anciens
ont vſé meſmement d'arſenic, & du
borras. Le yermecillō, cōpoſé de ſou-
phre & de viſ-argē, eſt de la meſlee,
celui q ſe prepare de la ceruſe bruſ-
lee, ou du mache-fer, eſt pl^r doux.
La ſeconde difference eſt appellee
des Grecs Sandix, qui eſt vne ſorte
de ceruſe ayant couleur de ſandara-
che, de laquelle ils baſtiſſēt vn me-
dicament

dicamēt propre & duiſant aux vlceres de lōgue duree, & mal-faiſants.

Prenez vne liure de ſandix, deux liures d'huile douce: mifez les à petit feu, iuſques à ce qu'ils ne tachent plus.

Le verd de gris incorporé avec le cerot, eſt d'une partie à huit, à dix, ou à douze.

Prenez de cire & de terebenthine vne once de chacune, trois ou quatre onces d'huile: faiſtes les fondre enſemble dedans vn double vaſe, puis adiouſtez y trois dragmes de verd de gris. Le verd de gris brulé, & lauë premierement, fait le médicament plus doux: on peut y meſler deux fois autant de terebenthine, que de cire.

Prenez deux liures de terebenthine, vne liure de cire, trois ou quatre onces d'huile roſat, deux

K

TRAITTE DE LA MATIERE
ou trois onces de verd de gris.
Quand les autres matieres sont cuites & fondues, vous iettez le verd de gris par-dessus. Le medicament plus il recoit de verd de gris, plus il desseiche & deterge: & d'autant est il plus propre pour agglutiner, qu'il en a moins. Les Egiptiaques leur ressemblent bien fort.

Prenez vne once de verd de gris, deux onces d'escaille d'erain, huit onces de vinaigre, deux onces de miel: battez les matieres seiches, puis versez y le miel, en cuisant tout iusques à ce qu'il roussisse: il est cōuenable aux vlceres malings. Quand le miel & la terebenthine sont esgaux en poids, le medicament en est plus bening. La cire verde se peut cōpter entre les Egiptiaques, que lon pile & iette sur l'vlcere, ou bien on l'assouplit avec l'huile ro-

fat, puis on l'applique dessus. Le
medicament prochain vaut contre
les vlceres malings.

Prenez vne liure de litharge, fai-
ctes la cuire legierement en vne li-
ure de vinaigre, & en deux liures
d'huile: estant espessis, adioustez y
vne once de verd de gris, & les cui-
sez de rechef si longuement, qu'ils
roussissent. Prenez vne liure de
miel, demie liure de vinaigre, vne
once de verd de gris, demie once
d'alun: cuisez les iusques à espessir,
& qu'ils roussissent. Aucuns bastif-
sants & preparants leurs mondifi-
catifs, tantost ils bruslent le verd de
gris, tantost ils le lauent, autrefois
ils le bruslent & lauent. La iuste
quâtité du verd de gris, est qu'il ne
soit point mordât. Le verd de gris
crud fait les medicaments comme
verts, le cuit les rend iaunastres.

K ij

TRAITTE DE LA MATIERE

Les descriptiōs se treuuent en Galien aux premiers liures de la composition des medicaments en general. Il se fait preparatiō d'un modificatif, avec les farines d'orge, pois ciches, febues, orobes, lupins, moyeux d'œufs, & quelque peu de terebenthine : ou bien, Prenez trois onces de quelque farine qui duise, vne liure de ius d'ache, absinthie, marthube, ou de semblables: neuf onces de miel, & les faictes cuire iusques à ce qu'ils ayēt quelque suffisante espesseur. La farine d'orge bien cuitte en deux parties d'eau, & vne de miel rosat, mondifie, adoucit, & modere la chaleur. Vous pourrez y adiouster vn peu de terebenthine lauee, avec le ius de plantain. Les farines cuittes es ius mentionnez, vallent contre les châcres & fistules. Quand les nerfs

sont greuez de douleur, la terebenthine meslee y profite fort: s'ils s'ont aggressez de pourriture & corruption, il y faut mesler la myrrhe & l'aloë: quand il y a de la chaleur, on doit preferer les farines de febues, & orge: celles de pois ciches, orobes & lupins ont plus de chaleur. Le medicament prochain est tresamiable aux nerfs.

Prenez de resine, miel & terebenthine demie liure de chacun: de myrrhe, sarcocolle, farine de fenegrec, semence de lin vne once de chacune. Estant les matieres fondues, qui le peuuēt estre, on y mesle le residu. Le suivant attire l'apostume, & mondifie.

Prenez demie liure de miel, trois onces de terebēthine, vne once de la farine de fenegrec, demie once de la racine de flambe. Quand la

K iij

TR AITTE DE LA MATIERE
matiere apostumee est trop espesse.

Prenez de galbanom, ammoniac,
resine, terebenthine, suif de taureau,
cire, huile vieille, esgalement de
tous: destrempez les en vinaigre, &
les faiétes fondre à petit feu. La
poudre prochaine mondifie à mer-
ueille, & desecche.

Prenez cinq onces de flambe de
Florence, trois onces de la farine
d'orobe, de mauue, d'encens, & de
chaux lauee trois onces de chacu-
ne, trois onces & demie d'aristolo-
gie: mettez les tous en poudre: elle
mondifie, & ressioude les fistules.

Le medicament prochain mon-
difie les vlceres enuieillis, consu-
me les surcroissances de chair, &
mene à cicatrice.

Prenez d'esclaire, plantain, sca-
bieuse, lybistic, ortie, route-bonne,
vne poingnee de chacune: que vo^r

conquasserez & ferez tremper sept iours de suite en huile : apres lesquels vous les ferez cuire, pressoirerez, puis vous adiousterez à l'expression trois onces de cire, six onces de terebenthine, deux onces de resine, que vous ferez bouillir iusques à ce qu'ils ayent corps. Les ayant leuez du feu, adioustez y de sarcocolle & d'aloë vne once de chacune, d'aristologie longue & de verd de gris deux onces de chacun. On trouue plusieurs & diuerses descriptions de l'onguent des apostres, qui ressemble fort à celuy, que les anciens ont nommé Venus, duquel ils se sont aydez pour attirer, amolir, cōsolider, & l'ont employé es morsures des bestes venimeuses. Encore qu'il soit descript en plusieurs sortes, nous auons suiuy *Ætius* n'y adioustant rien plus, que

TRAITTE DE LA MATIERE
l'encens & la myrrhe.

Prenez vingt cinq onces de litharge, neuf onces d'amoniac, seize onces de colophonie, de verd de gris & de galbanom deux onces de chacun, de bdelliom & opoponax trois onces de chacun, d'aristologie longue ou ronde & d'encens masse six onces de chacun, de myrrhe quatre onces, de cire & huile deux liures de chacun. La litharge se cuit en huile: au milieu de l'ebullition on y iette le verd de gris: les modernes le versent sur la fin de la cuisson, à fin qu'il mondifie mieux: quand il ne tache plus les doigts, on respand par dessus la colophonie mise en poudre. Tout estant lavé du feu, on y iette le reste battu avec le vinaigre: finalement on le pourmene en vn mortier, en les entremellant.

Prenez vne liure de miel cuit, demie once d'encens, deux dragmes de myrrhe. Vous le rendrez plus efficaceux, si vous l'accompagnez d'une dragme de verd de gris, & d'autant de terebenthine.

Vous pouuez recueillir force autres formules au premier liure de la composition des medicaments en general de Galien, au quatriesme & cinquiesme d'Ætius.

*Chap. V I I I. des Sarcotiques
ou regeneratifs de chair.*

A Pres quel'vlcere est suffisamment mondifié, & vuide de toute superfluité: ce que les Grecs nóment Aperistaton, il faut le remplir & cōbler de chair. Tel est celuy qui est deschargé de toute ordu-
re, deséiché raisonnablemēt, n'estât greué d'aucune fluxiō, douleur,

TRAITE DE LA MATIERE
inflammation, dureté, ou intempe-
rature. En somme quand rien ne
luy est suruenue, qui l'empesche d'e-
stre remply. C'est doncques main-
tenant qu'il faut incarner, & faire
nouuelle chair: mais la conuersion
du sang en chair, est œuvre de na-
ture: pource faut luy bailler tant, &
tel sang, qu'elle en puisse reprodui-
re la chair. Touchant la forme &
maniere de viure, il faut la garder
telle que les viandes soient de bon-
ne nourriture, reiettant celles qui
ont quelque acuité. Vous pouuez
luy donner oiseaux, venaison &
chair de porc bouillie. Le vin est
mal-faisant, quand il y a douleur,
ou inflammation, autrement il peut
proffiter, pourueu que vous en dô-
niez peu, & qu'il ne soit si vicil. Le
reste se parachute par les medica-
mēts incarnatifs: ceux qui à la veri-

ré sont tellemēt cōditionnez, fournissent la nature d'une matiere raisonnable, ils sont modérément deterifs, desechēt au premier degré, ou en telle sorte, qu'ils n'eschauffent pas trop. Il est loisible avec permission d'appeller incarnatifs, ceux qui repercutent, temperent, amollissent, corrigent l'intemperature, & ostent en somme toutes les choses qui peuvent diuertir & empêcher l'action de nature. En l'usage des sarcotiques, on doit euitier les restrictifs, deslicatifs excessiue-
mēt, & mordāts avec acuité. Ceux là tarissent l'humidité vtile des par-
ties, & consomment la matiere de la chair: ceux qui sont acres, minent, fondent & aggrandissent les vlc-
res surchargez d'ordure. On doit faire election de la matiere, qui cō-
uiēne à la nature des corps, & par-

TRAITTE DE LA MATIERE
ties. Il ne faut tout incontinent in-
ferer, que ce qui est bon pour rem-
plire l'vlcere de Dion, Valle pour
Socrates. Et ce n'est pas à dire que
ce qui ayde la production de la
chair au gland, la doive produire
tout aussi tost au prepuce. Suppo-
sez que Socrates aye la cuisse vlce-
ree, l'encens, quelque sarcotique
qu'il soit, y suscitera vne putrefa-
ction. La poudre d'aristologie re-
generera la chair: car où l'aristolo-
gie est regeneratiue de chair, l'en-
cens y accueille force bouë. Suppo-
sez derechef que Dion soit plus hu-
mide, que ceux qui sont rempercz:
l'encens luy seruira, & l'aristologie
l'endommagera. L'encens qui fait
naistre la chair en Dion, ne produi-
ra vn tel effect en vn plus humide,
ou en vn plus sec. Sur les parties
plus seiches, il faut appliquer les

plus secs : sur les plus humides , les moins secs. A ceste occasi^on les plus secs sont propres pour le prepuce, & toute la peau qui couvre la verge de l'homme . En sa partie plus charnue, & au gland les moins dessiccatifs sont les meilleurs . Encore la chair veut les moins dessiccatifs. L'œil aussi bien, moins que la narine, & la narine, moins que l'oreille. Le sein plus humide des vlcères se veut traiter avec vn plus dessiccatif: le plus aride avec vn moins. Quand les os sont decouverts, il faut fuir les medicamēts onctueux & gras, en vsant des plus secs quād il faut incarner sur les vlcères des parties hôteuses , pour la plus part trop moites, vous espanchez l'anneh bruslé, la coloquinte seiche, la pompholix lauee, & sa cendre, la pierre hematite, l'escorce de pin,

TRAITTE DE LA MATIERE
vn petit de ceux cy mis en poudre,
& meslé avec vn peu de manne:
ceux qui ne sont moites, se remplis-
sent de chair avec l'aloë, & quelque
portion de manne. Il faut gouver-
ner avec tel respect le fondement,
& les parties de mesme nature. Voi-
la quelle doit estre la limitation
des remedes, en les appropriant à
la nature tant des parties, comme
des vlceres. Le sarcorique trop de-
bile, ou il fait amas d'vne bouë, ou
il engendre vne chair molle. & fle-
strie. Le plus fort desseiche la caue-
nosité, ou il produit vn cal. Souuent
aussi il esueille la douleur, & l'vl-
cere est griasuellement rongé. Bien
souuent on employe la sorte des
sarcoriques qui effectue plusieurs
choises tout à vn coup, dont s'en
ensuit vne plus brieue, & prompte
guarison. L'exemple prochain no-

tiſiera ce que nous diſons: cecy vne fois dit, ſeruirà pour l'vſage des autres medicaments, il agglutine, deſſeiche, mondiſie & incarne.

Prenez trois onces de ſtrobiline, vne once de cire, demie once de verd de gris ratiſſé, deux dragmes d'encens maſle, autant de vinaigre qu'il en faut. Broyez le verd de gris par pluſieurs iours, & l'encens vn iour, puis miſtionnez les avec les autres, qui auront eſté fondus & liqueſiez. Il eſt cõuenable aux gangrenes, vlceres corroſifs, putrefiez & inueterez. On le rēdra pl^o doux, en amolliffant la reſine ſtrobiline avec l'huile roſat, ou prenant de la terebenthine, au lieu de la ſtrobiline. Que ſi vous auez faute de terebenthine vraye, ce qui aduient ſouuent, prenez de la reſine larigne, qui eſt du tout ſemblable à la tere-

TRAITTE DE LA MATIERE
renthine, sinon qu'elle est au goust
plus mordicâte: au sentiment, plus
aigue: & à l'odeur, plus forte. Enco-
re pouuez vous rendre le medica-
ment plus gracieux, en y meslant
quelque cerot, dont la cire soit la-
uee, & le verd de gris broyé lon-
guement avec le vinaigre moins
fort, mais plus vineux: finablement
si vous diminuez la quantité du
verd de gris.

Quand vous ferez en delibera-
tion de consolider & agglutiner.

Prenez esgallement d'encens &
de verd de gris: si vous voulez de-
seicher dauantage, vous y mellerez
quelque peu de litharge ou de quel-
que autre semblable metal. On y
adiousterà, si on vent, quelque peu
des autres qui sont plus violents,
côme des escailles rosties broyees
& bruslees: si la chair est plus las-
che

che & molle: outre les metaux, il faudra que vous vsiez d'huile de myrtilles ou de coings, ou d'huile rosat: s'il y a de la chaleur, aduenant que la chair ne s'auançast que bien peu, pour la faire reuenir, vous incorporerez la sarcocolle avec quelque autre incarnatif. Quand il y a de la dureté, liquefiez les gresles, moelles, ammoniac, & telles matieres: s'il se fait quelque descharge, fondez du ladanom, qui amollit & restraint ensemblement, de l'aloë qui est repercussif, deterisif, resolutif & regeneratif de chair. Voyla comme vous tempererez le medicamēt à plusieurs vsages, que vous desguiserez avec d'autres, en le cōformant, selon que s'en fera la mutatiō, à plusieurs vices, à fin que cependant vous faciez chair nouvelle. Estant l'ulcere obstiné, confide-

TRAITTE DE LA MATIERE
rez que tel y a qui desire les medi-
caments plus gracieux, & tel qu'il
ne peut estre secouru sinon par les
plus forts, & derniers remedes. Les
ulceres malings des parties hôteu-
ses, & du siege, ne scauroient sup-
porter ne les medicamēts acres, ne
la violence du feu: il faut les soula-
ger par les pl^s doux, sur tout la part
que les nerfs sont en veue, comme
sont la glayre d'un œuf, la cadmie
lauée, la ceruse, la pompholix, l'a-
mydon, la manne, la myrhe, la sty-
rax, le jus de la morelle, de la jou-
barbe broyée en un mortier de
plomb, & avec un pilon de plomb;
ou l'huile des alcumistes tirée du
plōb. Le spodion, & l'antispodion
preparez avec les fleurs & feuilles
de l'olurier sauvage. L'ynoire, la
corne de cerf, les noyaux de dattes
bruslez, le bois de figuier, lesueil.

les de lérifques, coingnier, & meur-
the avec les nerfs & tendres veines
de rameaux, meures verdes seichees
au soleil, ou avec les fueilles du
buis, de la ronce, & du terebinthe,
avec les tests & coquilles des ouy-
stres, pourcelaines, pourpres & au-
tres semblables : avec la colle de
taureau, cendres de drapeaux, lyc
bruslee & lauee. On brusle tout ce-
cy en vn pot de terre neuf, mis en
quelques fourneaux iusques à ce
que le pot soit cuit: il les faut fort
demincer & lauer, s'il y a quelque
demeurant de la qualité du feu. Si
vous n'avez volôté de restraindre,
vous les tremperez dedâs le vinaig-
re, & ferez seicher. C'est le meil-
leur de restraindre tout doucement
és fluxions avec le vinaigre, l'oxi-
crat, le vin-miel, l'oximel és putre-
factions. Avec le ius de morelle, ou

TRAITTE DE LA MATIERE
de plantain les vlcres chancieux,
& malings ; cela fait, il faut les de-
seicher. Aussi est-il loisible d'vser de
corail. Le crystal est approuué &
loué aux vlcres & chancres de la
bouche. L'aloé est du nombre des
remedes benigns, pareillement les
suyes d'encens, de terebenthine, &
de myrrhe: celle de styrax & de poix
liquide, est de plus grande efficace:
celle des laines avec le suin, & qui
est recueillie de la fumee du beut-
re, est plus gratieuse: celle qui est
trop mordante, se peut lauer. La
mâne repercure, & sert à beaucoup
plus de choses que l'encens. La co-
lophonie, la poix & resine, principa-
lement seiches, conuiennent aux
corps pl^{us} humides. On couvre les
vlcres des genitoires tãtost de co-
lophonie à part & seule, tãtost mel-
lee avec la poudre subtile d'encens.

la pourriture de bois, prise des arbres qui ont vertu de restraindre & deterger, spécialement la vermonliffure d'ormeaux, modifie & remplit les vlceres humides. Quelquefois on la seme à part, sur les vlceres chironiens, malings & attachez aux extremittez: autrefois la meslant avec quelque cerot. On y entremelle par fois de la farine d'escorces de cappres: elle les mondifie, & deseiche les vlceres malings. Les farines d'orge & fœnegrec, peuuent ayder & secourir les corps plus humides. On rapporte & loge au second rang l'aristologie, la flambe, & tels autres deterfifs, euaporatifs, attractifs. Les farines d'orobe & de lupins. La pierre ponce bruslee sur le charbon ardent, baignee en vin blâc, broyee à part, ou vne sixieme partie de soulfhre, guarit les vlce-

TRAITTE DE LA MATIERE
res chironiens : contre lesquels le
plomb bruslé & laué, est vn tres sin-
gulier remede: comme aussi contre
les vlceres putrides & chancreux.
Quand la bouë est mordicâte, l'vl-
cere rebelle, la partie moite & faci-
le à se pourrir, il faut euitier les cho-
ses acres. L'acuité de plusieurs est
rabbatue, partie par le feu, partie
par le lauage, ou par tous les deux:
ou bien est adoulcie avec le cerot
rosat. Tels sont quelques métaux,
côme l'escaille d'erain, ou d'acier,
la chalcitis, la couperose, lesquels
on ne doit employer qu'ils ne soient
bruslez, lauez, & moderez par d'au-
tres, & encore bien rarement. Si
l'adstriction y est requise, on les la-
ue d'eau de pluye, de riuere, ou
de fontaine. La chrysocolle, qui est
vn recreement congreé d'une pu-
tride veine metallique, est vn reme-

de de grand efficace contre les vlceres de difficile guarison . Celle qui est artificielle preparee & composee de verd de gris , d'alum & de sel, vaut mieux quād les vlceres regorgēt d'humiditē , & sont subiets à fluxion . Entre ceux cy, on fait cōpte de ceux que les Grecs appellēt cephaliques , & catagmatiques : ceux là sont conuenables au test, ceux cy s'appliquent au residu des os froissez & brisez : combien que quelquefois les vns passent pour les autres. Les cephaliques sont pl^s violents que les catagmatiques: ils arrachent les esquilles & parpailotes des os, iettent hors celles qui sont enfoncees . Les vns & les autres sont deterifs, discussifs & desiccatifs . Avec lesquels on melle quelque astringent : mais pendant les grandes chaleurs , il faut les

TRAITTE DE LA MATIERE
broyer si longuement avec le vin-
aigre fort, qu'ils soient reduits en
poudre treslubtile: par ce moyen
vous repercutez ce qui flue, & la
force des deterfifs en penetre mi-
eux. La maniere d'en vser est telle
qu'il s'ensuit. Il faut les respandre
secs sur les os denuez: ce qui se prat-
rique souuent, sur le test iusques au
diploë, moyenne partie de l'os. Car
depuis que les os sont en euidence,
les medicaments onctueux & gras
ne sont point propres. Il faut les
rendre vn peu plus aigus: à fin que
non seulement ils arrachent les es-
quilles, & ratissures d'os, mais aussi
l'humour visqueux. Encore se faut-
il donner garde, que l'os meurtry
& corrompu ne ternisse en quel-
que endroit: car il faudroit le limer
exactement, ou retrancher du tout.
La chair commençant à renaitre,

l'os à se couvrir, il sera besoing de moderer les cephaliques avec vn cerot. Voyla comme vous formerez l'incarnatif, attédu que les choses qui attirent, detergent, euaporent meslees avec vn cerot, ont la vertu de remplir. La quantité du cerot sera determinee, selon la nature du mal, la vertu du corps, & en fin du medicament. Les cephaliques se preparent de flambe de Floréce, farine d'ers, manne, aristologie, de la racine du panax herachien, voire plus tost de l'escorce (l'opoponax a trop de chaleur) de la racine de la couleuree : bref de ceux qui sont deterfifs, & non mordicans : car on y entremesse les aigus, à fin qu'ils tirent hors les ratifures. Le cephalique pchain pousse hors les esquilles, tire les os gastez, & remplit les cautez.

TRAITTE DE LA MATIERE

Prenez de la flambe de Florence,
& du panax demie once de chacun:
d'aristologie ronde, & manne deux
dragmes de chacune: on les pile
subtilement, & passe lon par le ta-
mis, puis on les surseme, ou bien
on les applique, apres estre incor-
porez avec du miel.

Prenez vne once de la farine d'o-
robe rouge, dix dragmes de flam-
be de Florence, de manne, aristolo-
gie rōde, escaille d'erain cinq drag-
mes de chacun: vsez en en poudre,
& l'incorporez avec miel. Aucuns
y adioustent la racine de la coule-
uree, & la preparent autrement.

Prenez de l'escorce de pin, escail-
le d'erain, de la pierre ponce brus-
lee six dragmes de chacun: de la mā-
ne, d'encens, aristologie, flambe de
Florence, resine demie once de cha-
cun: de myrrhe, & aloé deux drag-

mes de chacune: seruez vous en en poudre, ou avec miel.

Atheneus prenoit demie once de noix de galles, au lieu de l'escorce de pin. Vous rapporterez icy plusieurs receptes & formules descriptes au deuxieme & quatrieme liure de la composition des medicaments en general. Plusieurs endommagét à part, qui vnis à d'autres, font reuenir la chair. L'huile seule assemble force superfluitez, pareillement la cire; & le verd de gris rouge & mine: tous les trois mixtionnez sont regeneratifs de chair: encore le sont ils d'auantage, estant accompaignez de quelques sarcotiques. Quand ils sont disposez de telle façon, ils mondifient & réplissent de chair: ainsi que le prochain. Prenez vne liure de cerot rosat, vne once de verd de gris, de

TRAITTE DE LA MATIERE
manne, & d'encens deux onces de
chacun. Prenez de cire & terebē-
thine quatre onces de chacune,
vne once de verd de gris lauē en
vinaigre: si vo' le voulez plus fort,
mettez y en deux onces, & deux
onces d'encens. De mesme façon
avec l'huile, le verd de gris, la resi-
ne, la terebenthine, l'encēs, la man-
ne, & toute telle matiere incarnari-
ue. Vous cōposerez six cens medi-
caments selon l'instruction, & ait
que Galien a baillee, avec lesquels
vous mondifierez, dessecherez, re-
percuterez, & si vous ferez chair
nouuelle. Le suiuant est composé
de trois. Prenez esgalemēt de ci-
re, colophonie & terebenthine. Fai-
ctes les fondre, & apres estre refroi-
dies, vous les plongerez en eau
froide. & les demenerez longuemēt
avec les mains. Il recouure de chair

les os descouverts de la teste, arrache les esquilles, & mene à cicatrice. Il est admirable és fractures des os, en y adioustant du mastich en pareille quâtité. Autre de Iudeus.

Prenez vne liure de colophonie, vne once de mastich, vne once & demie d'huile: les ayant fondus & pestris, vous les appliquerez sur l'ulcere sans charpies: il mōdifie & remplit mieux que tout autre, toutesfois il ne cicatrice pas.

Pour faire heureusement renaitre la chair.

Prenez deux onces de la farine folle du bled, de pois & de colophonie bien battues, vne once de chacune: apres les auoir fait seicher, comblez en le creux.

Autre de Galien. Prenez six dragmes de cire, trois onces d'huile: faites les fondre, iettez dedās d'a-

TRAITTE DE LA MATIERE
ristologie, & de flambe de Floren-
ce vne dragme de chacune, demie
dragme de verd de gris. Autre.

Prenez deux onces de la racine
d'orchanette, quatre onces d'aloë;
mettez les en poudre. La theriaque
môdifie avec grand efficace, incar-
ne & mene à cicatrice. Pour les
vicerres malings des iambes.

Prenez six onces de litharge, de
la gresse de cheureau & d'huile ro-
sit six onces de chacune: faiçtes les
cuire, puis adioustez y six onces de
mastich: apres estre vn peu refroi-
dis, meslez y cinq iaunes d'œufs.

Iusques icy nous auons décrit
les formules des anciens bien ex-
perimentees, venons maintenant
aux remedes des modernes.

L'onguent de Mesue appellé Au-
reom.

Prenez cinq onces de cire, trois

onces de resine, vne liure de terebenthine, vne liure & demie de miel, de mastich, d'encës, sarcocole, myrrhe, aloë, safran trois dragmes de chacun: preparez & composez vostre onguent.

Le medicament obscur de Nicolas, appellé Fuscon, a beaucoup de choses en soy maturatives & remolitiues: semblablement le safrané, nommé Croecon. Le medicament basté de trois, dit Tetrapharmacō, appaise la douleur, meurit le phlegmō, & peut bien accroistre la pourriture, mais il ne la peut desseicher, ou mondifier. Galien reprend en quelque lieu Theffalus, & autres qui vsoiēt de ce Tetrapharmacom, comme s'il eust eu la vertu de desseicher, mondifier & incarner. Actuarius abandonnant la doctrine ancienne, a donné au Tetraphar-

TRAITTE DE LA MATIERE
ma com la faculté d'amollir, meu-
rir, & incerner. Tous vlceres gua-
rissent par le prochain. Prenez de
l'armoise, scabieuse, absinthe, tou-
tebone, seneçon, tamarin, hache,
verueine, piloselle, lancecole, langue
de chié, millefueil, esclaire vne poi-
gnée de chacune: iettez là les raci-
nes, & puis pressoirez toutes ces
herbes, versez dedās le ius deux li-
ures d'axonge vieille, vne liure de
suif de bouc, deux liures d'huile,
trois onces de miel: faites les bouil-
lir moyennemēt: & apres les auoir
pilees en vn mortier, les incorpo-
rez. Medicament de flambe de
Florence, appellé Diaireos.

Prenez demie liure de suif de va-
che, trois onces d'huile rofat, deux
onces de cire, vne once de la racine
de flambe de Florēce, d'encens, sar-
cocale, mastich, aloé, aristologie,
deux

deux dragmes de chacun, trois onces de terebenthine: & formez vostre onguent. Poudre de Rhasis.

Prenez de la manne d'encens, sarcocole, sang de dragon, de la racine de flambe de florence, esgallement de tous. Voila comme vous composerez telles poudres sarcotiques avec le mastich, la farine de fœnegrec, & telles semblables matieres, que vous reduirez en poudre subtile: afin qu'elles ne blessent par leur aspreté & rudesse. Et pource veut la matiere estre pilee en vn mortier, passée par le tamis: ce qui reste à passer, il faut le reuerter dedans le mortier, & le broyer si longuement, qu'il soit reduit en poudre tresmenue, & glissante. Ces remedes sont arides & secs, accommodez aux vlcères plus humides. Les autres s'appliquent seuls & à part dedans le

TRAITTE DE LA MATIERE
creux des vlcères, ou bien on les y
fourre avec vne esprouuette. Il cō-
uient les destremper pour les em-
ployer aux fistules, ou insinuer a-
vec vne syringe: les bouchant &
fermant d'un petit cossinet, mouil-
lé en vin, qui retienne quelque ru-
desse & austerité. En fin que tout
soit lié deucement. En esté il faut les
renouueller deux fois le iour, en
hyuer vne fois, encore plus souuēt,
si il y suruient quelque douleur, in-
flammation, & autre chose sembla-
ble. Aucunes fois, & bien souuent,
il suffit de réplire la cauernosité de
l'ulcere d'un cotton, ou de la boue-
re de drapeau bien blâche & nette.

Chap. IX. des Epulotiques

SI tost que l'ulcere est comblé
de chair, il faut le refermer, par
vne cicatrice. Le médicament e-
pulotique, c'est à dire qui mene à

cicatrice, desseiche, restraint, & sans acuité, de là vient qu'il repercuté, qu'il boit l'humidité de l'ulcere, qu'il reserre la chair, la couurant d'un cuir, ou pour le moins de quelque callosité, qui approche du cuir, & luy reséble. Pource il est nécessaire, qu'il soit pl^r dessiccatif, q̃ ce qui regenere la chair, ou la ressoude. Il en y a vne autre espee, laq̃lle, d'autant qu'elle retranche les superfluités, & surcroissances de chair, est appelée Epulorique, d'une nature aigue & mordante. Ils suradiouster vne troisieme espee, qui a la puissance de desseicher, & non pas de restraindre. Tous ceux-cy représentent avec cicatrice. Les noix de galle verdes, la meurthe, le malicorio, l'escaille d'erain, la chalcitis, le misy, la rouille d'erain bruslee, & lauee, & l'erain bruslé & lané, qui

TRAITTE DE LA MATIERE
est tres excellent. La chair sur-
croissante est minee par les metaux
mordicans, conduite à cicatrice
par les mesmes, que bruslez que la-
uez. Pour les brusler on prend des
pots de terre dure, que lon met sur
vn feu de charbon vis, & pur, on les
brusle là dedans, sont amortis avec
du vin, pilez & broyez en vn mor-
tier, en les arrosant d'eau de pluye,
puis on les seiche, & passe par vn
linge, on les renuerse dedas le mor-
tier, pour les battre d'auantage, afin
qu'il ny demeure rien graveleux, ny
mal uni. Pour les lauer, il faut suy-
ure, ce que Galien & Dioscorides
en montrent, tellement que d'une
mesme matiere, vous osez la chair
superflue, & refermez par vne cica-
trice, soit que les corps soyent deli-
cats, & foibles, soit qu'ils soyent plus
fermes & robustes. La semence de

tortelle, le marc de plomb, l'antimoine s'incorporent avec le cerot de myrtilles. Tel est l'usage des cendres d'herissons, porcelaines, pourpres, ouïstres, granois de la mer, & cailloux, estant bruslez, ils mangent la chair superflue: Ils menent à cicatrice, estât bruslez & lauez. Toutes ces choses acquierent par la lotion autant de douceur, que la ceruse lauee est douce. Quand les parties charnues, & musculenses sont pēdantes & auachies, on les charge fort de poudre de balaustes: encore en sont-elles chargees dauantage, quand il faut oster de la chair: on prêt de la pl^e menue, avec la pointe d'un couteau, quād il faut clore la playe d'une cicatrice. Ayant intention de mener à cicatrice, si le corps est dur, calleux, & n'a que biē peu de sentimēt, il faut vser des pl^s

TRAITTE DE LA MATIERE
violents, pourueu que il n'y ait te-
pletion, ny vice des humeurs. Car
les medicaments qui fondent les
corps plus rares & mols, rament
les plus robustes & durs à cicatrice.
Et les plus aigus, rompus & mode-
rez par le cerot rosat, deuiennent e-
pulotiques, ou estant lauez avec
eau de pluye, ou en vin gros & a-
stringent. Le vin ne soit nouueau,
ny tellementt vieil, qu'il en soit mor-
dicant, ou vscé. Il faut le prendre
modéré en aage & en force. La
myrrhe, la litharge, coquilles, le
diphrigés ont faculté de desse-
cher, non pas de restraindre en tel-
le sorte. Il y a de deux sortes d'epu-
lotiques, les vns secs & arides pul-
uerisez subtilement, Epispastiques,
c'est à dire respādus: Les autres em-
plastiques, ayants la consistance &
fermeté d'éplastres, & pour les ap-

plier, on les couche cōme sur vne cōpresse, ils prēnent corps avec de la cire molle & obeissante, sinon il faudroit l'amollir avec de l'huile de myrtilles, & de coings, ou de lentisques: & y doit auoir vne disieme, ou douzieme partie d'huile. Aussi l'amollit on avec la terebenthine, la resine, la crasse de la laine avec le suin, si les leures de l'ulcere ont quelque tumeur, ou cal. De mesme facon avec la moüelle de cerf & de veau. L'epulotique & cicatrisant demeure plus longuement sur la partie, ne se seiche si tost, ne blesse pour la rudesse & inegalité, ny ne tombe deuant le temps, si que c'est assez de le renouueller de trois iours en trois iours. Les cerots sont cōuenables cōposez d'huilles de roses, de myrtilles, de coings, de terebēthine, de lentisques, de fresne.

M iij

TRAITTE DE LA MATIERE

Les epulotiques s'incorporent beaucoup plustost avec les cerots, si ils sont plus mordicans, & que l'ulcere ne soit si maling. On peut faire vn cerot de l'arigne, & de deux fois autāt de cire. Le spodiom artificiel, qu'ils appellent Antispodiom, est mis au nombre des cicatrisants, & eu esgard à la condition des corps, & des vlcères, il faut rabbatre & reprimer son acuité. Les medicamēts mols, & les remollitifs doyuent estre fuis, principalemēt la gresse de porc, huile, cire, resine, gōme, ammoniac, & autres semblables. Quand les vlcères sont tardifs, & mal-aisés à cicatrifer, Il faut euitier les choses acres & fortes. Le poiure, la mostarde sur tout, quand il y a repletiō ou corruption des humeurs, outre ceux-cy les humectans, cōme l'eau. Si toutes choses deuement admini-

strees, la cicatrice de l'ulcere ne s'avance en rien, si estant ia clos & fermé, il se desbouche & ouvre, estimez qu'il y a quelque reditte, ou de la repletion, ou du vice des humeurs, d'où vient que l'ulcere est tousiours moite. Icy il est besoin d'un médicament purgatif. & là, de la saignée, qui vuide, destourne, & divertisse le cours de la matiere. Aucunefois il y a vice de quantité, & de qualité: & lors il le faut prevenir avec la saignée, & puis avec la purgation. Il faut couper & tarir la varice, si la matiere s'escoule de là: Et aduenant que la superfluité ayt sa source du foye, de la ratte, de la teste, ou autre partie du corps, vous pouruoyrez à la partie, en lui appliquant le remede, qui luy est necessaire. Quelquefois quand les parties voisines sont corrompues, il

TRAITTE DE LA MATIÈRE
faut les retrencher, couppant les
lebures calleuses: ainsi vous rame-
nerez la partie malade en son inte-
grité premiere: si l'os qui est au-
deffous, est en quelque endroit
gâgrené, pourri, & vermoulu, vous
le ratisserez, ou bruslerez avec le
cautere: si quelques esquilles sont
de demourant, vous les tirerez de
bonne heure. Somme toute que
vous osterez ce qui arreste & retar-
ge la cicatrice, renouvelle l'ulcere.
La litharge broyée à part se sème
sur les parties escachees. La mesme
pilee, & lauee en vin, & puis sei-
chee. Vne lame & platine de plomb
subtile. Le plomb mesme bruslé &
laué, est vn singulier remede contre
les châcres. La cadmie bruslee, bat-
tue par plusieurs iours avec vinaig-
re, ou vin paillé, ou vin blâc quelq
peu rude, cõble l'ulcere, & le ferme

d'une cicatrice. Le ladanom mol & fres destrempé en vin, ou assoupli avec la salive mene à cicatrice, & de bonne grace. La ceruse, la pompholix, la chaux lauee, le bol d'armenie, la terre seellée, & les semblables tout tāt qu'il en y a de dessiccatifs, restrictifs, & sans corrosion.

D'entre les medicamens composez Galien a preferé, celui qui reçoit la cadmie, & celui qui est fait du ladanom. Et attendu que ils en y a plusieurs preparez de diuerse façon, nous en descrirōs vn bien petit nōbre de ceux, qui se dressent plus facilement. Prenez de cadmie, litharge, ceruse vne once de chacune: quatre onces de cire: trois onces de cerot rosat. Prenez de ceruse & cadmie quatre onces de chacune: de cire & du cerot de myrtilles six onces de chacun. Prenez trois onces de plōb

TRAITTE DE LA MATIERE
brulé: de cadmie, & d'erain bruslee
deux onces de chacū, de colophonie,
d'huile de myrtilles deux liures de
chacune: autant de vin, qu'il en sera
besoing, du meilleur, & du plus sa-
uoureux. La cadmie se pile au soleil
avec le vinaigre, par plusieurs iours
ou avec vin conuenable. Que si l'e-
rain est laué, aussi biē que brulé, le
medicamēt composé de cadmie en
vaut mieux. Celuy qui est préparé
de ladanom, sert contre les vlcères
enflez, incarne, & mene à cicatrice.

Prenez vne liure demie once de
poix seiche: trois onces de verd de
gris: deux onces d'erain brulé:
deux onces & demie d'escaille rou-
ge: neux onces de ladanom: trois li-
ures de litharge: d'huile & de bon
vin deux liures & demie de chacun:
vous cuisez la litharge en huile, au
milieu de la cuisson, vous y reuer-

serrez les autres metaux, & les pour-
menez avec vne baguette, iusques
à ce qu'ils ne gastét plus les doigts:
puis vous y mettez la poix. Côme
ils seront refroidis à demy, vous in-
corporez le ladanom broyé en vin,
vous preparerez tout dedàs le mor-
tier. C'est pour le mieux que de biē
& longuemēt cuire ce medicamēt,
comme tous les autres: afin qu'ils
desseichent sans poindre. On l'ap-
plique sur vne compresse, que lon
lie, & tiēt on sans la releuer, iusques
au quatrieme iour.

Vous auez force autres formules
au quatieme de la Composit. des
medicaments en general. Les pro-
chains sont epulouiques aussi bien.

Prenez du verd-de gris, de l'erain
bruslé demie once de chacun, deux
dragmes d'alum: six dragmes de ci-
re: c'est pour le mieux que le verd

TRAITTE DE LA MATIERE
de gris soit brulé. Les metaux
s'incorporent avec la cire ramol-
lie au feu ou avec le cerot d'une de-
mie once de l'aigne, & d'une once
de cire: sinon avec le cerot de myr-
tilles, & le cerot rosat. Prenez des-
caille & de verd de gris une once de
chacun: six onces de cire grasse: de-
mie once de farine. Estant la cire &
resine fondues, vous meslez parmy
les autres matieres battues, vous
les appliquez sur vn placart pro-
portionné à l'estendue de l'ulcere.
Pour obuier à l'inflammation, il
faut reparer les parties voisines
de trois iours en trois iours, & de
quatre en quatre: il faut leuer le me-
dicament, bassiner la place avec vin
rude, & renouveler le placart.
Toutes ces choses sont cōtinues,
iusques à ce que l'ulcere cōmence
se resfermer, & repredre par une ci-

catrice. Au lieu de la resine, on prêt
la crasse des laines avec le suin, ou
quelque mouelle, si quelque dure-
té s'y rencontre. Ces choses cy sôt
de grande efficace, & font demon-
stration de leur valeur, contre les
vlceres malings. Autre. Prenez de
ceruse & litharge vne liure de cha-
cune: deux liures d'huile de myrtil
les, demie liure de cire: trois onces
de terebenthine: vne once d'alum:
demie once de poiure, ou vn peu
moins: il sera plus doux, en y adiou-
stât vne once & demie d'encens. La
preparatiô du prochain est facile, &
si est merueilleux. Prenez demie on-
ce d'alum: baignez la en neuf onces
de vin & eaue de pluye, ou en l'eau
croupie dedans ces creux de ches-
nes: vous y trempez vn linge vsé
& net, apres qu'il aura esté seiché
au soleil, on le ratisse & met lon

TRAITTE DE LA MATIERE
en charpies, lon en fourre dedans
les vlceres inueterez du siege. Le
vin est meilleur que l'eau. Autre,
en la description duquel, les anciés
& modernes sont d'accord. Char-
gez la partie blessée d'un drapeau
mouillé en vin, ou eau, telle que
nous auons declaree, & legieremēt
espraint, appliquez par dessus vne
platine de plomb bien subtile, &
la liez.

Prenez deux dragmes de ceruse,
de galles, myrtilles, & marc de plōb
vne dragme de chacun: reduisez
les en poudre. Cōtre les brulures.

Prenez de la litharge, ceruse, or-
gerosti vne once de chacun: trois
onces de cire: hoiēt onces d'huile
rosat: ou d'huile de myrtilles:
broyez les metaux avec du vin,
fondez la cire en huile, espanchez
y l'orge criblé. Faiētes tout cuire,
puis

puis passez & coulez le : cela fait
vous le preparerez en vn mortier.

Autre. Prenez de la litharge &
ceruse vne liure de chacune: cui-
sez les en deux liures d'huile blan-
che: en demie liure d'eauue trespu-
re, iusques à l'entiere euapora-
tion de l'eauue, que le medicament
ait vne consistance pure, & avec
vn feu cler. Tout estant fondu ad-
ioustez-y deux ou trois onces de
terebenthine, ou plustost de lari-
gne: si les vlceres sont malings,
quatre ou six onces de cire blan-
che: en augmentant la quantité de
la resine, il faut augmenter la cire.
Après que toutes ces choses seront
incorporees avec les autres, adiou-
stez-y demie once d'encés: de pom-
pholix, cadmie, ouistres, vne once
de chacun: il faut lauer en eau dou-
ce les derniers, après auoir esté pre-

TRAITTE DE LA MATIERE
mieremēt bruslez & reduits en cē-
dre, au temps de l'application sur
les vlcères, desquels la matiere bou-
euse est mordicante, ou bien doiuent
estre lauez en eue de mer, ou en vi-
naigre. Quand les leures des vlcē-
res sont dures, & enflées, à faue
d'eue marine liquefiez en eue cō-
mune deux fois moins de sel. Que
si il y a grande descharge de matie-
re, vous les lauez commodemēt
en vin blanc cleret, ayant quelque
legiere astringtion. La chaux lauee
sept fois se destrempe en huile-ro-
sat, ou en eue, pendant les grandes
chaleurs de l'esté, alors vous la re-
muez de fois à autre, battez, & la-
uez. En fin quād elle aura esté com-
petemment lauee & broyee, qu'elle
sera desseichee, l'ayants pestrie avec
huile rosat, vous l'appliquerez: elle
referme avec cicatrice, guarit les vl-

ceres malins des nerfs, & les bruſſures. Nous deuons pareillement priſer & approuuer les remedes des modernes. Prenez vne once de ceruſe: demie once de litharge: vne liure d'huile roſat: vne once & demie d'eau roſe. Il faut battre les metaux avec vn bon gros pilon, & rudement: en ce faiſant vous y verſez de coup à autre les medicamens liquides. Longuent deſſiccatif rouge, le blanc Rhaiſis. Prenez vne liure d'huile roſat: deux onces de cire: vne once de ceruſe: vne dragme de cāphre: trois glayres d'œufs: vous le ferez meilleur, en le preparant avec ſix dragmes de litharge. Autre.

Prenez de balauſtes, ſang de dragon, cadmie d'argent, erain bruſſé, & laué eſgallement d'vn chacun: & reduiſez les en poudre.

Ils adiouiſtent les ſantans, le nenu-

TRAITTE DE LA MATIERE
fur, le petit plantain, & les roses.
Quind il y a de la chaleur, les deux
especes de plantain broyees avec
leurs racines, menent à cicatrice.
L'éplastre blanc de la ceruse, est peu
different à celuy de Galien.

Prenez quatre onces de cire: vne
liure & demie d'huile rosat: trois
onces de terebenthine: deux onces
de ceruse: vne once de litharge: d'e-
cens, alum, cendre de coquilles
bruslées, demie once de chacun: la
cire, l'huile & la terebenthine se
fondent ensemble: & après estre li-
quefié, vous y mesiez le reste en
les pourmenant, & broiant dedans
vn mortier, vous les incorporez.
Celuy d'Actuarius est tel.

Prenez vne liure & demie de li-
tharge: quatre liures de ceruse: sept
liures de cire blanche: autāt d'huile
de myrtilles, qu'il en est besoing:

la litharge se cuit avec l'huile, puis
 lon y mesle la ceruse, & la cire. Le
 nutritom de Rhasis, & d'Auincen-
 nas. On broye la litharge subti-
 lement : on la pourmene longue-
 ment avec le vinaigre, ou eaue rose
 dedans vn mortier de plomb, com-
 me il plaist à quelques vns, & tant
 que le tout s'espeffisse, & s'entie
 comme vn leuain. Aucuns adiou-
 stent à vne partie de litharge pre-
 parée, vne sisième partie d'erain, ou
 de plomb bruslé: ou autant d'alum,
 de balaustes, de garence, de sang de
 dragon, de cadmie d'argent, qui est
 vn remede singulier : contre les vi-
 ces malings & rebelles. Si les vlce-
 res sont chancreux, on y mesle de
 la ceruse, que lon bat en vn mor-
 tier de plomb, & avec vn pilon de
 mesme matiere. La ceruse prise
 seule & à part, guarit les coup-

TRAITTE DE LA MATIERE
pures: assouplie en vin & pilee pro-
fite aux vlcres plus humides: lauee
en eau rose elle repercute, mene
à cicatrice, modere la chaleur: mi-
stionnee avec le beurre, elle amol-
lit, meurit, & referme avec cicatri-
ce. On peut s'ayder de l'emplastre
dessiccatif rouge, & autres. Nous
amenons en vñage les epulotiques,
quand l'ulcere n'est pas du tout
remply, ny comble. Celsus les
couure d'une charpie trempée en
eau & esprainte: il l'applique sei-
che, quand l'ulcere est à fleur du cuir:
Et ne sera que bien fait de mouil-
ler l'alum en eau, & si le voulant
appliquer sec, il a esté premieremēt
mouillé, puis desseiché. Il ne faut
rien plus, quand l'ulcere n'est pas
maling. En ceux qui ont quelque
malingnité, il faut nettoyer le creux
tout doucement avec vn drapeau,

puis vous le chargerez d'un eupulotique, qui desseiche fort: si quelque dureré se rencótre, vous la surchargerez d'un placart qui appetisse les bords & leures de l'ulcere, & vous le couvrez d'un linge de largeur & grandeur esgalle, couchants encore par dessus un coussinet mouillé en eaue & pressoiré, ou bien le tremperez en vin, l'entretenant en frescheur, en espachant de l'eaue par dessus de fois à autre: pour la derniere main vous le lierez de bonne façon, le relevant le premier troisieme iour d'apres. Icy vous nettoyez la bone, que l'ulcere rend, avec un drapelet sec, deslié, & net, puis vous renouvellerez tout comme deuant.

Les modernes bassinent & estuent l'ulcere de vin chaud, dedans lequel ils auront fait bouil-

TRAITTE DE LA MATIERE
lir des balaustes, ou autres re-
les marietes, sinon d'eau, en la-
quelle de l'alum aura esté mis en
infusion. Si il y a aucune chaleur
effuyent & reçoivent l'humidité
avec vne laine molle, appliquent le
medicament, iettent par dessus vne
estouppade, baignee en vin, ou en
eau, ils lient le tout de bandes ag-
glutinatives. Galien deffend l'usa-
ge de l'eau, & ne faut pas qu'elle
touche l'ulcere descouvert. Force
autres epulotiques sont descrits au
premier, second, quatrieme de la
Compos. des medicam. en general,
& au quatorzieme d'Aëtius.

Chap. X. des Consolidans.

PAR aduventure que nous auôs
différé, à tenir propos des con-
solidans plus long temps que la ma-

tiere ne le requeroit: la suite des reme-
 des nous y a contrainsts, & ne
 s'est présenté endroit plus commo-
 de que cestuy-cy. Les noms que les
 Grecs leurs donnēt Colletica, sym-
 phytica, traumatica, ne signifient
 que collants, cōioingnants, & vul-
 neraires, c'est à dire seruants à refer-
 mer les playes. Aucuns les appellēt
 Enema, comme qui diroit sangui-
 naires, qui s'appliquent particulie-
 mēt sur les playes saigneuses. Tous
 ceux-cy desseichēt au deuxieme de-
 gré, & sont metoiēs entre ceux qui
 menent à cicatrice, & ceux qui re-
 produisent la chair. Ils ne sont pas
 deterifs, mais reserrent, & engardēt
 que quelque matiere ne se deschar-
 ge sur les bords des vlceres. Et ne
 sont pas employez es playes seule-
 mēt qui saignent encore, mais aussi
 es vlceres cauerneux, malins & en-

TRAITTE DE LA MATIERE
vieillis. On a bien plustost sentimēt
de leur ayde, si la nature des parties
est en sō entier, si il s'y diuertit & es-
goutte peu de sang & bon, si le cuir
n'est rasé, ne retrenché, mais ou en-
tier, ou pour le moins qu'il tienne
quelque peu. Car il y a quelque a-
mitié entre le cuir, & la chair de des-
sous, tellement que où le cuir est
entieremēt tōbé, la guarison en est
plus mal-aisée, & biē plus facile, ou
elle est demeuree entiere. C'est vn
merueille que le cuir coupé, & ra-
dobbé en son lieu naturel, se reprē-
ne, & qu'il reuiue, estant comme
mort, que meurtri de coups, il re-
couure sa couleur viue, aux vieil-
les personnes comme aux ieunes.
Il faut doncque auoir singuliere-
ment esgard au cuir, non seule-
ment pource que l'ulcere s'en con-
solide, & resferme plus prompte-

ment, mais à raison q̄ par le moyen de son entremise, il est secouru de plusieurs medicamens, que la chair nue n'endureroit iamais. L'ulcere nud est agacé par l'attouchement d'un linge, laine ou esponge: fait amas d'ordures, par l'application des remedes lenitifs: est rengregé, par les modificateifs: Il est aydé & soulagé de tous, estant remparé de son cuir naturel. Et pource s'il est rasé, ou pendant, reduisez-le en son lieu, coulant & glissant la main doucemēt par dessus. Car en ce faisant, il se consolidera plus soudainement quant & quant l'ulcere. Les leures aussi sont considerables, attendu que les vnes sont reserrees, les autres renuersees, pour la plus part beantes.

Il faut quand le bandaige estroit est hors de saison, que la ligatu-

TRAITTE DE LA MATIERE
re relaschee sur l'vlcere, venant
delà en auant sur la partie sai-
ne, soit plus estroittement serree.
Quand il faut ramasser les leures
beantes & departies, il faut com-
mencer la ligature aux parties sai-
nes, & plus on approche des leures
de l'vlcere, plus il la faut pressee-
ment serrer, ayant toutes fois es-
gard, que en contraingnant outre
mesure, vous ne pressiez trop, &
suscitez quelque douleur en la par-
tie. Si l'une des leures est seulement
renuersee, vous retirerez le linge
de ce costé là, & comme en tirant,
le retournerez sur l'autre partie. Si
l'une & l'autre est renuersee, la li-
gature à deux chefs est necessaire:
mais on eschange les remedes, se-
lon que les vlceres le requierent.
Quand l'vlcere est petit, & fresche-
ment fait, vne bandelette liee à.

l'entour est suffisante, sinon qu'y voyez du danger, à raison du vice & depravation des humeurs, plénitude, & sentiment aigu des parties. Car icy pour vne piqueure d'esguilles'en ensuyuent douleur, inflammation, syncope, & conuulsion iusques au mourir. Tout aussi tost il faut abandonner les cōsolidās, & recourir aux lenitifs. Quand la playe est plus grande, ayez recours aux remedes plus exquis, à la ligature, cousture, hattes, & medecinement. Icy on doit rapporter ces mors de grand & petit, à la section, non pas comme les anciens, qui appellent la playe notable, en consideration du lieu, & grande, pour le danger. Voulant consolider il est besoin de discerner la complexion, & nature des corps: pource que en l'un, l'ulcere se cōsolide à peint, en

TRAITTE DE LA MATIERE
vn autre aiseement.

Et la difficulté suruient presque
tousiours des choses qu'auôs trait-
tees au chapitre prochain, apparte-
nantes à l'vlcere rebelle & opinia-
stre. En premier lieu si la playe est
saigneuse, pourueu qu'elle ne soit
profonde, & soit sans flux de sang,
il faut l'essuyer d'une esponge, d'un
ne laine avec le suin, ou d'un lin-
ge doux & usé: il faut deuant tout
les tremper en eau esprainte, &
s'en seruir ainsi accoustrez. Que
si la playe est profonde, si le sang
sort avec impetuosité, il faut user
de vinaigre au lieu d'eau froide
pour liquesier le sang figé, & sup-
primer le flux. Le vinaigre peut en-
dommager les nerfs, & pour autant
vous lierez vn petit linge, au bout
d'une esprouette, que vous trem-
perez, ou mouillerez en vin cuit,

ou vin-miel. Quand il sera temps de consolider les vlceres pleins de retraittes & clapiers, le vin & le vin-miel, vous y serviront. Apres que toute la sanie est torchee, que les leures n'ont rien entre-deux, ne poil, ne sang figé, ne huile, ne plume, ny autre chose semblable, reste à coller & ioindre costez contre costez, leures contre leures. Nous supposons quel'ulcere n'est greué, ou molesté ne de douleur, ne d'inflammation, ny d'aucun autre vice, & qu'entre les costez il y a de chair, iustement, ce qu'il y en faut. Quand les playes sont droittes, l'approche des leures en est plus facile, principalement si le corps est mol. Quand elles se baiseronr, vous les retiendrez avec bandes à double chef, sinon avec simples, en les secondant quelques fois, &

TRAICTE DE LA MATIERE
affermissant d'une cousture, ou
avec hattes. Quand les playes
sont trauesheres, les bords sont pl^y
esloingnez: & pource il est besoin
de cousture, & de crochets. Quand
les playes sont grandes & creues,
les ligatures à double-chef y sont
nécessaires, comme pareillement
aux playes larges, & profondes. Ne
les vnes, ne les autres, ne doyuent
se consolider si treshastinement, &
si il est bon que les bandes ayent es-
té baignees en vingros & rude,
qui est le meilleur pour toutes au-
tres playes: pource qu'il preserue
d'inflammation, & restraint: avec
lequel vous pouuez faire bouillir
quelque astringent simple. Mais
le moyen que vous garderez, que
ne reserriez si fort, qu'à ceste oc-
casion la douleur y suruienne.

La cousture duist en vne partie
molle,

molle, au bout de l'oreille, en l'extrémité du nez, au front, en la bouche, au pericrane, paupieres, cuir du gosier, ventres & membranes, qui ne sont pas tendons. Le prepuce se coust, & accroche cōme toute partie charnue, quand la playe est trop ouverte: & les bords s'accollent difficilement: mais nous en parlerons en vn autre lieu plus au long.

La matiere particuliere veut estre maniee avec discretiō du sexe, de la mollesse ou dureté du corps, de la nouveauté, antiquité, petitesse, ou grandeur de l'ulcere, ayants telle consideration pour le fait des bādes, coustures, & happees. L'hible, fuseau, consolide, lyderitis, escorce de la palme, plantain, fraiser, equisetom, ou queue de cheval, les fauilles nouvelles de pin, sapin, ser-

TRAITTE DE LA MATIERE
pentaire, le mourron, faux, andro-
semō espece de mille-pertuis, astra-
gale, toille d'araigne, folle farine at-
tachée aux parois des moulins, vne
esponge, l'aine avec le suin, quel-
que plumaceau pressoire en eaue,
vin, ou telle autre liqueur restricti-
ue, fromage frés, ou fait de lait ai-
gre, le pastel mesmement consoli-
de, & reioint les nerfs trenchez à la
fin des muscles, il reunit les corps
plus durs. Semblablement la quin-
tesueille incorporee avec le miel, &
broyee soulage les nerfs, les aux
rostis & pilez: aussi bien la myrrhe
est conuenable & vtile és playes de
la teste. La sarcocole, toutes les
gômes & resines, qui ne sont point
mordicantes, & peu deterfiue. La
poix plus seiche qu'humide, l'orge
brulé, l'aloë mollifiée & battue en
eaue, le ius & feuilles de l'herbe ap-

portee d'Inde, & appelée par ceux
 du pays, Zambana. L'aloë com-
 mune c'est celle qui se tient en vi-
 gueur, & dure par plusieurs mois
 pendue au plancher des maisons,
 & recommandee pour la verdure.
 Ce remede est approuué, & connu
 des nautonniers. Entre les conso-
 lidans que nous auons en main,
 l'Attractyle a le premier honneur,
 les sommitez de laquelle se cuisent
 en vin rude, ou oxycrat. Lon re-
 cueille dedans vne coquille ce qui
 nage par dessus. L'escorce d'orme,
 liee sur la playe, mesmemēt les fueil-
 les, cōsolide & profite de telle for-
 te es parties bruslees, qu'elles se
 reunissent sans apparence de cic-
 trice. L'eau qui est enfermee de-
 dans les fueilles de l'orme bien el-
 mondees des vermines, que lon y
 rencontre quelquefois, mondifie,

TRAITTE DE LA MATIERE
incarne, referme avec cicatrice, &
consolide. Il y en entre à ces fins
dedans les baumes artificiels. Les
Princes vsent d'un baume pre-
cieux & rare, pour refermer & cō-
solider les playes. Aucuns reçoivent
en vne folle l'eau que la vigne
pleure au printemps, apres qu'elle
a esté taillee, l'exposent au soleil &
à l'air, l'ayant bien estouppee & fer-
mee tant que dure l'an, reculee de
toutes iniures du temps, puis la
tournent souuēt aux rais du soleil.
En fin là dedans se congree vne
matiere semblable au miel, ayant
vertu & efficace de baume. Les
suiuants sont de plus grand effet.
Le cormier, messier, poyrier sau-
uage, le chesne, toutes choses surs
& verdes: il faut les broyer quel-
quesfois, arroser de vin astringent,
& les lier en cest appareil. Ils ad-

ioustant le bol d'Armenie, la terre
seellée, & autres semblables. Les
suivants sont composez.

Prenez trois onces du cerot de
myrtilles, vne once de ceruse: il cō-
solide les vlceres inueterez. L'aloé
seiche se cuit avec vin-miel, puis
par dessus on applique la charpie
trempée là dedans: elle reioint les
playes de la teste. Galien faisoit vn
appareil de medicaments pour les
subiets plus delicats, composé de
litharge, huile & vinaigre, huile
& vin: pour les plus durs & robu-
stes, de bitume, verd de gris, escail-
le d'erain, aloé & myrrhe quatre
onces, de litharge, d'huile & vinai-
gre huit onces de chacun, ou quel-
que peu plus, à fin qu'il cuise plus
longuement. L'escume d'argēt cuit
mieux en l'huile & vinaigre: tou-
tesfois il est necessaire de la pour-

TRAITTE DE LA MATIERE
mener long temps en vn mortier,
& la faire cuire vn iour tout entier
en beau feu & clair, & en temps se-
rein: celuy qui est bié cuit, & dene-
ment incorporé, deuient noir, & ne
differe gueres de celuy, que nous
appellons noir. Il est plus fort &
puissant, fait en huile vieille & vin
aigre, deslié, subtil, cleret, & tresfort.
Il consolide les fistules qui sont
sans cal, les plus grâdes & plus pe-
tites playes saigneuses, sinueuses,
de difficile guarison, & les paroti-
des. Celuy qui est préparé avec
l'huile & vin, referme les saigneu-
ses. On bat l'espace de quinze
iours vne demie liure de litharge,
avec vne demie ou liure entiere de
vin paillé, subtil, deslié, odoriferant:
puis vous y versez vne liure d'huil-
le, cuisez la comme deuant. Le me-
dicament fait de chalcitis, reioint

les fistules & grâdes playes, les cou-
ure d'une cicatrice.

Prenez deux liures d'axôge vieil-
le despouillee de ses fibres, & sans
sel, d'huile vieille & de litharge
trois liures de chacune, six onces
de chalcitis: preparez la selon les
reigles de l'art, si vous n'avez une
spatule de palme, vous le remuerez
avec une baguette de saux, plus tost
qu'avec une racine de roscou, com-
bien qu'elle soit merueilleusement
deterfiue. Côtre les vlceres grâds,
de longue duree, & de difficile re-
prise. Prenez cinq onces du ius
des fueilles de lys, de miel & de vin
aigre une once de chacun: cuisez
tout iusques à ce qu'il s'espeffisse,
il consolide à merueille. Les chairs
de tortues broyees avec l'encens &
la myrrhe, reunissent les playes des
nerfs, & les autres aussi. Le medi-

O iij

TRAITE DE LA MATIERE
cament qui s'ensuit est singulier
contre les playes saigneuses, meur-
trissures, & coupures en quelque
partie du corps que ce soit, contre
les roingnes, lepre, tache, escars.

Prenez d'attractyle tiree avec la
racine, & puis seichee à l'ombre, en
fin battue, & d'huile douces qua-
tre onces de chacune, vne liure &
demie de colophonie, deux onces
de verd de gris, huit onces de cire:
faictes fondre tout ce qui le peut
estre: ainsi coulé & passé, meslez y le
verd de gris en premier lieu, puis
l'attractyle: cela fait, renuersez tout
en eue froide, pour menez le lon-
guement avec la main: & l'ayant
laissé reposer toute vne nuit en
l'eue, vous le tiendrez en reserue.

Le medicament barbare de Ga-
lien est tel. Prenez de cire, poix resi-
ne, bitume & encens sept onces de

chacun, d'ammoniac & de manne
trois onces de chacun, vne once &
demie deceruse, deux onces. & deux
dragmes d'huile, dix huit onces de
vinaigre. Autre pour les playes
saigneuses.

Prenez douze deniers de verd de
gris, vingt deniers de litharge, d'a-
lum, de poix seiche, de resine de
pin, vn denier de chacun, de vinai-
gre & d'huile neuf onc. de chacun.
(Le denier respond à la dragme.)

Voyez en plusieurs autres, au pre-
mier & second de la composition
des medicamēts en general. Il faut
maintenant ramenteuoir, & repre-
senter les remedes des modernes.
La poudre rouge faicte de sang de
dragon, & de deux fois, ou vne fois
& demie autant d'encens. Les au-
tres y mellēt de la chaux, bol d'Ar-
menie, & santaux. Quelques vns la

TRAITTE DE LA MATIERE
preparent de cette sorte. Prenez
de la consolide grande & du bol
d'Armenie vne once de chacun,
trois onces de poix gregoise, de
mastich & d'encens masse demie
once de chacun, de sang de dragon
& de mommie deux dragmes de
chacun: on respand les poudres sur
les sutures, ou elles s'appliquent a-
uec cerots. Le sang de dragon con-
solide en beaucoup de sortes. Au-
cuns incorporēt l'encens, mastich,
bol d'armenie avec le sang de bouc
tué au mois d'Aoust. D'autres le
preparēt de la mesme matiere d'v-
ne autre façon. Quelques vns pi-
lent le bol d'Armenie, & l'abbreu-
uent de force sang de bouc, & for-
ce ius de cormes. En tout cecy gar-
dez bien de restraindre par trop: &
si vous en auez peur, vous les mo-
difierez avec quelques cerots.

Plinius & Solinus croient que le sang de dragon soit celuy, qui est amassé & recueilly d'un dragon es- caché par un elephant, qui tombe après qu'il est blessé. Aëtius a opi- nion qu'il se face du ius d'une her- be apportée d'Inde, nommée Dra- contea. Nostre serpentine a vertu de consolider & agglutiner.

Prenez du plantain, des deux cō- solides, de betoine, verueine, pim- pinelle, piloselle, millefeuille, lan- gue de chien, queue de cheval, une poingnee de chacune: après estre conquassées, faictes les cuire en trois liures de suif de belier, vous les passerez & coulerez: puis vous y adiousterez de resine, cire, & gal- banom trois quarterons de cha- cun: un quarteron de sarcocole, un quarteron & demy de terebenthine. Vous ferez fondre le tout en-

TRAITTE DE LA MATIERE
semble, & l'incorporerez. Prenez
six poingnees de fiel de terre, faites
les tremper vne nuit entiere en bon
vin blanc, cuisez les le lendemain
avec le vin iusques à la moitié, cou-
lez cette moitié, & derechef faiçtes
la cuire iusques à l'espeſſeur du
miel, vous la garderez telle, puis
quand vous en voudrez vſer.

Prenez vne liure de terebenthine,
vn quarteron de cire neuue, de
reſine, encens, gomme arabique &
maſtich vne once de chacun, trois
onces du ius mentionné, deux on-
ces de laiçt de femme, ſoit fait em-
plaſtre. Prenez de la betoine &
du fiel de terre deux poingnees de
chacune: faiçtes les cuire & paſſer
comme deuant: adiouſtez à ce ius
vn quarteron de reſine, demie liure
de terebenthine, vne once de ſarco-
cole, deux onces de cire: quād tout

sera fondu, & qu'il bouillira, versez y de fois à autre quelque goutte de vinaigre: & apres estre refroidy, tournez le entre vos mains avec le laiët de femme.

Prenez de cire blanche & resine vn quarteró de chacune, deux onces d'huile, vne once de terebentine lauee, d'encens & mastich demie once de chacú: soit fait onguët.

Prenez de la pimpinelle, becoine, melangiane, ou en son lieu du telephiom, ou bien de la grande ioubarbe, de verueine, pain d'oiseau, voire plus tost de la petite ioubarbe vne poingnee de chacune: cuisez les en vin comme deuât, iusques à ce que deux portions soient consumees: coulez & cuisez derechef le ius coulé: adioustez y vne cliure de resine, demie liure de cire blanche, deux onces de mastich.

TRAITTE DE LA MATIERE
Estant le tout refroidy, pestrissez le
comme deuât avec le laiët de fem-
me. Autre. Prenez vne liure d'huile
de bedegaar, c'est à dire espine blâ-
che, vn quarteron de cire, demie
once de la semence de roses blan-
ches, soit fait onguent.

L'huile de bedegaar se fait avec
les sommitez de bedegaar: ou en
son defaut des sommitez de l'atra-
style, cuittes en huile & vin noir,
iufques à l'euaporation entiere du
vin. La semence de roses, est ce qui
chet quand on secoue la reste de la
rose, apres que lon a osté les fueil-
les, & le iaune entremis.

Prenez de l'esclaire, pain de co-
cu, leuistic, ormin, scabieuse vne
poingnee de chacune, vne liure
suif de belier, demie liure d'huile,
de cire, mastich, encens, aloë, verd
de gris vne once de chacun. Le me-

dicament fait avec vers vaut à cō-
solider les parties nerueuses.

Prenez des deux consolides, de la
langue de chien, des deux plâtains
vne poingnee de chacun, demie li-
ure de vers de terre: broyez & bat-
tez tout, & faictes le tremper durāt
sept iours en vne liure & demie
d'huile: vous le cuirez legieremēt,
& le coulerez. En l'expression du
ius meslez y vne liure de suif de be-
lier repurgé & esmondé: demie li-
ure de poix nauale, vn quarteron
de poix gregoise, d'ammoniac, gal-
banom, opoponax, terebenthine
vne once de chacune, d'encens &
mastich demie once de chacun: vo⁹
amollirez & dissoudrez les marie-
res onctueuses & grasses en vinai-
gre, puis vo⁹ les incorporerez avec
les autres. Le vers de terre broyez
à part, & appliquez, agglutinent, &

TRAITTE DE LA MATIERE
reioingnent les nerfs. Et doncques
il faut vser de ces choses icy com-
me parauant. Estât l'ulcere en bon
estat, il doit estre conuert d'une e-
stoupade esprainte en vin rouge, &
dedans le mesme, vous mouillerez
les compresses, bades & autres lin-
ges, & lierez la playe, de sorte que
vous la teniez serree, la radreniez
& contraingniez, ne plus ne moins
qu'elle doit & veut l'estre.

Chap. X I. des Pyrotiques.

LEs dropaces, sinapismes, phœ-
nigmes, catharetiques, septi-
ques, escarotiques, bref le feu, &
les cauterres sont tous remedes py-
rotiques. Dropaces se tournent en
latin *Picationes*, c'est à dire poisse-
ments, ou medicaments faits de
poix: ce que le mot Grec ne sonne
pas, mais à raison que les anciens
les

les appelloient *pittota*, & *pitana*, cōme qui diroit, enduis de poix, desquels le mot latin a esté extrait.

Aucuns les ont nommez dropacistes faits de poix, d'une quatrieme ou cinquieme partie d'huile: aussi la coustume porte d'y meller deus fois moins, vn peu plus, ou au dessous de poyure, pyrette, euphorbe, & des semblables: car par ce moyen ils eschauffent dauantage. Que si vous y adioustez du soulfhre, de la cendre de sarment, & du sel, ils sont plus delicatifs. Car le dropax, le synapisme, & phenigme que nous descrirons, ont pour leur fin de reschauffer les parties touchees de froidure, & fortifier celles qui languissent, en partie de froid, en partie d'une descente & descharge cōtinuelle: ils peuuent beaucoup d'au-

TRAITTE DE LA MATIERE
tres choses, si est-ce la leur princi-
pale vtilité. Les anciens les ont ap-
pellez matafyncritica, c'est à dire,
recollants, & reincorporants. Le
dropax s'estend sur le cuir, ou sur
compressees, dittes prysmata, qui si-
gnifient linges plissez, & diploma-
ta, pour cause de leur redouble-
ment. Il faut peler le cuir, y cou-
cher le dropax tout chaud, le re-
changer souuent, de peur qu'il ne
se refroidisse, si est le medicament
renouuellé, iusques à ce que la pla-
ce rougisse, & que le cuir s'enleue
& enle tout bellement. C'est trop
tenir quand la tumeur s'abbaisse, &
qu'elle blanchit. Car nostre inten-
tion est, que par le moyen du dro-
pax, nous ranimions vne partie
demi-morte, la resuscitiõs: de sor-
te que halencee de sa chaleur, viui-
fice de son esprit, elle commence à

iouir de sa propre & naturelle nourriture, finalement que de seiche & fondue, elle deuienne pleine & enflée de chair. Mais quelque partie recouure vie bien tard, & l'autre tost : celle qui rongit en peu d'heure, est reparee hastiuement. Il faut plus de temps à refaire celle, qui se rechauffe plus difficilement. il n'y a plus d'esperance, si la partie nerepréd point vne meilleure couleur, pour chose qu'on luy face, ne pour la froter, ne pour la bassiner d'eau tiede, ny pour l'application d'un dropax. C'est assez d'apliquer le dropax à quelques vns trois ou quatre iours, non pas sans entre-mise, ou relasche, mais deux fois le iour en esté, vne fois en hyuer. Il faut l'appliquer à d'autres deux ou trois fois chacun iour, aucunes fois de trois iours en trois iours, ou de

TRAITTE DE LA MATIERE
quatre en quatre, selon que le mal
cede promptemēt, ou qu'il demeu-
re obstiné ou rebelle. Il est expediēt
& vtile de le bafiner d'eauē tout
premierement, le frotter d'une lexi-
ue faicte avec fauon, en laquelle il y
entre quelque portion de tapſie,
d'euphorbe, poyure, pyrette, & ra-
cine de cappres. Et ſi le dropax ſ'at-
tache ſi fort, que lon ne puiſſe le ti-
rer, vous l'eſtuerez d'eauē tiede,
l'ayant leué vous lauerz la partie
d'une decoction de ſon, ou de cho-
ſes ſemblables. Le ſynapiſme alle-
ge les paralytiques, ceux qui ſont
moleſtez de la ſciatique, gouttes,
defluxions inueterées, migraines,
& les parties defaillies faute de cha-
leur. Il faut faire tremper des figues
dedās l'eauē vn iour entier, ou des
cappres, ſi le mal eſt plus grief, ou
du pain de fromēt, ſil eſt plus le-

gier, & le sentimēt plus vif & aigu: spécialement quand il faut attirer à la superficie, les matieres destrempees doiuent estre battues. Ce Synapisme là est plus doux, qui reçoit deux fois moins de moustarde broyée à part: celuy là est plus fort, qui en reçoit vne fois dauantage: & celuy là est entre-deux, quand l'un & l'autre est esgalement moderé. En pestriissant le médicament, vous y versez de l'eau goutte à goutte, en laquelle le tout ait esté trempé. Aucuns des Anciens ont donné l'auantage au vinaigre, les autres à l'eau, ayans appris par experience que le vinaigre oste à la moustarde & luy diminue sa force, il faut l'employer ainsi que le dropax. Si le médicament a suscité quelque douleur ou chaleur, il faut les pacifier par vne estuue d'eau, ou bassine.

TRAITTE DE LA MATIERE
ment d'huile rosat, ou en gressant
auec vn cerot rosat, ou auec la ce-
ruse amollie en caue rose, ou auec
d'autres semblables. Le phœnig-
me, en imprimant vne rougeur en
la partie, fait leuer de petites bubes,
& en est vlcerée. On peut le rap-
porter à la sorte & gente des medi-
caments, que lon appelle amycti-
ca, qui vlcerent en frottant. On le
prepare de cresson alenois, de la ra-
cine d'aulnee, de la couleuree, de
lepidiom, de fiente de pigeons, prin-
cipalement ramiers, de crottes de
chieures, d'où le médicament Dia-
copregias a pris son nō, le tout pe-
stry en vinaigre: outre ce de squil-
les broyees, de gosses & cuissots
d'aulx, du laiēt de reueille matin, de
figuier, de pouliot, de cantharides,
d'orties, de bassinets, de thapsie,
d'euphorbe, de lye bruslee, de me-

taux mordicans, & autres sembla-
bles. La laine avec le suin bien ear-
dee, échauffée au feu, chaux rosties
& œufs appliquez fort chauds. On
les incorpore avec la glu, miel, axô-
ge vieille, terebenthine, cerots, gô-
mes, & résines, selon l'exigence du
fait, & que les corps sont delicats,
ou robustes. Quelquefois on ef-
froue les choses esmiables, & ap-
plique l'ô les emplastres sur le lieu.
Icy lon le rastonne plus tost, lon le
bat d'ecclisses & aisselles, puis on
le frotte, à fin que l'efficace du me-
dicament penerre plus à l'aïse estâs
les soupiraux du cuir ouverts, &
relaschez. Lon trêpe au vinaigre,
par l'espace de sept iours, les ana-
cardes conquallez, & cuïlent avec
le mesme iusques à l'euaporatiô de
la troisieme partie estans refroidis,
on escume avec yne coquille la

TRAITTE DE LA MATIERE
portiō huilleuse, qui nage par des-
sus. Tel est le miel anacardin. Au-
cuns conquaissent les anacardes, les
tiennent ensevelis dedans le miel,
iusqu'à ce qu'il soit imbeu de la ver-
tu de l'anacarde. Le leuain trépé en
vinaigre, s'incorpore avec le miel
anacardin, ou matieres caustiques
& bruslâtes. On frotte la partie de
la poudre preparee avec moustar-
de, poyure, euphorbe, & d'une drag-
me de chacun: ou incorporee avec
miel anacardin. Tel est l'usage du
cerot de thapsie, & d'autres matie-
res. En peu de temps la partie rou-
git, s'esleuent quelques bubes, &
encore elle sera vlcerée, s'ils y retar-
gent longuemēt. On pique & cre-
ue les bubes enleuees, lon les pres-
se pour en faire sortir l'eau. L'vlce-
re demeure tant que le mal soit re-
purgé, avec telle industrie lon se-

coure, ceux qui sont affliges de sciatiques, gouttes, migraines. Les entrailles, ou parties internes deschargent leurs superfluitez, six cens maladies en guarissent. Les suiuants sont catheteriques. L'erain bruslé non lauë, verd de gris, escaille d'erain, sur routes la rouge, tuille, terre de four, tests, coquilles, cendres de raines, & autres mentionnez au chapitre des Sarcotiques. Ceux cy agissent ordinairement en la superficie, applanissent les surcroissances de chair, en les minant, & rongeant sans acuité. Les septiques, c'est à dire corrosifs, cauent d'auantage, fondēt la chair tendrellette, par leur forte & puissante chaleur, n'ayās vn corps si massif, comme l'arsenic, le reagal, la seugere de chesne, le borax, la chenille de pin, appellee pithyocampe, l'aconit, &

TRAITTE DE LA MATIERE
le sang d'un estalon. Les escaro-
tiques, medicaments qui donnent
couverture de crouste, combien
qu'ils ne soiēt de rien plus chauds,
si rongent ils plus rudement pour
l'espeſſeur, & solidité de leur ma-
tiere, & sont cōuenables aux corps
endurcis, & calleux, comme sont
les septiques propres pour les de-
licats & femelins. Les ſuiuants sont
du nombre des escarotiques, la
chaux viue, la lye de vin bruslee,
celle de vinaigre, pourueu qu'elle
ne passe point le second mois: cel-
le qui est plus vieille perd cousta-
mierement sa vigueur: l'une & l'au-
tre sorte sert aux fistules endur-
cies, vlceres corrompus, baveux,
& pleins d'humidité. Et employōs
particulierement les escharotiques
aux chancres, charbōs, flux de sang.
Il faut prealablement viure en tou-

te sobriété, boire de l'eau froide
largement, s'abstenir de vin, user de
viandes refrigeratives, singuliere-
ment si la fièvre est de la partie. Se-
ptique qui mine & ronge sans a-
guillon.

Prenez de sandarac & d'orpi-
ment deux dragmes de chacun, de
chaux vive, encens, aristologie six
dragmes de chacun, de la pierre
ponce & résine demie once de cha-
cune, deux dragmes de flambe de
Floréce pilant & broyant tout en-
semble.

Prenez vne liure d'arsenic, deux
dragmes de chaux vive: apres auoir
trépez en eau durant trente iours,
pilez les au soleil, renouvelât l'eau
deux fois de iour.

Prenez d'arsenic & reagal, de la
chaux vive & de la pierre ponce
demie once de chacune: trempez

TRAITTE DE LA MATIERE
les de mesme façon, broyez & de-
seichez, puis vous en seruez.

Prenez demie once d'escaille d'e-
rain, deux dragmes de sandarac, de
l'ellebore noir, d'alum ou d'orpi-
ment vne dragme de chacun.

Prenez de l'escaille, sandarac, or-
piment, hellebore noir, semence
d'ortie rostie esgallemēt d'un cha-
cun: pilez les avec huile rosat, &
en vsez.

Prenez de sandarac & d'alum de-
mie once de chacun, d'orpiment &
d'escaille vne dragme de chacun:
vous prendrez le medicament sec,
si l'ulcere croist & gaigne tousiours
chemin, ou s'il est remply d'humidi-
té. Destrempez le en huile ro-
sat, pour l'appliquer sur les chan-
cres & escrouelles, le changeant
deux fois le iour. Ores telle est pres-
que la matiere des septiques que

que vous bruslerez, lauerez, modifieriez avec cerots, & choses semblables. L'hellebore a grande efficacité contre les callositez, il les mine en trois iours quand on l'a ierté dedans les fistules. Le cal est vne chair dure, reserree, qui endort la partie, la blanchit, & l'engarde de se fondre. Les médicaments, qui emportent les callositez, sont nommez Ectilotica, c'est à dire, tirants hors & arrachants. Lon tasche de les enleuer, en premier lieu avec les remollitifs, puis avec les caustiques, à la fin on en uient au feu, & aux cousteaux. On les rattisse avec les ongles, on les deschire avec les ciseaux, on les trêche iusques au vif avec le rasoir, on mine & mange le residu avec quelque remede caustique, ou lon brusle avec vn fer chaud, mais auât

TRAITTE DE LA MATIERE
que de couper le cal au net, il faut
empescher la fluxion : quand il est
retrenché, il faut l'estuuer d'eau
tiede, & puis le laver d'eau, en la-
quelle vous ferez fondre vne por-
tiõ d'alum. Si quelque bouë se pre-
sente, il faut la mondifier avec miel
& verd de gris.

Les suiuanes sont ecstilotiques,
La squille cuite & broyee avec la
chaux, le nitre rosty, la lye de bon
vin vieil & rude, ou de vinaigre,
bruslee, l'escorce de saux bruslee,
& pestrie en vinaigre.

La chaux bruslee destrempee a-
uec l'vrine d'un enfant vierge, le
verd de gris mistionné esgaleement
avec le miel, le sel & l'encens, la
tuille ou la chaux incorporees a-
uec huile de flambe, ou de træsne,
la tuille & terre de four, la pierre
ponce bruslee, & pilee en vinaigre,

la farine de creſſon alenois, peſtrie en eaue, le bdelliom gras avec le miel, l'ammoniac diſſout en vinaigre, avec autant de verd de gris, la racine de lys miſe en cédre, le verd de gris cuit & demincé, les amandes broyees avec miel.

Prenez vne once d'eſcaille, deux dragmes de verd de gris, huit onces du cerot de lentisques ou de myrtilles, plus ou moins, l'harpax avec vn peu de verd de gris.

L'huile de lentisques eſt fort recommandee en ce ſubiet: car outre la vertu remolitive qu'il a, il eua-pore, reſtraint, & repercute, de quoy tous les vlceres, rebelles & faſcheux, ont grandement beſoing, qui ont les leures calleuſes & dures. Pareillement les huilles de terebenthine, de maſtich, & autres de ſemblable eſtoffe.

TRAITTE DE LA MATIERE

Les eccliotiques & septiques s'incorporent avec les mesmes choses que les amyctiques, avec la glu, & les matieres qui luy ressemblent.

Estimez la besongne estre assez auancee, quand le corps gaste sera esloingné du sain & entier, & que les bords seront hors. Que si les septiques n'y peuuent rien, il faut auoir recours aux escarotiques, au feu & cauterer, en proportionnant le remede à la grandeur, & obstination de l'ulcere.

Les escarotiques sont composez de la matiere des septiques, & pour arracher l'escare mieux attachee & plus ferme, vous y mellerez quelque vn des metaux plus mordicans, massif & accópaigné d'une faculté restrictiue, côme la cadmie, chalcitis, chalcanthom, qui font escare, en les prenant à part, crus, ou

ou pilez, ou incorporez avec la sa-
lie de l'homme, ou avec le vinaigre.
Encore sont-ils escarotiques, mais
plus gratieux estants bruslez. Que
si vous auez la volonté d'imprimer
l'escare plus auât, le feu le fera plus
promptement & mieux, pourueu
que le patient le puisse suppporter,
& s'applique diuersement par le
creux d'un tuyau de bois, d'un ca-
nal de plume arondis esgallement
par le bout d'en bas, & eslargis par
iceluy d'en haut, & enfermans les
callositez, verrues, & telles autres
choses qui se doyuent brulser, di-
stillerez de l'eau bouillante, du
plomb ou verre fondu, ou telle ma-
tiere semblable, iusques à ce que la
chaleur aye faite vne suffisante im-
pression. Vne autre fois vous atta-
chez au bouton d'une esprouet-
te de la laine avec le suin, la plon-

Q

TRAICTE DE LA MATIERE
gez en beurre & huile bouillante,
& en touchez le lieu. Les huilles
de vitreol, antimoine, sublimé, ou
de telles autres matieres deuement
alenbiquees, ont plus d'efficace.
Quelques vns allument l'escaille
d'une noix, le test d'une tortue, la
coque d'un œuf, & en bruslent
la partie. D'autres se forment des
cauterres de la racine d'aristologie,
gentiane, herbes à foulon, d'un
ciscat ou ratiffeure de meurthe, de
houys, & tels autres: & les tiennent
dedans le feu, tant de tēps qu'ils se
tournent en charbons par le bout.
Les anciens, & à leur exemple les
modernes, ont usé d'ustion am-
bique. Ils cauterisent plus doul-
cement avec l'or & l'argent, plus
rudement avec le fer.

Les cauterres sont imprimez d'e-
stoc, & de taille, enfoncez du long,

& du large, ou poussez en rond, en vn, ou plusieurs liens, vne, ou plusieurs fois, selon que la nature des parties, & des subiets le permet, & que les maladies le requierent. A ces fins, force cauterres de diuerfes sortes ont esté inuentez. Il faut cerner le lieu que lon veut bruler, avec vne coque de noix, ou matiere pareille, laissant le milieu en veue.

Il fault remparer les parties voisines de cerot rosat, & de laines baignees en vin, de peur que le feu ne se traine plus loing, qu'il ne fault. Ou bien les garnir de compressees trempées, en aubins d'œufs, au mucilage de psyllion, herbes à pulces, de cerose lauee en eau rose destillee, de quelque liqueur & ius refrigeratif, & de ceux totalement que les Grecs nomment Aphleg-

Qij

TRAITTE DE LA MATIERE
menonta, c'est à dire engardas que
l'inflammation ne suruienne. Au-
parauant que d'enleuer l'escare, il la
faut esbranler de la premiere bou-
tee, afin qu'elle tombe par sa matu-
rité, sinon la partie est violentee,
dont reste vn vlcere profond, suiuy
de douleur, fluxion, ou inflamma-
tion. Elle peut estre abbatue tout à
temps par le beurre lauë en eau-
rose distillée, par farine de fromēt
pestrie avec le ius de porreau, ou de
rue, par la lentille cuite incorporée
avec le miel, par les fueilles d'vn o-
liuier sauuage arrosée de miel, par le
souphre pilé en huile, par la paste
de noix, par fueilles de porreaux
destrepees de salive: on la peut fai-
re tomber, quand le subiet est plus
doux, avec le laiët cuit en miel,
avec la fiente blâche de chien, avec
la cendre d'hirondelles bruslees, a-

uec la petite centauree, avec la fiète
 de l'homme seichee, avec les chairs
 bruslees de limaçons, avec la chal-
 citis broyee, & trois fois autant de
 miel, ou avec vne once de chalcitis,
 demie once de Hambe pilees à part,
 ou incorporees avec miel, avec la
 litharge nourrie en beurre bruslé,
 avec la racine de l'arreste-bœuf, a-
 uec la fiente de pigeons vnue avec
 le miel, qui mesmement scarifie les
 charbons. Somme toute d'une ma-
 tiere deterfiue & incisive, laquelle
 se peut moderer par quelque reme-
 de remollitif, & lenitif. Les Chi-
 rurgiens modernes ont mis au nô-
 bremēt des septiques les estoupes
 de chanvre, hermodattes, racines
 de couleuree, l'alum, l'onguent des
 Apostres: Et pour appliquer sur v-
 ne chair solide & ferme, ils y cōptēt
 les especes de vitreol, la coupero-

Q iij

TRAITTE DE LA MATIERE
se (desquels ils se seruent) au lieu
du calcanthom, & de la chalcitis,
le verd-de gris. L'onguent verd,
l'Egiptrique, les Trociscques pre-
parez de quatre onces de chaux
incorporez avec miel, de plus ou
moins selon la qualite, & condi-
tion du subiet. Vous rengerez vos
trociscques en vn cassetin, les ferez
seicher en vn four, les reduirez en
poudre voulans en vser.

Prenez six onces du ius de la ra-
cine de l'ache royalle: deux onces
de chaux: vne once d'orpiment: de-
strempez les matieres seiches dedas
le ius, exposez les au soleil pendant
les iours caniculiers, iusques à ce
qui soyent secs & massifs. Tantost
ils incorporent la chaux avec miel,
tantost avec sauon, & donnent aus-
si vne incorporation au ventre des
cantharides, les meslant avec le le-

tain ou sauon: mais on craint, que en vſant des cantharides, lon ne ſuſcite quelque ardeur d'vrine. Car meſmement tel accident peut ſuruenir. Si vous en greſſez la teſte, Et pour remedier à ce mal, il faut vſer de gargarifme, & parfum faits avec le laiſt, ou preparez d'vne matiere paregorique ou lenitiue. Ils incorporent les remedes ſeptiques avec la greſſe, ou le ſuiſ. D'entre les greſſes celle-là eſt ſeptique, qui eſt tiree des grenouilles verdes, que lon prêt ſur les arbres. Les remedes compoſez qui s'en ſuyuent, ſont de Gal. au cinquieme de la Comp. des medicamens en general. Prenez dix dragmes d'eſcorces de pommes de grenades: d'ariſtologie rōde & noix de galles vne once de chacune: d'alū & d'aloē demie once de chacun: de myrthe & de calcanthō ils le tour-

Q. iij

TRAITTE DE LA MATIERE
nēt vitreol) deux dragmes de chacū:
demie once d'encens : ils minent
sans morsure.

Prenez de sandarac, c'est à dire
d'arsenic rouge, d'orpiment deux
dragmes de chacun: demie once de
chaux viue: de manne & d'encens
esgallement: pilez tout, & vous en
seruez. Voyla que Galien en escrit.
Les Modernes employent les suy-
uants. Prenez vne liure de chaux vi-
ue: d'arsenic rouge, & de la couleur
de citron: d'alcali, d'acacie, ou en só
lieu du ius de prunelles demie liure
de chacun: pilez-les, & puis les in-
corporez avec le capitom. Mais l'al-
cali est vn sel noir des anciens, fait
de chesne, de coudre, de tronc de
roseau reduits en charbon, & cuits
avec eaue doulce, ou eaue de mer:
maintenant il se peut preparer de
chous marins, de porees, & routes

celles plantes nitrêuses: sinon vous pourmenerez en vn mortier du sel commun rosti avec du vis-argent, si long temps que le sel en noircisse. D'autres interpretēt d'une autre façon, ce sel alcali. La preparation du capiton est telle.

Prenez de la chaux viue, du sel ammoniacque vne liure de chacun: vous les pilerez à part, puis vous les broyerez avec la lexiue de cosses de febues: vous les mettez en vn pot qui aye quelque petite ouuerure au fond, par ou la lexiue s'esgoutte dedans vn autre pot mis au dessous. Vous enfouirez en terre l'un & l'autre pot, & y demeurent durant sept iours. Ce capiton est catheretique, septique, & escarotique bien doux. Les autres prennēt trois parts des cendres de cosses de febues, vne part de chaux viue, puis

TRAITTE DE LA MATIERE
ils les arrosent d'eau de fois à autre,
les remuēt de coup à coup, à la par-
fin ils les coulent par vn petit pa-
nier d'osier, ou couloire rare & del-
liee. On brusle les rameaux de fi-
guier, & lō baigne les cédres d'eau,
qui laissent leur force en l'eau, que
lon presse, & que lon iette là: en
fin on reforme vne cendre nouuel-
le. De pareille façon vous prépare-
rez vne lexine avec les rameaux du
reueille-matin, ou autres cendres
caustiques, dedans laquelle on plō-
ge par fois vne espōge, que lon ap-
plique. Voyez les autres au chap.
des Epulotiques ou Regeneratifs
de chair. Quand l'ulcere est baveux
& boueux, il faut s'abstenir & espar-
gner les medicaments gras & huil-
leux, semant par dessus les matieres
seiches. Estāt l'ulcere calleux & ridé,
on appliq̃ les remedes secs, q̃ lō vnit

& incorpore avec les humides. Les Arabes tiennent pour septiques, ceux qui descriptent les Grecs, & quittent l'autre espèce de ceux, qui corrompent les parties par leur chaleur humide, & de mauuaise odeur. Ceux qui sont preparez de vif-argent, comme le precipité, le sublimé, le cinna-bre sont corrigez avec les ius du choux marin, de la morelle, de limôs, & des semblables. Aussi nous est-il loisible, comme aux anciens de les piler au soleil, par trois iours non seulement, mais aussi trente & quarante, tant que les iours caniculaires durent, renouuellât l'eau deux fois le iour. On peut les aguiser selon le port des corps, & condition, des maladies non seulement ils se diminuent & affoiblissent, en lauant, mais aussi en les bruslant & mistionnant. On doit renuoyer entre les epulotiques le

TRAITTE DE LA MATIERE
vermeillon des mines metalli-
ques, de la mine de plomb, de ceru-
se bruslee, quelques vns l'appellent
Syricon, les autres Sandix, rappor-
tants au nombre des caustiques,
l'artificiel preparé avec le soulfre
& le vif-argent. Outre tous ces re-
medes. Les modernes vsent d'eaux
fortes, q̄ ils dient estre eaves des al-
chumistes & distillateurs. La pre-
paration en est telle.

Prenez parties esgales de sel am-
moniac, d'orpiment rouge, ou de la
couleur d'un citron, de couperose,
de verd-de-gris, mettez les tous en
un alembique de verre bien luté &
bouché de tous costez, & puis di-
stillez les à petit feu: il faut verser la
premiere eave, ou encore la remet-
tre dedans l'alembic, vous augmen-
tez le feu au double, l'eave distillée
pour la seconde fois, se reserve si-

dellement. Les autres prennent d'alum & de vitreol romain vne liure de chacun : demie liure de sel nitreux, ou en son lieu de la lye de vinaigre bruslee : Ils tirent vne eaue singuliere, & fort cōuenable à ceux qui sont d'vne nature forte & robuste. Elle est suspecte au nez, leures, paupieres, doigts, parties hōreuses molles & petites, ou les veines, nērs, & arteres se manifestent, Que l'application premiere se face en petite quantité, puis soit augmentee, tant que besoing en fera. Aucunes fois on rabbat & modere leur violence, leur donnant l'incorporation d'un cerot rosat, d'un onguent blanc, d'un dialthee & de semblables: on rempare les parties voisines, & remédie lon aux douleurs par les moyens que nous v^o auons exposez, & declarerons plus

TRAITTE DE LA MATIERE
particulierement au chap. suyuant.

Chap. XII. de la Douleur.

A Raison des abscez & playes
suruiennent plusieurs incon-
uenients, dont les remedes sont es-
partis çà & là, comme au chapitre
precedent, ceux qui sont ordonnez
pour les callositez : en vn autre
pour les vèrs, chancres & pourritu-
res : Ailleurs ceux qui preuiennent
les fluxions, estraignent l'ardeur des
parties, que les medicaments ont
fuscitez, & d'autres incidemment
notez, & remarquez. C'est cy le lieu
de parler de la douleur & flux de
sang, qui troublent le plus souuent
les deliberations, & entreprin-
ses de curation. Mais la douleur se
fait toute par l'alteration subite, &
solution de continuité, à laquelle

il faut obuier treshastiuent: car
 iamaïs il ne doit estre permis que
 le malade soit longuement trauail-
 lé, pource que de la les rauages &
 reumes s'emeuent, les inflamma-
 tions prennent leur estre, les forces
 s'affoiblissent, les malades tombent
 en conuulsion, & bien souuent
 sont conduits, & menez à la mort.
 Et pour en parler bien à propos de
 nostre subiet les vlcères en deuien-
 nent moites, qui necessairement
 doyuent estre vuides de tous ex-
 crements & desseichez autant que
 la nature des parties le peut per-
 mettre. Ils appellent *Anodina* &
Paregorica les medicaments lenitifs
 de douleurs, estans d'une substance
 subtile & chauds, ou si bien mo-
 derez, que par la familiere mixtion,
 & cōfusion des elements, ils tōbent
 d'accord avec la nature des parties.

TRAITTE DE LA MATIERE

Vous y ioindrez, si bõ vous sem-
ble, ceux qui combattent la cause
avec vne qualité contraire, comme
l'huile de laurier, en ceux qui sont
refroidis : l'huile violat, aux es-
chauffez : l'hydreleom, c'est à dire
l'huile & caue, en ceux qui sont
desseichez. L'humidité suscite dou-
leur, moins par sa qualité, que par
son affluence & quantite : pource
en ceste meslee nous donnons lieu,
& auouõs la saignée, la purgation,
le clystere, & les semblables, qui
appaîsēt les douleurs, en soustraiāt
la superfluité. La chaleur & le froid
produisent la douleur trefaigue, la
siccité est cause d'une moyenne,
l'humidité n'en suscite aucune, ou
elle est comme endormie, & prîuee
de sentiment. Ils surcontent, & ad-
ioustent aux mitigatifs de douleur
vne troisieme espece, qui est de
ceux

ceux qui remedient à la douleur, par vne abolition de sentimēt: pour ce que la douleur ne peut estre, si il n'y a sentiment, & estant aboly, il faut de necessité que la douleur s'appaise. Ils les appellent *Narcotica*, & *Hypnotica*, comme qui diroit Stupefactifs & dormitifs. Les suy-uants sont Anodyns l'huile douce, d'entre-deux aage: les huilles de camomille, de semences de lin, de guimaue, d'amendes doulces, de vers, de renard, de coings, de taison, de cygnes, nouuellemēt esclos, de froment pressoiré avec vn fer chaud, de sarments de vignes, de moyeux d'œufs, de lasmin, de Sureau, de fleurs & autres que nous deduirons cy apres. Desquelles il faut separer celles-là qui n'allegent pas tant seulement la douleur, mais aussi contreuiennent à la cause, cō-

R

TRAITTE DE LA MATIERE
me l'huile rosat, quand la chaleur
est motifue de la douleur, ou que
la chaleur est produitte de la dou-
leur: l'huile de camomille, quand
il est question d'adoucir, & de re-
soudre quelque chose. Vous avez
au nombre des anodyns le beurre,
la laine avec le suin, la gresse, celles
de porc, de veau, d'une guenon,
d'un cinge, d'une poule, d'un oye,
d'un homme, d'anguilles, de connins,
de renard, de taison, d'asne, le lait
de femme & de vache. Les deco-
ctions de mauve, guimauve, semé-
ces de lin & de coings, de lys, de
violettes, de pieds, entrailles, &
restes de veaux & moutons, & sont
de beaucoup meilleurs estans cuits
avec le lait, confits en beurre, ou
broiez avec l'huile rosat. On melle
parmy les medicamens du saffran, de
l'encens, de la manne, du galbané, &

rels semblables, qui ayent quelque chose de paregorique. L'eau tiède, les huilles rosat, violat, de nenufar, de pavot, de courges, sont au rang des anodyns, & moderēt la chaleur: comme aussi l'huile de la semence blanche du iusquiame, que lon employe es gouttes chaudes, & de la matiere de ces huilles on tire vn ius & mucilage, que lon cuit avec le lait, & que lon pestrit en huile cōuenable. On plonge les linges & compresses en la decoction: on les abbreuue de ius & de mucilage, & s'en sert-on par tel moyen. Il est necessaire de baigner les cōpresses, & les trēper de fois à autre, & reïterer ceremedes. Les cerots & linimēts se peuuent cōposer de cire blanche lauee, d'huile propre & commode de mucilages, de ceruite lauee, de l'oguent populcom, & autres tels,

R ij

TRAITTE DE LA MATIERE

Presque tout ce que nous auons
 nombré entre les anodins donne
 secours, & suruiuent aux douleurs,
 que le froid suscite. Les huilles de
 camomille, d'anethi, de giroflees,
 de melilot de mille-pertuis, de lye,
 & mieux encor, les huilles des grai-
 nes de laurier, de geneure trempées
 en vin, & mises sous la menle: elles
 sont singulieres aux douleurs des
 ioinctures, & de la cuisse. Les dou-
 leurs froides de la grosse verolle,
 sont soulagees par les huilles de gal-
 banom, de soulfhre, de styrax: par
 celles où lon a espars de l'encens,
 de la mäne, & des matieres sembla-
 bles: par l'huile extraite de noix mu-
 scades pressoires d'un fer chaud,
 sur vne enclume. Toutes telles ma-
 tieres conuassées, ainsi q la canel-
 le, peuvent estre cuittes en huil-
 le. Mesme preparation se peut fai-

re avec le foulci, la mariolaine, le
 rosmarin, & les semblables. Quand
 l'affliction prouient d'une matiere
 visqueuse, & ferree, il faut employer
 les huilles de flambe, racine d'aco-
 rus, & centauree, gentiane, aristo-
 logic, coulcuree, hyssope, thim, pou-
 liot. La moustarde, & le lin sauua-
 ge, & toutes telles autres sont tres-
 efficaceuses. La matiere se cuit en
 autant d'huile que de vin, laquelle
 ne rend rien d'huile, estant mise
 sous le pressoir, ou sous la meule:
 apres que le vin est euaporé on la
 pressoire, & se sert-on de l'huile
 qui reste. L'huile de terebenthine
 se prepare, & compose d'une liure
 de terebenthine, d'une once de bri-
 ques vieilles ou neuues, telles que
 les demande Albucasis, pour ce
 que elles boyuent plus d'huile: de
 mastich & de styrax une once de

R. iij

TRAITTE DE LA MATIERE
chacun. Quand les briques sont
rouges de feu, & bien allumées,
on les amortit dedans l'huile, puis
les reduit-on en pouldre, en les
meslant avec le residu: finablement
on les verse dedans vn alembic,
d'où descendent & desgouttent
trois liqueurs, la tierce est la meil-
leure. Enfermez des fleurs de ros-
marin dedans vne fiole de verre,
bouchée d'une double toille, &
par dessus de cire, vous l'ensepu-
lissez dedans le sable eschauffé, &
se fait extraction d'une huile à la
façon des alchymistes. L'huile
des Philosophes, le petroleom de
Mesue, c'est à dire l'huile de pier-
re, & l'huile d'euphorbe. L'huile
prochaine a grande efficace con-
tre les ventositez, douleurs froides
du ventre, & de la matrice.

Prenez vne liure & demie d'huile

le d'aneth: dagnus castus & de la
semence de rue trois onces de cha-
cune: six onces de canelle: tout e-
stant conuassé, & trempant en
huile, exposez le au Soleil, durant
quarante iours, ou bien faictes-le
cuire à petit feu. Le bassinement
del'huile de camomille, & du vin
pur chauldement fait, appaise les
douleurs de toutes les parties du
corps. L'huile de cloux de girof-
fle, & du roseau aromatique, à v-
ne singuliere & souueraine vertu.
La racine de coucombres sauage
toute tronçonnee & demincee en
coppeaux, avec les sommitez d'ab-
sinthe, se cuit en huile-eau, de
cela vous en preparerez vne fomé-
tation, & cataplasme singulier pour
les migraines. L'erisson de terre cuit
en huile, & vin iusques à ce que
tout le vin soit euaporé, est sin-

R. iij

TRAITTE DE LA MATIERE
gulier aux douleurs des ioinctu-
res. De six moyeux d'œufs rostis:
de demie dragme de myrrhe : de
quatre grains d'hellebore noir: on
tire vne souveraine huile contre
les vlceres des petits enfans, contre
les leures calleuses & douloureu-
ses des vlceres, contre les putrefa-
ctions, vermines & rongnes.

Prenez deux onces de styrax gras,
ou quelque peu dauantage, que lon
fait dissoudre en vne liure & demie
d'huile, pour s'en seruir contre les
callositez ioinctes avec douleur, en
y adioustant vne huietieme partie
d'hellebore blanc, on l'employe
contre la rongne. Quelques vns
s'aydēt du martiatom ou de l'agrip-
pa contre les douleurs froides. Le
commun anodyn est fait d'vne mie
de pain destrempee en laict, ou
cuite en trois moyeux d'œufs, &

pestrie en vne once & demie
d'huillerosat. La quantité du pain
est d'une liure: les œufs se iaunif-
sent d'un brin de saffran. Quand
les douleurs sont deplorees on s'ai-
de des narcotiques, meslant quel-
que peu de populeom, ou d'opiom
avec l'onguent rosat, ou le dialthee.
Prenez trois onces du cerot rosat:
vne dragme d'opiom: deux scrupu-
les de castoreom.

Prenez vne once d'onguēt rosat:
demie once de terebenthine, apres
qu'ils seront dissouts, adioustez-y
vn scrupule d'opiom: quatre grains
de saffran. Aussi quelque portion
de philoniom, peut estre meslee a-
vec les cerots & onguents. Lhuil-
le est narcotique, en laquelle vne
torpille viue ou endormie, aura e-
sté bouillie.

Prenez deux onces de dialthee:

TRAITTE DE LA MATIERE
demie once de galbanom : deux
scrupules d'opiom : six grains de
saffran. La saignée faite de la par-
tie opposite, secoure singulieremēt
en toutes tresgrieues douleurs.
C'est pour le mieux que de la faire
dès le commencement. Au moyen
dequoy vous ostez, & emportez
les causes des maladies : & toutes
les aduenues, qui endommagent
les playes sont suscitees par le vice
du sang, comme la douleur, l'in-
flammation, la gangrene & mortifi-
cation. Ce vice icy est premiere-
mēt vne corruption des os, & puis
des autres parties. On euit tel in-
cōuenient, & danger par la saignée,
apres lon scarifie le lieu avec vn pe-
tit cousteau : afin que la partie sou-
lagée de son fais, & de son mal, elle
puisse s'esleuer librement, au mou-
vement de l'esprit. La ventouse

1 profité souuent en cela, touchât
laquelle nous auons mis en lumie-
re le discours, que nous en auons
fait à part.

*Chap. X I I I de l'Hemorrhagie
ou flux de sang.*

LE sang se pert & escoule par la
playe chauldement faite, ou
de longue-main, quād les vaisseaux
sont ouuerts, rompus ou rōgez. Le
plus perilleux flux de sang, est de
l'artere, & apres luy, celuy des plus
grāds vaisseaux, qui vomissent plus
de sang. De la vient que Hippocra-
tes les a appellees Hemorrhous,
comme qui diroit sang-coulantes.
Cōtre les veines & arteres ouuer-
tes, on employe les remedes astrin-
gēts: contre les rompues, les agglu-
tinās & cōsolidās: cōtre les rongees,

TRAITTE DE LA MATIERE
les incarnatifs, accompagnez d'une
nourriture louable. Les vaisseaux
ouuerts & rompus sont secourus
avec le plantain, balaustes, hypo-
chystis, encens, verd-ius, noix de
galles allumees, & puis amorties
& estaintes en vin ou vinaigre, l'a-
cacia, escorce de pomes de grena-
de, racine de bugle, porreau broyé,
centinodie, peruanche, terre seellée,
argille, bol d'armenie, le marc de la
rhubarbe, rouillure de fer, la pierre
hematites, pepins de raisins secs,
fleur de galles, le coton qui cou-
ure les coings, & celuy que iette le
faux masle, avec quelques petits lá-
beaus qui pendent à l'arbre, le frai-
sier, esglantier, eaue froide, vin a-
stringent, vinaigre, oxycrat, & au-
tres mentionnez & descrits au chap.
des Incarnatifs, glutinatifs, & re-
percussifs.

Ceux-cy remedient particulie-
rement aux vaisseaux rompus l'en-
cens, manne, aloë, mastich, tra-
cagant, amydon, colle, gommes, la-
rigne, terebenthine, poix seiche,
colophonie, plastre, folle farine,
tortue broyee avec son escaille. De
tous ceux-cy on en met en pouldre
quelques vns, que lon sursème, &
verse par dessus. On se trouue
mieux pour la plus part des empla-
stiques, & pour les mettre en vsa-
ge, on les incorpore en la glayre
d'un œuf, resine liquide, ou quel-
que liqueur couenable. Les char-
pies, poil de lieure, cottó de coings,
& de saux, se trempent, & mouillét
dedans les ius liquides: Et ensuy-
uant, vous fourrez en la bouche &
ouuerture des vaisseaux la tante,
ou le vermisseau couuert du me-
dicament. Et encore vous le char-

TRAITTE DE LA MATIERE
gez d'un toupillon abbreuvé du
mesme onguent. Vous lierez tout
côme il en sera besoin, faisant trois
ou quatre tours de bandes sur le
vaisseau, & à l'endroit d'où le sang
coule: delà doit-on ramener petit à
petit la bande vers la racine de la
veine, ou artère, afin que tirant cō-
trement elle soit de plus en plus
serree, retenant & arrestant le sang,
qui s'y descharge. Trois iours a-
pres il faut releuer les compresses,
si les charpies, Hocs & vermisseaux
tiennent ferme. Il ne faut les remuer,
ne changer, il faut sans rien plus les
arrouser du medicament, & ban-
der comme deuant: si ils sont las-
ches, & qu'ils vacillent, il faut re-
tirer le doigt sur le vaisseau, reti-
rer la tente, renouveler le tout en-
tierement, lier & bander selon l'in-
struction premierement donnee:

ce que vous continuerez tant de fois, & si longuement que lon soit eschappé de toute crainte, si que la chair soit suffisamment regene-
ree, & le vaisseau seurement e-
skouppé.

Quelques fois il suruient, quand les vaisseaux sont en vue, que lon arreste le flux de sang, ne mettant dessus que le doigt, par vn peu de sang pris & figé, mais si ils sont approfondis, cachez, & que lon ne puisse les toucher du doigt, il faut les happer avec vn hameçon, les tordre tout bellement, & serrer d'vn lien.

Aucunes fois on les tire avec vne pincette, sont liees en deux lieux, puis on les trenche par le milieu, de sorte que les deux extremittez retirees d'vne part & d'autre, se puissent reioindre & reprêdre:

TRAITTE DE LA MATIERE
telle operation est fort doubteuse
en grands vaisseaux. Quand tous
les autres remedes sont sans fruct,
il fault recourir au feu & caute-
teres, specialement si quelque ma-
tiere putresce se decouvre, ou dis-
posce à vers, ou ambulatine &
corrosive: si le lieu de soy est en-
clin à putrefaction, comme le sie-
ge, la bouche, les parties honteu-
ses, qui puisse neantmoins suppor-
ter la rigueur, & actiuité du feu sans
preiudice. Il faut tenir les escaro-
tiques sur le lieu & plus estroitte-
ment ferrez & pressez, afin qu'ils
laissent vne crouste plus ferme, &
non subiette à tomber. D'entre les
remedes on fait grand cas des sai-
gnees, vérouses, sangsues, ligatures
en la partie opposite, appliquees de
droit fil, pour faire la reuulsio, & de
celles qui estraingnent. Le traicte
des

des ventouses que nous auôs fait,
vous informera de leur vſage: nous
parlerons de la ſaignee & des ſang-
ſuës, en vn liure à part, que nous
vous préparons. La purgation eſt
le plus ſouuent neceſſaire, mais ſon
ſecours eſt bien tardif. Voyla les
remedes, qui arreſtent ordinaire-
ment le cours de la matiere, com-
bien qu'il ne faille pas deſtourner
le ſang temerairement, pource qu'il
eſt expedient, cômme l'enſeigne Hip-
pocrates, que le ſang coule ſouuêt,
& iſſe de toutes playes, pourueu
qu'elles ne ſoient point faiçtes au
ventre. Doncques vous l'eſtâche-
rez en temps & lieu, apres auoir
deuëmêt aduiſé, & pourueu à tout
le corps, à fin que la playe rendue
plus ſeiche, ſe puiſſe reſermer plus
toſt: poſſible qu'il ſeroit beaucoup
meilleur de boucher la playe par

TRAITE DE LA MATIERE
les emplastiques, & prendre le pas-
sage par où le sang s'escoule, en le
fermant de medicaments froids &
astringens: car le medicament froid
& astringent, poingt les vlceres. Si
faut-il y appliquer le refrigeratif, &
à l'endroit où le sang flue, ou doit
fluer, non pas droittement dessus,
mais à l'environ, cōme escrit Hip-
pocrates. Semblablemēt plusieurs
parties, comme la poictrine, & au-
tres telles nerueuses, sont plus ten-
dres au froid, & plus offēsees. Et
pource quand la matiere aura esté
ia destournee, il conuient d'asseoir
les remedes froids avec exemption
de quelques parties. Le sang de
pigeon arreste particulièrement le
flux de sang des mēbranes du cer-
veau. Le remede suiuant est digne
de memoire. Prenez vne esponge
neufue, sinon vne vieille, que vous

lauerez en caue de mer, ou en la lexiue de chesne, & l'abbreuueriez de vinaigre tresfort. Par apres vous la barbouillez de poix, la saupoudrez encore de bitume, ou de noix de galles bartues, & de telle autre denree: à la parfin vous la bruslez dedans vn pot de terre, iusques à ce qu'elle soit reduitte en cendre. Aucuns l'abbreuuent de sang de taureau, en lieu de vinaigre. On baille à boire de cette poudre destrempee en quelque bon vin odoriférant, pour vn singulier & souuerain remede cōtre dysenteres, c'est à dire difficultez des intestins, naturelles purgations des femmes, & autres flux de sang. Le plastre, la folle farine incorporez avec le blāc d'un œuf sont emplastiques.

Prenez deux parties d'encens, ou d'aloë, ou quelque peu d'auantage,

S ij

TRAITTE DE LA MATIERE
si le corps est robuste, en lieu de
l'encens, on prend de la manne, car
elle restraint mieux: mais l'encens
rend le médicament plus emplasti-
que, on l'incorpore avec la glayre
d'un œuf. Le vermisseau de poil de
lieure se mouille en ce medicamēt,
& s'il en est besoing, il se fourre de-
dans l'ouuerture, & baaillemēt du
vaisseau. Des mesmes poils de lie-
ure se faconne vn floc, que lon eny-
ure du médicament, en le couchant
sur le vermisseau, que lon a fourré
& insinué dedans la cauernosité.
Vn personnage eunuque tomba en
vn flux de sang, d'un coup qu'il re-
ceut sur la main, voyant qu'avec ce
remede, on ne pouuoit luy estan-
cher son flux, on l'arresta du tout
par charpies baignees en oxycrat
fort trépé d'eau, à faute de poils de
lieure, il sera loysible de prendre du

cotton, ou de cette bierre trouuee sur les coings, que nous vo⁹ auons rememoree, qui soit bien pignee & cardee. Touchant le rongement des vaisseaux, apres auoir procuré la vuidange, & deschargé de tout le corps, si tout autre moyen d'y remedier vous mǎque & defaut, ayez recours aux trociques de Andró, de Polydas descrits au cinquieme liure de la composition des medicamēts en general. Quand le flux de sang est grand & furieux, on doit repousser le cours impetueux de la matiere avec astringents de grande efficace, avec lesquels on mesle petit à petit les trociques, desquels en fin il faut vser à part. Les medicaments prochains arrestent & suppriment le sang, appelez des Grecs *Ischema*.

Prenez deux onces de chalcitis

S iij

TRAITTE DE LA MATIERE
(selon aucuns vne once) vne once
& demie, voire deux, comme quel-
ques vns, de manne, vne once &
demie de terebenthine fricassée,
& estainte en vinaigre.

Prenez six dragmes de chalcitis,
deux dragmes de manne, de tere-
benthine & colophonie demie on-
ce de chacune. Restraining mer-
veilleux.

Prenez de chalcitis & de resine
vne once de chacune, deux onces
de manne, pilez les & tenez en re-
serue dedans vne boiste d'ecrain.
Quand il en faudra vser, meslez au-
tant de plastre, que du reste. Pour
faire escare, il faut donner à ceux-cy
pour compaignie le chalcanthom,
le misy, l'arsenic, le reagal, la chaux
viue. L'escare faicte avec l'arsenic
& la chaux viue n'est pas ferme as-
sez, si on ne les accoste de quelque

matiere astringente. Le fer chaud, l'erain, l'or & l'argent allumez, sont du roolle des cauterres. L'or & l'argent laissant vne escare trop molle: le fer chaud ayde plus promptement. Quelque piecette de liege, ou esponge mise en rond, & plongee en la poix toute bouillante, s'applique & imprime au lieu du flux de sang. Les autres font escare avec les escorces de pommes de grenades, noix de galles, racines astringees embrasees. Les escarotiques des modernes sont de cette sorte.

Prenez demie once de vitreol romain, trois onces de balaustes, vne once d'alum: soit le tout reduit en poudre.

Prenez trois onces de colophonie, vne once & demie de bol d'Armenie: de mastich, manne, d'encens, sang de dragon demie once de cha-

S iij

TRAITTE DE LA MATIERE
cun, de la racine de symphiton, de
roses vne dragme de chacun: ils v-
sent de poudre rouge, de sang de
dragon, & autres desquels il a esté
parlé cy deuant, ou vous trouue-
rez mesmemét plusieurs autres es-
carotiques. Apres l'application des
remedes, il faut situer la partie de
telle façon. Que le lieu d'où le sang
flue, soit plus esleué, & plus haut
que le reste de la veine, qui est plus
proche de la racine, à fin q̄ le vais-
seau penchant vers le bas, le sang
puisse retourner: que la partie soit
tenue en repos, & mise en telle fi-
gure & situation, qu'elle ne luy ap-
porte aucune douleur, que la main
soit soustenue d'une escharpe, &
les cuisses de coussins, que le mala-
de soit couché à l'opposite, ayant
tellement disposé de sa maniere &
moyen de viure, qu'à tout le moins

le sang en soit arresté, en l'abandonnant à l'eau pour tout breuvage, & à toutes choses semblables: luy defendant & interdisant celles qui le puissent eschauffer, comme vins forts, & viandes chaudes.

*Chap. 14. de la matiere utile
aux vices des os.*

Tout aussi tost, & presque au mesme poinct comme les os sont corrompus, il faut les secourir: sinon l'inflammation s'allume, qui suppure, qui mine, & fait force retraittes, qui donne estendue aux vlcères profonds & rōgez, qui doivent se guarir par application de tentes & charpies chargees d'un medicamēt liquide, & fourrees dedans les vlcères, de là Hippocrates les a nommees *emmotous*. Dont les os noircissent, se gastēt de verrou-

TRAITTE DE LA MATIERE
liffure, & se mortifient. Les os se
portent mal quād ils sont rompus,
froillez, creuassez, persez & desmis.
Ce leur est augmentation de mal,
quand ils sont blesez avec playe:
encore est-ce pis quand ils le sont
à l'endroit des ioinctures, des par-
ties remparees de nerfs & tendons,
ou qui sont descharnees, & grosses
d'os, sur lesquelles il se fait vne grā-
de descharge des superfluitez du
corps, depuis qu'elles sōt esmeues.
Ioint que là il se treuve vne carti-
lage, qui ne peut estre menee à ci-
catrice. Icy doncques l'aduenue est
plus griesue par la suscitation des
douleurs, veilles, conuulsion, res-
ueries. Et comme l'articulation est
plus grande, aussi en aduient-il vn
plus grand danger. Pour le moins
il n'y a partie de la Chirurgie anti-
que, qui soit plus richement prou-

neue & meublee de remedes par
les Anciens, & de laquelle ils ayent
eu plus de soing, que de la curatiõ
des os. Tant est grand le nombre
des remedes qui leur appartiennẽt,
trouuez par eux, & à nous de-
laissez. Force ont esté preparez sous
l'autorité & priuilege des Prin-
ces & seigneurs, aux frais & despẽs
de la chose publique. Force vtils
ont esté inuentez & forgez, ferre-
ments, cauterẽs, rasoirs, limes, es-
prouettes, tariẽres, trespãs à rouẽ
tranchants, ciseaux, eleuatoires, in-
struments, appelez des Grecs *menyngophylaces*, cõme qui diroit gar-
demenynges, pincettes, eschelles,
marchepieds, barriẽres, leuiers, ca-
naux, estuits ou coffrets, que les
Grecs nomment *glossocornia*, pource
qu'ils sont bastis en forme de lan-
gue, rouleaux, poutres, traucersieres,

TRAITTE DE LA MATIERE
rondeaux, pennes, tuyaux cirez, ca-
nules, setons, filets tissus de pour-
pre & d'or, & beaucoup d'autres
pour s'en seruir à mondifier, roidir,
relascher, reformer, finalement à
remettre les os en leur propre &
naturelle place. Encore les anciens
ont baillé noms differés à plusieurs
choses, dissemblables quant à l'v-
sage, neantmoins seruantes à la li-
gature: comme drappeaux, bandes,
sous bandes, compresses, liens, rei-
gles, ecclisses, spathules, resnes, cor-
deaux, escharpes, coussinets faits de
cuir, ou de matiere plus molle,
nœuds, esguilles, poinçons, & six
cens autres choses, dont les vnes
nous sont demourées, beaucoup
ont esté abolies, aucunes refusees,
& quittees: pource que depuis on
à trouué vne maniere de les penser
plus facile, & moins laborieuse. Il

faut doncques ratifler l'os iufques au vif, le trouër, brufier, couper tout à fait felon la rigueur & deploration du mal. Si eft-il befoing en ce cas d'vfer de medicamêts fort defficcatifs, defquels la matiere a efté propofee au chapitre des remedes mondificatifs, & regeneratifs de chair. On ne doit fermer pluftoft les addreffes & voyes, qui tirent vers les os bleffez, qu'ils ne foyent repurgez en toute diligence de toute pourriture, noirceur, boüe & corruption. Que fi elles font closes ou eftroites, il faut les dilater neceffairement avec le fer, & remplir le creux d'efponges pinceaux, à fin que la playe ne fe ferme & reprime, ains qu'elle demeure ouuerte, iufques à ce qu'il faille recourir de chair, l'os sain & net, & le refouder d'vn cal. Que les

TRAITTE DE LA MATIERE
esponges, charpies, pinseaux four-
rez dedans les playes profondes, &
pleines de mines soient liees par le
bout d'un fil pendant au dehors, à
fin que lon les puisse aisément reti-
rer. Encore faut-il aduiser, auant que
de combler & remplir, si quelque
esquille & fragment d'os, n'outre-
passe point, qu'il faillust remettre,
& reünir à son os: ou si quelque
pointe ne penetre point en la chair,
qu'il fust besoing de l'escourter &
rongner. Vray est qu'estant la raci-
ne de l'esquille entiere, il suffit de
la ratisser avec la lime. Que si les
esquilles & pieces d'os n'apportent
aucune incommodité, & que tou-
refois il ne soit possible les reioin-
dre & coller avec leur os: de deux
choses l'une, ou vous les attirerez
hors par medicamēts, ou vous pa-
tiēterez si longuement, qu'elles

tombér de leur propre motif, comme estant meures. Car ainsi faisant, ou la chair reconure l'os promptement, ou l'os est ressoudé par quelque cal. Et par apres on referme la playe par vne cicatrice, avec medicaments d'une mediocre dessication & adstriction. Ores les esquilles, qui se rauissent avec le fer parauant qu'elles soient meures, ou qui s'arrachent de force, produisent fistules de difficile guarison: pour ce ne faut-il rien violenter. Les esquilles se tirent en partie avec les medicamēts touchez & mentionnez au chapitre des consolidans, en partie avec la racine de la roquette, coucombres sauuage, des deux couleurees. L'aristologie fait particulièrement faulter les parpaillotes & fragments du test. La ligature catagmatique, comme qui diroit

TRAITTE DE LA MATIERE
ligature des os & membres rom-
pus, suffit en vn petit absces: pour-
uen qu'elle soit vn peu plus lasche,
& sans ecclisses . Quand l'absces
est grand, il ne faut pas lier à la fa-
çon des os rompus, c'est assez d'ap-
pliquer les compressees abbreuees
de vin noir, consequitiuement l'v-
ne apres l'autre, deçà, delà, sans que
l'vne soit couchee sur l'autre. Qu'el-
les soient plus longues que celles
qui couurent seulement le rond &
cerne de la partie, si elle a vn quart
de tour, il faut que les compressees
soient lōgues d'vn tiers, on les cou-
che de trauers sur la partie, & en
l'opposite elles figurent vne croix
bourguignote. Aussi bien les vlce-
res se guarissent par autres reme-
des, hors mis que les os en deman-
dent de plus dessiccatifs, & la chair
qui s'engendre sur l'os tout d'yn te-
nant,

nant, tât plus qu'elle est seiche, tant plus requiert elle les remedes plus dessiccatifs. Et puis quand la chair se regenere, se haussant par dessus l'os, & s'en esloingnant, il faut selon elle moderer iustement la force des dessiccatifs, iusques à ce qu'il faille mener à cicatrice. Ores est il requis bien souuent de couvrir les os de chair, là où on ne peut induire vn cal, alors que les leures de la fracture sont trop esgarees, ou que l'os est coupé en rond: vray est que le cal est vne bien plus ferme soudure. S'il aduient que les os soient rompus, ou desboitez, on a egard à plusieurs choses, & dès le commencement, il faut restraindre la fluxion, empescher la douleur, & l'inflammation. Doncques l'os ou qui est desmis seulement, ou deioint & rompu, veut deuant tout estre restably

T

TRAITTE DE LA MATIERE
en sa propre assiette, si bien assésuré
& roidement tenu qu'il ne puisse
eschapper. Adioustant en ce cas
l'observation des choses qui s'en-
suiuent, comme de la tention, refor-
mation, ligature, soustié ou appuy.
On fait distention de la partie, à fin
qu'en esloignant & rapprochant
les extremités & marges de l'os fra-
cturé, les bords se puissent ioindre
& entrelier doucement, en se fami-
liarisant, que rien ne demeure aspre
& raboteux: que rien ne soit frois-
sé, ny brisé: qui sont aduenues cō-
munes, & ordinaires és fractures
dentelees, inégales, & faictes en
forme de scie. Il faut aussi prendre
garde, pendant que telle réduction
se fait, que le nerf, la veine, l'artere,
les muscles ne soient point violen-
tez & retors contre nature. Estant
la partie estendue, & assésée en son

lieu, on doit la tastonner, couler doucement la main par dessus, la tourner & façonner au naturel: ce que les Grecs nomment *diaplasmi*, comme qui diroit le trait & disposition des membres. Si ces moyens ne suffisent au restablissement de l'os, il faut recourir à l'engin, fait pour la reduction & restitution de l'os en son lieu, que les Grecs ont appellé *mochliam*, comme si nous disions vn tour à puiser l'eau, liés, résnes, & tous tels instruments.

S'ensuit la ligature appelée par les Grecs *epidesis*, autrement dicté catagmatique, en laquelle plusieurs choses sont considerables, & principalement la retention du membre en son lieu, la fuite de l'inflammation & la production du cal.

Ores tout premierement il faut décider, si on doit yser de ligature &

TRAITTE DE LA MATIERE
bandage, puis en quelle forme. Cel-
le qui est de deux chefs est le plus
souuent employee, encore ne gar-
de lon vne mesme façon. Delà en
auant, il faut aduiser quelles ban-
des sont bonnes, en quel nombre,
de quelle lógueur & largeur, com-
bien fermes & lasches : puis il faut
rechercher la meilleure forme des
linges. Encore est il grand besoing
de congnoistre en quelle part on
doit commencer à bander, quelle
en doit estre la suite, combien il
faut faire de tours, comment & de
quelle distance, où & quand la li-
gature doit estre plus libre & las-
che, ou plus roidement serree, où
en est la fin, & en quel endroit: cõ-
me seront faits les nœuds où lon
piquera l'esguille, où lon placera
les resnes, quand il faudra appli-
quer les reigles, ecclisses, coussi-

nets, escharpes, combien de temps il est besoing d'y tenir toutes ces choses, & quand on peut les leuer. Et pour bander deuement, c'est pour le mieux de faire son essay sur vne partie saine, plustost que de s'apprendre, & passer son apprentissage sur la malade. Pour derniere main, il faut donner ordre, que la partie soit tellement situee, qu'elle y puisse demeurer longuement, & sans peine. Ces choses meriteroient vn liure à part, que nous auôs touchées en passant, & incidemment plus pour vous les ramentenir, & remettre en memoire, que pour enseigner. Les bandes sont couuertes de remedes repercussifs, qui entretiennent la moiteur des cōpresses & charpies : ainsi faisant, la partie demeure affranchie de douleur & inflammation. D'entree on se

TRAITTE DE LA MATIERE
fert d'un plus grand nōbre de ban-
des, tout empeschemēt forclos, cō-
me douleur, inflammation, playe,
ou autre chose. Pour la plus part
on les abbreuve d'un vin gros, noir
& moyēnemēt rude. Tel vin reser-
re la superficie, & penetrāt fort auāt,
il y imprime sa vertu repercussive,
qui coupe le chemin aux causes p-
ductrices de l'inflātion. Ce qui
est trop astringēt, est cause de dou-
leur. Le vin subtil, blāc, claret, pail-
lé, cōbien qu'il restraingne, neant-
moins ne doit estre employé non
plus q̄ l'espece des repeccussifs qui
humeētēt, le pauot, la cygue, la mā-
dragore, & sur tout si le mal est es
ioinctures, & parties nerueuses: par
ce que non seulemēt la vertu, mais
aussi le corps materiel penerre in-
terieuremēt, & offence les nerfs, &
par mesme moyen la chaleur qui

donne vie au corps, meurt & pestaint quelquefois. D'ocques il faut saouler les bandes & compresses de vin gros, noir & modereement rude. Il faut que le vallet soit tout prest, pour arroser tout le bandage, & le tenir moite, qui autrement se desseicheroit, avec preiudice du mal, se donnant garde particuliere-ment, que cela ne luy aduienne la nuit. Il vaut mieux vser l'hyner de huille-vin, que de vin: & pendant le mesme, c'est bien pour le mieux, d'employer plustost la laine avec le suin, que les compresses: s'abstenant de vin vaporeux, & de bone odeur, de peur qu'il n'enteste. C'est vn medicament raisonnable, & propre pour y mouiller le bandage, fait de la glayre d'un œuf avec l'huile rosat, ou de myrtilles: les: ut es l'abbreuuent de vinaigre, ou de l'o-

TRAITTE DE LA MATIERE
xeleom : fait de vinaigre & huile,
pourestaindre le feu. Il est loysi-
ble d'vser de vinaigre en vne par-
tie charneuse, & non vlceree. Le
cerot blanc est en vsage, si on craint
le desseichement du bandage, par
la paresse, & nonchalance d'un ser-
uiteur. Il n'est pas de si grand effet
que le vin, mais si repercute-il, &
engarde d'inflammation. Ores est ce
pour le mieux d'employer le cerot,
apres les premiers apprests alors
que le danger de l'inflammation en
est hors, quand la fracture est sim-
ple, & que l'os n'est ne froissé, ne
brisé en plusieurs esquilles. Ainsi
est-il necessaire de greffer la partie
malade du cerot avec les bandes &
côpresses, suiuanmēt les parties ex-
treimes, & principalemēt les mains,
de peur que ce qui est contraint &
pressoiré par la ligature, ne se diuer-

risse sur la partie debile, & froide. Le cerot catagmatique se fait d'une partie de cire grasse, & de deux de huile. Que l'huile soit fresche de roses, ou de myrtilles. Si la cire est plus seiche, il faut la ramollir avec plus grande portion d'huile. Les Anciēns ont usé d'un cerot de poix, si aucune partie estoit contruse, ou qu'il fust besoing de maturer, ou appaiser la douleur. En adioustant de la poix, au cerot blanc plus liquide, vous avez le cerot de poix. Ores que toutes ces matieres soient bien polies & vnies, de peur que leur inegalité n'endommageast, en euitāt le faix trop pesant, qui puisse retarder la regeneration du cal, & qui foule la partie. On arrose d'eau tiède, d'une chaleur si moderee, que lon y puisse tenir la main ioyeusement. Au temps des froides ri-

TRAITTE DE LA MATIERE
gucurs de l'hyuer, l'huill-eau est
la meilleure. Vous mouillez la par-
tie le troisieme, & cinquieme iour:
voire tant de fois, que lon leue le
bandage, & assez largement, tant
que de là elle ayt repos de sa de-
mangeison, & que la matiere qui
l'a donne soit enaporcee. L'eau
riede espanchee sur les ioinctures,
relasche la tension, appaise la dou-
leur, resiste à l'inflammation, au
septieme & neuuieme iour, on ar-
rose derechef la partie, non en in-
tention de resoudre, mais pour y
faire diuertir le sang, qui vnisse &
conioingne les os d'un cal ferme
& solide. Ceste generation & pro-
duction de cal, est appellee des
Grecs *Porosis*, & de là les remedes,
qui produisent le cal, sont nom-
mez *Porotica*. Ce n'est ne chair ne
os que le cal, mais il tient & parti-

cipe des deux. Et pource, estant la crainte de l'inflammation passée, nous deuons entendre à la production du cal, resstoudant les parties rompues. Mais en arrosant il faut tenir ce moyen que la partie s'embellisse, d'une couleur naïfue, & s'enfle tout doucement. On surpasse les bornes & limites de modicrité, si elle s'abbaise, auachit & devient passe. Pour decider de la nourriture, il faut eslire celle qui soit generatiue de force bon sang, espez & gluant. Que le pain soit de la premiere farine du froment, faisant option du plus pesant & massif, comme est celuy duquel on prepare la tisane. Choisissez les parties cartilagineuses des bestes, les nerueuses & grasses, les peaux, ligaments, tendons, petits pieds, entrailles, langues, museaux, les testes

TRAITTE DE LA MATIERE
de cheureaux, moutons, cochon-
nets, les chairs d'aig-neaux & de
porc, les dattes grasses, chastaignes,
vn restrictif, & toute telle autre
matiere. Pour l'egard des medi-
caments qui doiuent estre empla-
stiques eschauffants mesurement,
faits de folle-farine, fleurs, encens,
manne, gommes, colles, mastich,
tracagant, glayre d'œuf, cire grasse,
huile, larmes, & suc-s qui ont la
cô-sistence emplastique & peu cha-
leureuse.

Il a esté cy deuant parlé des ca-
ragmatiques & cephaliques, il faut
encore icy enrichir la matiere.

On applique le cerueau d'un
chien mis & estendu sur vn linge,
& par dessus on couche de la laine
abbreuuee de la glayre d'un œuf.
quand ce remede est desseiché, il faut
le raffreschir & renouueler. Et en

quatorze iours il a puissance de res-
 soudre. Aucuns repurgent la racine
 de la guimaue, & en tirēt la moëlle,
 laquelle à part ou meslee avec la
 farine de froment, & incorporee
 avec la glayre d'un œuf, reioint les
 os froissees & rompus. Cette racine
 espessit l'eau où elle est mise, puis
 on l'expose à l'air. Les mareschaux
 vsent de la mousse d'agnus castus,
 les autres ayment mieux celle de
 chesne: l'esponge de riuere est re-
 nommee à l'exemple des Anciens.
 La mousse est espesse, touffue, her-
 beuse, spōgieuse, collee aux pierres
 d'eau. Vn villageois & païsant,
 cōme il curast & esmondast vn ar-
 bre, il se laissa tōber du haut en bas,
 si lourdemēt qu'il eut presque tous
 les os froissees & rompus, là où ses
 amis se rendirent tout incōtinent,
 qui luy couurirent tout le corps de

TRAITTE DE LA MATIERE
cette mouſce, l'emporterent en ſa
maison en l'eſtat qu'il eſtoit, le te-
nāt en repos, & arroſans la mou-
ſce de fois à autre, & de tout à tout,
de peur qu'elle ne ſe ſanaſt & ſei-
chaſt. Ainſi rarement, ſinon lors
qu'elle fuſt ſieſtrie & paſſee, ils eſ-
changeoient ce remede. Au moyen
de quoy il fut guarry plus prompte-
ment, que lon ne pourroit croire.
Bien nous ſeroit-il loyſible de faire
cōme eux, en plein eſté, ſi le malade
eſtoit puiſſant, & robuste de corps,
& que la playe fuſt nouvelle.

Prenez ſix onces de farine de frou-
ment, de ſang de dragon, maſtich,
encens, ſarcopole, vne once de cha-
cun: toutes ces choſes broyees ſin-
corporēt avec la farine & la glayre
d'un œuf. Avec la farine de froumēt
gommes & manne cuits en eäue, ſe
faic vn cataplaſme repercuiſſif, reſtri-

Aif, & regeneratif de cal. Quand
 quelques petites parties font rom-
 pnes, on les enuolope de quelques
 peaux couuertes de gomme, ou de
 colle forte. On accommode de pe-
 tits tuyaux aux cauernofitez, & mi-
 nes des playes, ou vlcères crefpis &
 enduits d'emplafte, q̄ pour les af-
 fermer, que pour les consolider. La
 fuye d'encēs est incorporee avec la
 glayre d'un œuf, & la farine de from-
 mēt. Les emplafres plus fermement
 liez & attachez, se leuent en les ba-
 finant d'eau, le médicament pana-
 lithes és contufions, fractures avec
 playe, playes de nerfs & de verte-
 bres, il mōdifie les amas des matie-
 res vitieufes, il refoude l'incifio de
 la bourse, guarit les morsures & pi-
 queures des beftes venimeufes, &
 fert à plusieurs autres chofes.

Prenez neuf onces d'huile don-

TRAITTE DE LA MATIERE
ce, de bitume, cire, poix resine, poix
seiche, vne liure de chacune, de li-
tharge, ceruse, verd de gris, dix drag-
mes de chacun, d'encēs, ammoniac,
myrrhe, aloē, vne once de chacun:
d'opiom & du ius des pommes de
mādragore six dragmes de chacun:
d'alum, couperose, chalcitis, saffrā,
demie once de chacun: de vinaigre
à suffisance. Tout ce qui est depuis
la litharge, iusques au saffran, doit
estre reduit en pouldre, & battu en
vn mortier, en l'arrosant iusques à
ce qu'il ait acquis consistance de
boue. L'huile, la cire & la bitume,
formees en pillules se fondent elles
mesmes, sans y toucher: apres que
elles sont fondues, vous y versez la
poix & la raisine, tout estant pesse-
mee vous le coulez, & eusez vne
autre fois.

L'egiptiac d'Andromachus est de
mesme

mesme valeur, amollit & referme les playes malignes.

Prenez de la cire & litharge cinq onces & demie de chacune: sept onces six dragmes d'ammoniac: quatre onces de terebenthine: deux onces deux dragmes de laine avec le suin bruslee: D'aristologie, encës escaille d'erain & acier vne once de chacun: trois dragmes de myrthe: deux dragmes d'opoponax: trois limes d'huile de cherua, sicyoniëne, ou huile vieille. La litharge se cuit en huile iusques à vne espaisseur suffisante, vous iettez dedans l'escaille, & quand les doigts demeurēt sans tache, il faut y verser la cire, & l'ammoniac broyé diligemment. Quand toutes ces choses sont fondues, adioustez la terebenthine, & apres estre leuees du feu, vous les saupoudrez d'encens & de la cédre.

TRAITTE DE LA MATIERE
de laines, tout aussi tost qu'elles ont
refroidies, les pestrissez avec les
mains.

L'emplastre noir d'Asclepiades
rejoint miraculeusement les os de-
partis, & froissez.

Prenez huit onces de litharge:
six onces de bitume: de cire & de
poix trois onces de chacune: vne
once & demie de poix resine: d'ail
& de propolis vne once de chacun:
six dragmes d'amoniac: deux drag-
mes & demie de verd-de gris: de
l'huile à suffisance. La litharge se
cuit en huile, si longuement qu'elle
ne gaste plus les doigts, auxquels
la poix est adioustee, le tout passé
par la conloire, en cuisant s'incor-
pore avec la litharge, on iette dedans
l'amoniac bien battu, & lors vo^z
faites tout cuire, vous adioustez la
cire & la propolis amollies au pa-

auant: estant tout bien assemblé, & osté de dessus le feu, on seme par dessus l'alum & le verd-de-gris mis en pouldre subtile & menue: finalement il faut le tourner entre les mains & pestir, en le trempant dedans l'oxycrat. L'emplastre de Moschion fait de mesmes operations.

Prenez trois onces de litharge, de poix seiche & de gresse de veau vingt onces de chacune, de terebenthine & manne dix onces de chacune, cinq onces de cire, de verd de gris, opoponax, galbanum vne once de chacun, demie liure de poix liquide, de vinaigre, de ius de meures, huile de cherna vne liure de chacun: la litharge se cuit en huile, apres auoir bouillu vous y iettez la gresse, depuis q les doigts ne se tacherot plus, on y verse la poix & la cire, on cuit le ius de meures à part,

TRAITTE DE LA MATIERE
avec la poix liquide. Et apres q ces
choses sont cuittes, on les melle a-
uec toutes les autres ayant le tout
retiré du feu, vous l'ensemencez de
la pouldre de manne, & de verd-
de gris. On adioust l'opoponax
fondu en vinaigre. Le medicament
preparé & fait, demeure trempant
dedans le vin durant trois iours, &
comme il est pettri & assoupli avec
les mains, on le tient soigneuse-
ment en reserve. Quand on s'en
veut seruir, il faut le couvrir d'un
petit liét, ou d'une bande trempée
en vin. On le couche sur un cuir,
ou bien on le dissout en deux fois
autant d'huile rosat: vous en gres-
serez vos bandes & compresses, co-
me il a esté dit du cerot blanc. Car
il reioint les fractures, resoude les
ulceres, & resiste aux inflammations.
C'est un signe du cal fermé, quand

sans aucune apparence d'ulcere les linges sont tachez de sang, ce qui s'acheue le plus souuent aux iours critiques, quatorzieme, & autres: le cal est raisonnable, qui n'est point plus grand qu'il le faut, plus petit, plus dur, ou plus mol, ny retors. Le vray cal doit se raffermir par les medicaments sanguinaires, que les Grecs appellēt Enema, & ceux que lon applique sur les playes toutes sanglantes, ils desseichent doucement, & rendent le cal ferme mediocrement. Ils ont esté ramenteus au chapitre des Glutinatifs. Ils les arrousent de vin sallé & marin, & au defaut que ló face fondre du sel dedans le vin. On cuit en vin roses, balaustes, myrtilles, mousse blanche de chesne, absinthe, & autres. Ils adioustent aux porotiques, c'est à dire Regeneratifs de cal. Les cho-

TRAITTE DE LA MATIERE
les qui ont vertu de les reserrer, cō-
me le bol d'Armenie, noix de cy-
pres, & toute telle denree. Si faut-
il garder en cest endroit quelque
moyen, de peur que ne miniez &
consommiez le cal, en le reserrant
trop. Les remedes prochains as-
seurent le cal, & luy donnent vne
fermeté suffisante.

Prenez quatre onces d'huile-ro-
sat, trois onces de resine, deux on-
ces de cire, de colophonie, mastich
& encens, demie once de chacun,
de noix de cypres, de la racine de
garence vne dragme de chacun. Il
se preparera mieux, augmentant les
emplastiques, diminuant de l'huil-
le, & en adioustant vn brin de saf-
fran.

Prenez d'encens, poix, mastich,
folle farine, bol d'armenie deux on-
ces de chacun, du suif de mouton,

& de la cire blanche demie liure de
 chacun: apres que le suif & la cire
 seront fondus, démincez le reste
 ayant plongé & baigné vn linge là
 dedans plusieurs fois, que lon l'ap-
 plique sur la fracture: c'est ce qu'ils
 appellent Sparadrapom: & les mo-
 dernes vsent de l'apostolicom, &
 de l'oxycroceom. Mais icy sembla-
 blemēt, il nous faut reduire en me-
 moire, comme pour les corps en-
 durcis & calleux, on doit ordonner
 des remedes qui reserrent le cal, a-
 uec plus grande efficace: & pour
 les plus delicats, on doit faire ele-
 ction de ceux qui peuent moins,
 & le reserrent avec mediocrité. Il
 faut appetisser le cal, qui est trop
 grand, en retrenchāt vne partie de
 la nourriture, & changeant la qua-
 lité, il faut tastonner & frotter la
 partie long temps, & tout bellemēt

TRAITTE DE LA MATIERE
avec huile, sel & nitre, bassinant la
mesme partie d'eau chaude salée,
la couurant par apres d'emplastres
discussifs, & euaporatifs: puis en-
core la bander plus serrement. Et
ce pendant le malade viura d'her-
bages, quelquefois sera prouoqué
à vomir. Pour faire que la nourri-
ture se diuertisse en la partie oppo-
site, il faut l'oindre d'un synapisme.
Paulus Eginera ordonne les reme-
des plus astringents en un cal nou-
uellement fait, qui est creu outre
mesure, il le lie tresestroitement, quel-
quefois le couurant d'une plaque
de plomb. Mais en celuy qui est en-
durcy de longue-main, apportant
laideur à la partie, & la difformant,
luy ostant mesmement & abolis-
sant son action. Il ouure le cuir, ra-
tisse le cal, le deschire d'une lancet-
te, le perse d'une tariere, & trenche

toutce qui en reste. Si nulle action de nature n'est blessée, si la partie n'est euidentement laide, si elle est sans douleur, il vaut mieux n'y toucher point avec le fer. Quand le cal ne croist pas assez, ou qu'il ne croist pas en temps & lieu, on le doit auancer par vn autre moyē. Ce qui suruient ordinairement, quand le lieu où est le cal, s'estuue trop de fois. Quela ligature n'est pas deuement faicte, & que les bandes sont leuees trop souuent, & auant le temps. On peut aussi auoir fait quelque faute en son viure: pource faut-il introduire vne reformatiō de toutes choses en mieux. Que si le cal ne se regenere point, faute que tout le corps ne se nourrit point, il conuient en premier lieu prouuoir à tout le corps. On voit beaucoup de fois, que quand le bandage est trop

TRAITTE DE LA MATIERE
estroit & serre trop, que la partie
s'emmaigrit par son propre vice,
qu'elle demeure comme morte &
fance, il faut desserrer la partie ma-
lade, en relaschât la ligature, & fai-
re qu'elle reprenne vie. Mais nous
auôs tenu propos de cecy en la de-
scription du dropax, au chapitre
des Pyrotiques. Quand le membre
est emmaigry estât la ligature con-
uenable, le mēbre profite au doigt
& à l'œil: mais il faut la renger au-
tremēt, qu'aux fractures. Si la iam-
be deuiēt fance, & en chartre, nous
liions la cuisse au plus haut, faisant
venir le bandage, depuis l'aine iuf-
ques au genouil, en serrant plus
fort du commencement, & de là en
auant, le relaschant petit à petit: à
fin que le sang flue en bas par les
veines communes, cōme par quel-
ques ruisseaux. Que si la cuisse dex-

tre vient à defaillir, ou toute la partie, vous iettez vos bandes sur la cuisse fenestre, les faisant venir de tour en tour, depuis le genouil, où vous serrerez plus estroittement, finissant enuiron l'aine, où il faut, presser & estraindre assez fort, à fin que quelque portion de sang, comme en se diuertissant & destournât, se derine sur la partie gresse: combien qu'il faille se gouverner en la ligature avec telle mediocrité, qu'elle ne suscite aucune douleur, ny ne repercute tout le sang du membre sain & entier. Car encore que nous facions estat de le nourrir sobrement, si faut-il le nourrir. Vous en ferez tout autāt aux parties hautes. Si le cal est tors, pourueu qu'il soit mol, on doit l'attenuer & anéantir par fomentations laxatiues, & medicamēts resolutifs. On l'estuue

TRAITTE DE LA MATIERE
d'eau tieide, d'huill'eau, ou d'une
decoction de guimauue, & autres
semblables. Les figues seiches mes-
lees avec la fiente de pigeons, le re-
soudent. Mais de toutes ces sortes
de medicaments, il a esté discouru
pleinement au chapitre des Reso-
lutifs. Si le cal est endurcy, suivez
le conseil que nous vous auons
donné, pour remedier au cal sur-
croissant, & inueteré. Celuy qui est
trop mol, doit estre affermy, & as-
seuré par medicaments restrictifs,
d'une consistance emplastique.
Mais on ne voit gueres qu'il ayt
plus grande dureté, sinon qu'à ce-
ste occasion il en fust plus fresse, &
aisé à rōpre, & alors il est besoing
de recourir à la regeneration du
cal. Il aduient aucunes fois, que des
parties nerueuses, & des os, degout-
te vne humeur glayreuse sembla-

ble à la bouë de quelque absces,
qui est pour la plus part pronfon-
dément cachee, & ne s'euapore pas
facilement: combien qu'en relas-
chant la partie quand la matiere se-
ra departie & preparee, vous la cõ-
sommerez en la faisant exhiler, par
remedes conuenables: sinon il faut
la repurger, en luy faisant ouuerture.
Si vous mesprisez l'euaporation
ou repurgement de cest humeur
glayreuse, elle acquiert forme de
scirrhe, & lors il faut auoir recours
aux remedes, qui ont esté ordõnez
& descrits au chapitre des Remol-
litifs.

F I N.



Correction des fautes eschap-
pees en l'impression.

foisonnant, lisez foisonnâts, fueil. 2. pag. 1.
auouez de tout, lisez tous, fueil. 4. pag. 1.
patron & limitation, lisez à l'imitation,
fueil. 4. pag. 1. barbare, lisez barbarie,
fueil. 6. pag. 1. resoudre, lisez resoudre,
fueil 9. pag. 2. alquilles, lisez esquilles,
fueil 17. pag. 2. par vde chaleur, lisez par
vne chaleur, fueil. 21. pag. 2. qu'il luy est,
lisez qui luy est, fueil. 27. pag. 1. exteite,
lisez externe, fueil. 27. pag. 2. aromales,
lisez aromates, fueil. 27. pag. 2. vmaite, li-
sez vinaigre, fueil. 30. pag. 1. de sarmen-
re, lisez sarment, fueil. 32. pag. 1. assoupir,
lisez assouplir, fueil. 39. pag. 2. colle de
pin, lisez celle de pin, fueil. 41. pag. 2. Di-
larhee, lisez dialthee, fueil. 43. pag. 2. par-
mi les dejections, lisez deiections, fu. 53.
pag. 2. ius de mouelle, lisez morelle, fu. 70.
pag. 2. croecon, lisez croceom, fueil. 88.
pag. 1. tellenten, lisez tellement, fueil. 91.
pag. 2.





105

X 99
1.0L

cm

cm

